



# नवाः



# नेवाः छेँ

(Newar Cultural House)



चवम्हः

सुरेन्द्र मान श्रेष्ठ

Author

Surendra Man Shrestha

Maru, Pyaphal Tole

Kathmandu, Nepal.

पिकाक- रामभक्त भोमि

ह्लापागु पिथना- ११००

नेपाल संवत् १११८, चौलागाः

म The Quest  
70..

ध्व सफू थाकेगु सर्वाधिकार ज्वमियागु



---

थाकू- लक्ष्मी छापाखाना, यट्खा त्वाः ।

---



# नेवाः छे



पंचमहाभूतया शरीर त्वःताः थःगु छैं स्वर्गय बास याना च्वपिं पुर्खात  
लिसे च्वना दिउपिं ब्वा राम श्रेष्ठ, मां बाल सुन्दरी श्रेष्ठ व तता  
पद्मसुन्दरी श्रेष्ठ नापं फुकक सितं लुमंकाः आः दनिपिं जिमिसं  
पारिवारिक जीवन हना च्वना ।

च्वमि





Fig. 1. Ceremonial jewellery



## धलः पौ

क्रम संख्या	विषय	पेज नं.
१.	छेरि	१
२.	मातँ	१०
३.	क्वत	१६
४	बैगः	२७
५.	थांय् मापाः	३८
६.	गृह लक्ष्मी	४७
७.	देमिया छे	६१

## शुद्धिकरण:-

पौ:-	प्राखः इवः	जुयाचवंगु:-	जुइमाःगु:-
२	६	द्यः थाय्यागु चा	द्यः थायेगु चा
४	२३	चुकुतइ	चुकुतइ चायेकी
८	२४	द्यः मालय्	द्यः मालय्
१०	२	उइवइ	इउवइ
१३	१७	भिन्न	अभिन्न
१५	२२	सित्	सिहत
१६	१६	व धलिम	बः धलिम
२३	२४	कुंपाःया सिंह	गरुड मुख याह्म कुंपाःया सिंह
३४	१२	मिखा कंकाः व्वयाः	मिखा कंकाः च्वया
३६	२४	मित्याः बुट्टा	मिच्या बुट्टा
३७	७	नित्वाःभुतु	निप्वाः भुतु
३७	६	न्हय्पा	न्हय्पाँ
३६	१५	सिकः मितयनं	सिकःमि नायःनं
४६	४	ह्य ह्यँ	ह्य छह्यँ
४८	६	न्यांपाः इया ब्रैगलय्	न्यापाः इयाःया ब्रैगलय्
४८	२४	खज्ग च्वःया	खड्ग च्वःया
५१	२०	द्यःया मूर्ति पूज्याये	द्यःया मूर्ति स्त्रनाः पूज्याये
५६	१२	आगंद्यः यूज्याना-	आगंद्यः पूज्याना हि खूह्य
		मोहनि वलय् हि खूह्य	
६०	२२	छंगु	धयागु
६०	२३	वंगुदु	च्वंगुदु
६१	१५	आगं द्यःया लक्ष्मी	आगंद्यःयात मां लक्ष्मी
		अजिमा	अजिमा
६६	१६	आंपाय् भूमन्त	आंपाय् भूसीमन्त



## न्ह्यखँ

विश्वय् दक्वते तःजागु च्वापुगुँ ( माउन्ट एभरेष्ट ) धस्वानाः त तःधंगु स्वंगू खुसि कोशी, गण्डकी व कर्णाली नागबिलि कयाः न्ह्याना च्वंगु नेपाल भूमिइ बास यांना च्वंपि नेवाःत नेपाःया मूल आदिवासी खः । नेवाःतय्के थःगु धयागु सुयालिसे ज्वः मलाःगु थःहे पहःगु मौलिकताया वान्छिकतां जाया च्वंगु संस्कृति मनोभावया विकास व पुलांगु सभ्यता दु । विश्वयात नेवाः धकाः ह्यसीके बीगु चिःनेवाःतय् बुसँ भिसँ कया सीबलय् तकं यांना वइच्चनीगु इमिगु संस्कृति खः. गुगु मनूतय्सं पला पतिकं खना व स्वया च्वंगु दु ।

नेपाः देशय् यक्व थासय् आजु अजिमा छः दु । थः थःलागा याहा आजु अजिमा छःयात थः थःगु पीठ छः माने यांना च्वंगु दु । कागया अष्टमी कुन्हु मनूत मुनाः पीठ पूजा वनेगु व सीकः वनेगु धकाः आजु अजिमा छःथाय् वनी । आजु अजिमा छःयात अष्टमातृका धार्पि मनूत दु । झि निदँ झि स्वदँ न्ह्याया खँ खः, जि व मेपि स्वहा पासा मुनाः पीठ सीकेगु धकाः सः सःतीपि अजिमा छःथाय् वना । जि बाणिज्य शास्त्र कयाः व्वनाः नेपाल वैकय् जागिर नयाः उबलय् छहा अधिकृत पदय् च्वनाः ज्या यांना च्वनाहा व पासापि धाःसा स्वहा क्वाम्पसय् आखः व्वंकाः गुह्य प्राध्यापक गुह्य उपप्रध्यापक जुया च्वंपि खः ।

जिमिसं सीकेत वनागु छगू पीठ नारांहितदरबार दुने लाना च्वँहा चन्द्रलखु अजिमा छः खः । निभाः बी धुकूगुलि दरबार दुने दुहाँ वनाः छः दर्शन यायेगु सौभाग्य प्राप्त मजुल अनं जिपि ल्याहाँ वयाः । लँय् छहा पासाया मतिइ छु वल खः वय्कलं जित छु धाल धाःसा जिपि स्वहा ला बुद्धिजीवी सर्कलय् मनूत थथे चाःहिलाः स्वःवयेगु व च्वयेगु अभिरुचि जुया च्वनी, जी थुपि पीठयात कयाः छपू लेख च्वयेगु जुल, आः पीठ सीकाः वइगु खँयात त्वःता छ्वये, मे मेगु खँल्हाये धयादिल नापा वनापि छहा पासां थथे धाःगु लिं जिगु मनय् भचा गथके से च्वन । जि छुं मधया । खय्तला व

पासा च्वयेगुलि लहाः च्वःहा खः । खँय् खँय् जिनं व पासायात थुपि अजिमा  
द्यःतय्त छाये माःगु, सहाय् बजियात कयाः छपु च्वसु च्वयेगु जुल धकाः  
प्वाक्क धायेलात । लिबाःगु लि थः थःगु छँय् वना, खँ थुलित्तुं ।

न्याला ति लिपा व पासां “प्रज्ञा” धयागु दँ पीं ज्वना वयाः  
वयागु अष्टमातृकाया च्वसु स्वयेत बीहल, स्वयाः । थःयाके च्वयेगु वानि मरु ।  
नेवाः भाषं पिहाँ वड्गु संस्कृतियागु व इतिहासया लेखत स्वयेगु यानाः ।  
नखः चखः व द्यःतय् खँ न्हापां निसँहे न्यनेयः । जिमि मां तःसकं थितिकुति,  
नखः चखःतय् खँ कनादी । नखः चखः हनेमाः, महेनेगु यात धा.सा भाः खनी  
मथु, नखः चख त हनेगु थिति बिति त हनेगु यानाः मतःगु जूसा मनूतय्  
मनय् दिक्क जुयाः गुव्लें सी थे जुइ, छगूया लिपा मेगु नखः चखःत वया  
हना च्वनीगुलि मनूतय् न्हि वंगु चाइमखु धयादी । मनूतसँय् च्वयेगु खँत  
ऐतिहासिक प्रुफ जुइमाः धाइगु । थःयात सहाय्बजि छायेगु व नयेगु छु  
इतिहासय्, गुगु शिला लेखय् दइ धकाः माला स्वः जुइगु धया थें मनय्  
वयाः थ्हां च्वये धयागु च्वये मफया अर्थेतुं जुल ।

छन्हू जिमि मांमं न्हापा जित जामनः गुभाःजु न्हि न्हि कलः छगः  
ज्वनाः स्यंगुइ शान्ति पुखुलिइ वनाः पूजा याः वनी, न्हा.ने ला पि मनूत  
दुहाँ वने फइमखु, अनदुने ग्यानापुपि राक्षेसत दु, इपि वयाः ज्वं वइ, इमिसँ  
छुछु धाल विइमाः, बिइमफुतकि थयात स्यानाः नइ । जामनःगुभाःजु राक्षेस  
तय्त म्यें धाइपिन्त म्ये फैं धाः धाःपिन्त फैं धाः धाःगु कलखं पिकयाः बियाः  
पुज्याना वइ धया तःगु खँ लुमसे वल । पूजा वनाः छँय् जानयेम्वाःहा जुयाः  
जामनः गुभाःजु धाःगु धाइ । अले ह्याय्पि अजिमा द्यःया खँनं लुमना वल ।  
जामनः गुभाःजु सहाय् थनाः कलखय् तयाः यंकीगु स्याबजि फैं, हाकुमुस्यां  
म्यें, पालुं हँय् यानाः धाःधाःगु बीगु व ह्याय्पि अजिमा द्यःतय्त जीबबलि  
भोग बीगु छँ मनूतसँय् धयावइ च्वंगु दनी ।

बुँद्यःया बंशाबलि धयागु सफूचाय् बुँद्यः काःवँवलय् बन्धुदत्त  
आचार्यजुं मन्त्र यानाः यक्षराजयात सहाय् बजिया छपु स्याबजि व हाकु  
मुस्या छगलं द्रछिहा फैं व द्रछिहा म्यें यानाः उपहार ब्यूगु च्वयातगु नं लुमना  
वल । थ्व खँतसँय् जिगु मनय् छु वल धा.सा जीब धयापि पंचतत्वया प्राणी खः ।  
जीब सृष्टि जुइत पंचतत्व माः । ह्तापा महान् तान्त्रिक बन्धुदत्त आचार्य  
जामनःगुभाःजु व मेमेपि तन्त्रज्ञ तसँय् पंचतत्वया प्रतीकय् तान्त्रिक मतं सम्हाय्  
बजिज्वलं न्याता तयाः स्याबजि हाकुमुस्या, पालु, संन्या व अय्लाः दाय् थ्वं

जीब सृष्टि यानाः राक्षसतयूत व्यूगु व द्यःतयूत जीबबलि भोग व्यूगु व बियावइ च्वंगु जक मखुला धयार्थे मतिइ वल । मनूतयू सम्हयू थनाः द्येकि वइगु, सम्हयू छायाः म्ये, फे, दुगु, खा व चबाहाँ छ्ये स्यानाः जीबबलि भोग बीगु स्वः जुयाः । मनूत द्यः द्यः थायू सम्हयू ज्वलंया अयलाः व थ्वैया धाला, कुलिचा व अन्ति स्वनाः द्यःया पूजा यानाच्चनी । थम्हं नं मोहनि बलयू थापंकुन्हु पंचमकारया अयलाः, ह्याउँ थ्वे व थ्वैया थापि स्वनाः आगं द्यःया पूजा याना वइच्चनाः । द्यः थापं यायेत नं पंचतत्त्वया पंचमकार माःगु जुल । थुगुहे दृष्टि कोणयू वनाः ह्लापा थइत धयातःगु परंपरा निसे मनूतसयू धयावइच्चंगु व हनावइच्चंगु थिति बिति यात कयाः व्यवहारं पिने मर्वसे “क्षीगु संस्कृतिइ सम्हयू बजिया महत्त्व”या नां छुनाः संस्कृतिया च्वसु च्वयेगु शुरु यानाः । न्ह्याथे च्वःसां नं थइत चित बुझेमजू । हानंहानं दयेकाः च्वयाः न्याला खुला वनं नं पूर्वके मफु । छन्हुला पूर्वकाः स्वयाः बाँलाः ताया पासा बलदेव जुजुयात वयँनाः, बाँलाः तायेका दिल । मज्यू मज्यू थायू दयेकाः माः माः थायू आखं ग्वः भिकां दिल । वयकः पासां “खड्ग सुरक्षाया प्रतीक” या च्वसु च्वया दिल ।

जिमिगु थ्व निपु च्वसु पिकायेत सरस्वती बहुमुखी क्याम्पसं पिकाइगु नेपाल भाषाया “न्हायूकं” दं पौ यात बिया । थम्हं व्वंका वइच्चनागु क्याम्पसयू थम्हं बियागु जिगु पत्ति च्वसु पिहाँ मवःगुलि पासां नुगः मछिका दिल, खँ छु मन्त । लिपा थ्व जिगु च्वसु “सितु पत्तिकायू” बियाः पिकया मव्यू । लित तुं कया । थःपि निह्य जानाः सफू पिकायेगु सलाः जुल । जि पंचतत्त्वया दृष्टिकोणं हे छ्ये सगंया मेगु छगु च्वसु च्वयाः । अनंलि मोहनि व सीकाः भूयानाः मेगु निपु च्वसु च्वयाः प्यपु खाकाः । पासां मेगु स्वपु लेख “नेपाःया तान्त्रिक द्यः”, “नेपालयू द्यःखः जात्रा” व “स्वन्ति नखः” च्वयाः प्यपु लेख खाका दिल । निह्ययू सियागु याना च्यापु लेखया छगु सफू पिकाये तं स्वयाः ।

भाषा निभाः स्व. प्रेम बहादुर दाइयात भूमिका च्वकेगु मतिइ तथा । वयकलं जिमित ह्यमस्यू, गथे धाः वनेगु धयार्थे जुन । वयकलं ह्यस्यूह्य मेह्य छह्य पासा ज्वना वनाः छेयू मदी लिहाँ तुं वयाः । वाछिः ति लिपा जिपि निह्य पासा प्रेम दाइ धया सतुं सतुं छेयू थाहाँ वना, तलं निसे ज्यउँ धका वयकः कुहाँ झाल । जिमिगु परिचय बिया । तले झासं धयाः व्वनार्यकाः बैथकयू पय्तुका दिल । जिमिगु खं न्हयँथनाः निपु ति लेख व्वनाः न्यंकाः । वयकः



प्रभावित जुयाः भूमिका चया वीगु वचं बिया दिल । जिमि न्हापांगु कुतः जुया सुनां छुं धाइला धया थे छखें ग्याः मेखे सुनां नं जिमिसं मस्युगु खं धाःसा सीके दइगुथे नं तायेका । प्रेम दाइ नं धया दिल 'सल ग से' । लि कुतुं वनी छाये ग्याये माःगु धकाः हवसला बिया दिल ।

प्रेम दाइ नं जिमिगु सफू स्वयाः भूमिका चयाः बिया दिल । वयकःया भूमिका जिमित तः धंगु प्रोस्थान बिल । न्हापांगु जिमिगु सफू 'तान्त्रिक छः व तान्त्रिक पूजा' खः । सफूया तःधंगु हलचल जुल । ब्वमि भाजुपिसं ययेकाः दिल । श्वहे जिमिगु तःधंगु संतुष्टि खः ।

निदंति लिपा जिपि निह्महे जानाः संस्कृति सम्बन्धयागु 'कान्तिपुर' नां छुनाः मेगु छगु सफू पिकया । अनं लि पत्र पत्रिकां लेख माल धाइः, च्वयेतुं माला वन ।

छन्हू छेंय् फोन बल, जिमि भिद्यः पुज्यानाः न्यायेकेगु सनाःगुया पुजारी आचाःजु भाजु जुया च्वन । वयकः सःस्यूह्म खः, पुजारी भाजुया छहा पासाया काय्या व्याहा, ज्वःकुत माःगु जुया च्वन खनी । व्याहा लगन कायेफइ मफइ न्यनाः लिसः बिइ धयाः । ज्वः कुंतजक न्यनेगु मखु कलश दू मरु नं न्यनेमाः खंला, न्हूह्म भौमचा दुचायेकेत निखे जःखः कलश थनाः द्वारपाल यानाः तयेमाः धयादिल । भौमचा दुचायेकी थाय् निखे जःखः कलश तयाः त्वारिबाय् ध्योमत च्याकाः तइगु ला खना च्वनागु खं खः ।

कलशयात द्वारपाल याना तयेगु छाय् धाःगु खः मनय् वल । पुरेत बाज्यापिसं जक कलश तयाः न्ह्याह्म छःत पुज्याकी । कलशयात न्ह्यागुलीसनं कयाः छचलेजिउंगु जुयाः भौमचाया निखे जःखः कलशयात स्यांगिनी व्यांगिनी बाय् सिंह व सिंहिनी यानाः द्वारपाल याइगु धकाः सिल । अले ह्ति ह्ति दुहाँ पिहाँ जुया च्वनागु मनुखा, खना च्वनागु तिकिइयाः, सँइयाःया निखेया माय् बैंगलय् व फल्चिया थाँ थाँमय् कलश तयाः बुट्टा पिकयाः तइगुलिइ मिखा वन ।

मूलुखा, लुखा, इयाःत आजु अजिमा छःया रूप कयाः छुनाः, बैंगलय् छें कवः, सतलय् व फल्चाय् फल्चिया कवः पिकयाः निखे जःखः कलशयात द्वारपाल यानातःगु थुइकाः गनं मूलुखा लुखा व तिकिइयाः इयालय् कलशया थासय् छःपाः तया तःगु व सिंह व सिंहिनी हे तयाः द्वारपाल याना तःगु खँसेलि जिगु मनया खँयात क्षन् तिवः बिल, आजु अजिमा

द्यःतय् निखे स्यांगिनी ब्यांगिनीयात व सिंह सिहनीयात द्वारपाल यानतइ तःगु दु । स्यांगिनी ब्यांगिनीयात आजु अजिमा द्यःतय् मस्त धाइ ।

मि ह्वाना ह्वाना छ्वयाः दना च्वंगु आजु अजिमा द्यःया रूप मूलुखाय् लुखाय्, तिकिइयाः इयाःलय् छेँ कवलय् फल्चिया व सतः कवलय् मि छ्वयाः दना च्वंगु बुट्टा पिकयातइ । अथे हे आजु अजिमा द्यःया अभिन्न अङ्गछगु रूप बाय् इमि छगुया मेगु अङ्ग स्वहा व न्याहा यानाः द्यःत स्वना तइगु मूलुखा, लुखा, इयाःत जो मलाकूसें छपाः, स्वपाः व न्यापाः यानाः छुमाः व छेँ कवः, फल्चिया व सतःकवःत पिकयातइ । मूलुखाय् आजु द्यःया ततःग्वय्क मिखा च्वयाः कंकाः मूलुखा फुसय् ह्याउँक सिहः तिकाः द्यःयात पुज्याइ ।

मूलुखाय्, लुखाय् तिकिइयाः, सँ इयालय् फल्चिया व सतः कवः कवलय् अजिमा द्यःतया ( द्यःकुं कयाः ) निखे पाखे नागबिलि कयाः च्वाल्ल म्येँ लुइकाः ग्याना पुइका तःपि सिह्वा दुपिं छु जीव खः ? छाय् तया तःगु ? आगं छेँ द्यःछेँ व देगः देगःया मूलुखा इयाःया खोपालय् ( तोलनय् ) सिह्वाः गरुडमुख व अले निखे किसिया स्वथे दुपिं छु जीव खः ? थथे तया तइगुया अर्थ छु खः ? दयागु थुयावःगुकथं मूलुखाया विषयलय् “छेय् मूलुखा छुइगुया सांस्कृतिक महत्त्व” धकाः छपु च्वसु च्वयाः “विश्वभूमि” तँसा पौलय् पिकया । अनं लि तिकिइयाः व सँइयाःयात कयाः “तिकि इयाःया सांस्कृतिक परिचय” व “सँ इयाः कलात्मक जक मखु, तान्त्रिक इयाःनं खः” धकाः निपु च्वसु च्वयाः “विश्वभूमि” तँसा पौलय् हे पिकया । अले छेँया विषयलय् सफू च्वयेगु विचाः दयाः उखे थुखे दनाः पुलां पुलां छेँ, आगं छेँ, द्यः छेँ, व देगःत स्वया जुया । छेय् आगं छेय् द्यःछेँ व देगः देगलय् ज्या कया तःगु अप्पायागु व सिया बस्तुतय् अर्थ सीके माला वल । इलय् बिलय् यल, खवप, थिमि, केपू, जलय्, वादेशय्, सक्वदेशय् व मे मे थासय् दनाः सः स्यूपि पुलांपुलांपि सिकःमि नायः दकःमि नायः व मे मे पिं मनूतय्के न्यनेकने यानाः जुया ।

मनूत वासं याइगु छेँ आजु अजिमा द्यःया रूप कयाः दनातःगु खँ सीकाः थुइकाः छेँया विषयलय् च्वयेगु विचाः याना ! नेवाः त थःगु संस्कृति कथं दनातःगु छेय् च्वनाः वहे कथं संस्कृति हना च्वंगु दु । मि ह्वाना ह्वाना छ्वयाः च्वंगु बुट्टा यानाः छिना तइगु अप्पाया बस्तु व थथे हे यानाः बुट्टा पिकया तइगु सिया बस्तु तयाः छेँ दनाः पल्लि चिनाः भौप्वाः पिकया

भीवा तयाः इवः इवः थाय्मापाः थना तद्गु या स्वरूप मि ह्वाना ह्वाना  
छ्वया च्वंगु खः । मि छ्वया दन धायेव खड्गया रूप धारण याइ । खड्गयात  
आजु अजिमा चःयानाः पुज्याना वइ च्वंगु दु ।

छेय् भीवाः पिकयाः भौप्वाः तया तद्गुया आगं छेय्, चः छेय्  
व देगः देगःया लुं पल्लिइ ज्वालान्हाय्कं व सिह्लः मू तया तइ ।  
ज्वाला न्हाय्कं व सिह्लः मू सुर्घः व चन्द्रमा लुया च्वंगुया स्वरूप खः ।  
मिसामस्तयत् बौराः तयाः पिकाइवल्य ज्वाला न्हाय्कं व सिह्लः मू  
ज्वंकाः सुर्घः व चन्द्रमा लुइका चः थाय् यंका पुज्याकी । म्हाय् मचा  
पय्न्नं बीत बौनं ज्वालान्हाय्कं व मानं सिह्लः मू बिया ग्वय् काइ । ज्वाला  
न्हाय्कं व सिह्लः मू बीगु धया गु ल्हातं ज्वंकीगु खः । छेया नकि गृहलक्ष्मी  
खः । स्वन्ति लक्ष्मी चः पुजा यायेह्य गृह लक्ष्मी खः । लक्ष्मी चःया पातय्  
लक्ष्मी चःया जवगु ह्लातय् ज्वालाह्लाय्कं व खवःगु ह्लातय् सिह्लः मू  
ज्वंकाः च्वया तइ । लक्ष्मी चःयात लक्ष्मी थिर जुइमाः धकाः पुज्याइ ।  
पुजा जुइ वलय् छेयात गृहलक्ष्मी धया सन्तान बृद्धि जुयाः कुल थामे  
जुइमा धकाः पुज्याकी ।

तन्त्रमन्त्रया सिद्धि दुपि त तःधेपि तन्त्रज्ञत गुलि थःगु जुनि दनी  
बलय् हे पंचतत्त्वया भौतिक शरीर मदयेकाः छ्वयाः बाय् त्वःताः सिद्ध  
वनाः चः जुयाः प्राणीतय् भि यानाः च्वनी । अथे हे मनूत मित कि भौतिक  
शरीर अग्निकुण्डय् भष्म यानाः मदयेकाः छ्वया सीपि नापा पारिवारिक  
जीवन हना च्वनी । पितृदेव माने यायेमाः भि जुइगु मनूतय् विश्वास दु ।

नेवाःतय् आगं चः माने याइ । आगं चः धयापि थः थः कुलया चःत  
खः । उकि मिज्जे चःयात आजु मिसा चःयात अजिमा धाइ । जीव पंचतत्त्वया  
प्राणी खः । प्राणी जीबित जुइत पंचतत्त्व माः । चःत जीबित जुइत जुया  
च्वनेत नं पंचतत्त्व माः । आगं छेय् आगं चःया प्रतीकात्मक मिसा मचायात  
चः (कुमारी चः) यानाः तइ । मनूत वयाः कुमारी चः पुज्या वइ । आगंमय्  
सह्याय् थनाः तयाः आगं चःया पुजा याइ । ~~सोहनि~~ <sup>सोहनि</sup> बलय् आगंमय् खड्ग  
धकाः तान्त्रिक मतं पंचतत्त्वया पंचमकारया अय्लाः ~~के~~ <sup>के</sup> अय्लाःया अङ्ग थ्वे  
थनाः थापि स्वनाः सुर्घः व चन्द्रमाया धौ पति तयाः नायः नकि च्वनाः आगं  
चःया पुजा यानाः खड्ग सिद्धि काइगु व खड्ग सिद्धि बियाः फुककसिगु भि याइ ।  
आगं चःया खड्ग सिद्धि कायेमाः शत्रु नाश जुयाः भयनं फाला वनाः जीवन  
रक्षा जुइ । त्रिलोकया प्राणीत वयाः खड्ग सिद्धि कयाः चःया जात्रा स्वया



चवनी । थुकिया दसु खवपय् भैलः आजु, यलय् भोटो कयनीगु व येय् मरु  
सतः खः

नेवाःतय् छेय् खड्ग आकार वयेकाः मूलुखा छुनाः आजु अजिमा  
छः तयाः निखे पाखे मि मलःयात नागबिलि कयाः च्वाल् म्ये लुइकाः  
ग्यानापुइका तइ । ह्लि ह्लि मिस्त सुथ ह्लापां दनाः छ्वाः सिला वयाः  
सुनां मथिइक लः कया वयाः पूजा तयाः मूलुखाय् छःयात पूजा याइ । आर्ग  
छःयात पूमज्यायेकं पिने छके वनेमज्यू धकाः वनिमखु । मनूत पिने ग्यानाः  
छेय् दुहाँ वइ । छेय् दुने फुक्कसिया सुरक्षा जुयाचवनी । छेया विषयलय्  
अनुसन्धान यानाः सीकेमाःगु खेँ आपालं आपाः दु ।

नेवाःतय् संस्कृति विषयलय् जि गुलि चवया चवनाः ह्लापां जिमि  
मानं इलय् बिलय् कनातःगु व धयातःगु खेतय् लिधेसा कयाः चवयागु खः ।  
नेपाःया संस्कृति संरक्षण जुइगु ज्याय् जि पला न्ह्याकेफुगु जन्म ब्यूहा मा बौ  
पिनि थःगु संस्कृति प्रति माया ममता कथनं जूगुलि इमि कीर्ति दया  
चवनेमाः धकाः मनं तुनाः संस्कृति सबन्धयागु हे “नेवाः छेय्” नां छुना थुगु  
सफू पिकयागु खः । नेवाःतय् संस्कृति संरक्षण जुइगुलि ध्वसफूतिनं तिवः बीगु  
मनंतुना । सफू थाः बलय् गनं गनं आखः स्यनाः अर्थया अनर्थ जुया च्वँथाय्  
शुद्धी करण याना सां पौलय् स्वयाः आखः ग्वः भिकाः ब्वनादीगु आसा  
याना ।

नेवाः संस्कृतिया सफू च्वयेगुलिइ जि व जिमि पासा वलदेव जुजु  
निहा थःपिनिगु छगूहे लैपु च्वनाः पला न्ह्याकाः वइच्चनागु खः । थुगु सफू  
थीथीगु च्वसुगा मखूगुलि थम्हं जक च्वयागु जुल । थये धकाः संस्कृति  
विषयलय् जिमिगु दृष्टिकोण पाःगु मखु । ध्वसफू पुर्वकेत माःमाःगु पूजा सफूत  
स्वयेगुलिइ व मामाथासय् वनाःमनूतलिसे न्येकने याःवनेगुलिइ पासां यक्व  
ग्वाहालि याना दिल । अथेहे खँग्वः शुद्ध मजूथाय् भिकाः व प्रफु नापां थहा हे  
स्वयाः ग्वाहालि याना दिल । थुकिया लागि वय्कः पासायात यक्व यक्व  
सुभाय् दु ।

शुभचिन्तक भाजु रामभक्त भोमिजुं फयां फक्व याकनं सफू पिकायेत  
हथय्चाय्का माःमाःगु सफूत हयाः कयँना भूमिका च्वयेगुलिइ थम्हं मनं खंगु  
खं प्वंकाः ग्वाहालि याना दिल । अथेतुं मदुगु ई पानाः माःमाःगु छुं फोटो  
थहातुं कयाः व सफू पिकायेत मा गु खर्चया थहा हे भाला कयाः नेपाःया भाषा

व संस्कृति संरक्षणं जुहुगु भिगु ज्या याना दिल । अथेतुं याना वयाच्चवना दीहा वयकः शुभचिन्तक भाजु रामभक्त भोमिजु यात यक्व यक्व दुनुगःया सुभाय् दु ।

तान्त्रिक विधिया पूजा सम्बन्धय् छुं खँ सलाः याना बलय् ग्वालि यानाः दीहा जिमि जःला खःला नां जाहा गुरुजु धर्मनन्दयात यक्व यक्व सुभाय् दु । वयकः पुजा सन्वधय् सः स्यूहा जक नं मखु संस्कृति संरक्षण यायेगु सामुहिक ज्यानं यानाः वइ चवना दिगु दु । चचा हालेगुः ऋतु ऋतुया नेवाः म्ये हालिगु, व म्ये हालेगु विद्याय् पारंगत हा खः । वयकःयात हनेः बः जू ।

अथे हे आसा सफू कुथिइ वनाः सफू स्वःवने बलय् छति हे थाकु मचायेकु सें माःमाःगु पुजा सफूत क्यनाः माः माः कथं ग्वाहालि याना दीपि राजा शाक्य व सरद शाक्ययात, छेया त्रिषयलय् न्यने कने याना बलय् स्यूगु खँत धयाः अपालं ग्वाहालि यानाः दीहा सिंकमिनाय रत्न काजी स्थापित व भे भेपि सिंकमि नायःयात व शुभचिन्तक पासापि फुककसित अमाल आपालं सुभाय् दु ।

सफूया लागि थहा मनां खना थेतुं छवः किपा च्वयाः ग्वाहालि याःहा किजा धाःसां ज्यूहा भाजु जीवन राजोपाध्यायात व मेहा ग्वाहालि यानाः ब्यूहा शरद रंजितयात दुनुगलं निसे यक्व यक्व सुभाय् दु । जिमि ह्यापांगु सफूत तान्त्रिक छः व तान्त्रिक पुजा व कान्तिपुर निगु सफूया छवः किपा नं किजा भाजु जीवन राजोपाध्यायं हे च्वया ग्वाहालि यानाः ब्यूगु गुत्ले-त्वमंके फइ मखु ।

अथे हे लक्ष्मी छापाखानाया नायः राज भाइ चित्रकार, प्रेसया फुकक पासापिन्त व इन्द्रेणी प्रेसया जिमि जःला खःला ज्ञानेन्द्र मानन्धरयात जिगु आपालं सुभाय् दु ।

थ्वसफू थाकेगु सर्वाधिकार च्वमियागु ।

सुरेन्द्र मान श्रेष्ठ

ने. सं. १९९८



(ज)

## छेरि

बास धयागु तःधे, प्राणीत फुक्कसित बास माः, उकिं छुं छुं कथंया  
बास दयेकाः प्राणीतय्सं चवनेगु याना च्वंगु दु । मनूत ज्ञान दुपिं प्राणीत खः ।  
जाया बिकास जुया वेलिसे मनूतय् बास यायेगु छे गगाय्खा, गपाय् गपाय्  
जायाः बाँबाँलाःगु थें जुया च्वन । लिपा लिपा छेत गथे जुया वनी, छुधाये  
फइ ? छे निर्माण यायेगु फुक्कसिया थः थःगु देया शैली दइ । नेपाः देया छे  
निर्माण यायेगुलिइ मेपि सुनानं ध्वये मफुगु थःगु मौलिकताया शैली दु । थन  
नेवाः तसें बास याना वया च्वंगु छे त थोया बिकासशील देशय् मनूतय्  
निर्माण जुया च्वंगु छेतथें स्वीत पीत व थथे यक्व यक्व ततें मजुसे प्यत जक  
खः । उकिं नेवाःतय् छेय् छेरि, मातें, च्वत व बैंगः धायेगु जक दु मेगु मरुगु  
खः । छेया तें नें ततः जाः मजू, दनेबलय् धलिमय् थिइ धकाः छेय् क्वछुइ  
माः । नेवाःत संस्कृति, कला व तान्त्रिकतां शोभायमान यानाः छे दनाः  
बास याना वया च्वेपि खः । छे निर्माण यायेगु संस्कृतिइ इमि पूर्वजपिनि  
तान्त्रिकतां जाया च्वंगु देवत्वदु !

छे छकवः स्वकवः व न्याकवः यानाः दनाः चवनेगु नेवाः संस्कृति खः ।  
छेय् दथु भ्रंगः तयाः निछा याइ । छे चिखाकाः दनातःगुलिइ दथु भ्रंगः या  
थासय् कवः थां त थनाः कवः कवः पिकयाः निछा यानाः तःगु दु । थाय्  
चिन्त्या जुयाः छे निछा याये मजियाः छया जक याना तःगु नं दु । छया या



છેંય પલાઃ છિના જુડબલય્ છેં દિન દિન મીં । સ્વદ્યાયા છેંય ચવને મજ્યૂ લ્વગિત  
છહ્ય છહ્ય વ્વનિ મહુ ધાઇ ।

છેં દનેત ઝગુથાસય્ ચા મ્હયા કયાઃ જોશીયા થાય્ વનાઃ તૂ મતૂ સ્વયાઃ  
જગ મ્હુડ । નાગ દુગૂ થાસય્ છેં દને માલ ધાઃસા નાગ પિહાં વના ચવની  
ચલય્ લાકાઃ જગ સ્વનાઃ પૂજા યાના. ધ્યારા સ્પાનાઃ હિંહુડ । નાગયા મ્હાય્  
લાકાઃ જગ થનાઃ છેં દને મજ્યૂં, મિજુડ મહુ, છેં દુના વયેયઃ ધાઇ । લઃ ઘઃ-  
ચા (કલશ) થનાઃ નાગયાત બાસસ્થાન બિયાઃ જગયા વ્યથેલં પસૂકાઃ  
હિનાઃ જુડત લં બિડમાઃ ધાઇ । નાગ મરુગુ થાસય્ છેં દનેગુ જૂસા લઃ ઘઃ-  
ચા સ્વનાઃ ઘઃથાય્યાગુ ચા (મ્હય્પિ દ્વંયા ચા) યાહ્ય, લું, વહ બાય્, સિજ  
યાહ્ય નાગ દયેકાઃ તયાઃજુડત લં બિયાઃ વ્યન્હુ લિપા જગ થનાઃ છેં દની ।

છેંય ગુલિ જાતયા સિત તયાઃ દના તઃગુ દુ વ ફુક્ક નાગ નાગિની યા  
વ ચાયા બસ્તુત ઇમિગુહે મિયા રૂપ યાનાઃ તયાતઇ । પૂજાયા સફુતિ વ લ્વહં  
હિતિયા લ્વહં પોલય્ વિમિત્ર મુખયા નાગતય્ગુ ઝલ્લેહ દુગુ વ છેંય છેંય  
ઝજ્વઃગુ હવાઃ દુપિ નાગ નાગિની યાનાઃ થાંત થના નિના દિકાઃ ધલિત વ  
મૂસિત વ્વયા તગુડુ ।

છેંય દક્વલે ક્વય્યાગુ તંય છેંધી દિના ચ્વંગુ જુયાઃ અનયાત છેરિ ધાઃ  
ગુ હઃ । છેરિડ મૂલુંહા છુનાઃ વયા નિચે તિકિ ક્યાઃ વ લુહા તયાઃ દથુ  
અંગલય્ વ દુને અંગલય્ લુહા તઇ । દુને અંગઃ યા લુહાં ચુકય્ વની । દથુ  
અંગઃ મરુગુ છેંય છેરિયાઃ દુને ફુક્ક હનેડુ । છેં ચિહા થાય્ મૂલુંહા છ દુવાઃ  
જક છુના તઃગુ દુ, તઃ હાગુ છેંય મૂલુંહા છુનાઃ નિચે છપાઃ છપાઃ યાનાઃ નિપાઃ  
તિકિક્યાઃ તયાઃ સ્વદુવાઃ યાનાતઃગુ દુ । તિકિક્યાઃ મતસે બઃપાઃ ક્યાઃ નં  
છુનાતઃ ગુડુ । બઃપાઃ ક્યાઃ ધયાગુ નં તિકિક્યાઃ હે હઃ । ક્યા બઃચા પાયેકાઃ  
છુડગુ જુયાઃ બઃપાઃ ક્યાઃ ધાગુ હઃ । બઃ પાઃ ક્યાલય્ ત્ત્ત્વપુ (ધલિગ્વઃ ત્ત્ત્  
ત્ત તયાઃ) લાયાતઇગુ ક્યાઃ પિનેં ચિપાઃ હને દુસાં દુને ત.પાઃ જઃ દુ । અંગ

छेय् छः छेय् व देगल्य् तिकिइयाः वहःया निपा ग्वालि खापाः या मूलुखा छुनाः  
 निखे तिकिइयाः तयाः व देगल्य् चिची पायेकाः छः इयाः तयातइ । इयाः  
 पातय् छः बाय् छःया छ्वाःपाः तयाः तइगु जुया, छःइयाः धाःगु खः ।  
 छः इयाः यात याकुं इयाः धायेगु नं याः । अघ्वः तःखागु छेय् मूलुखा, तिकि  
 इयाः छुनाः लुखात तयाः न्यादुवाः याना तःगुदु । छेरिइ अंगःया कुंकुन्य  
 सिंह बुट्टाया त्वहं तयाः पिनें खने दयेकाः अंगः दनातइगु सिंह बःलाः थें  
 अंगः बःलाःगु अर्थं खः ।

“लुखा” थ्व खँग्वः या न्ह्याःने यागु आखः ग्वः “लु” या अर्थं लुगु  
 व ल्युनेयागु आखः ग्वः “खा” या अर्थं खागु खः । थ्वफुकक खँग्वःया  
 चीहाकः जुयाः अप्पकथं लुखा जुया चवंगु खः । नेवाःतय् ह्यागुलि सनें  
 आखः ग्वः स्यंकाः चीहाकायेकाः व अःपुइकाः नां कायेगु याइगु । मूलुखा यात  
 दथुइ लाकाः छुइ । छेय् लुखा व इयाःत छुनाः दथु लुखायात महत्व बिद्याः  
 मूलुखा धकाः व लुखां दुहाँ पिहाँ जुइ । दथु लुखायात मेमेगु लुखा व तिकि  
 इयाः परिवारया मूम्ह यानाः छुइगु जुयाः मूलुखा धाःगु खः ।

मूलुखाय् मि व्हाना व्हाना छ्वयाः दना चवंगु यानाः इवःलाक्क गं  
 घानाया न्यागः गं खने दयेकाः क्वथाचा पतिकं छपु छपु खड्गचा म्हुयाः  
 न्याह्य न्याह्य यानाः नागं कुइकाः बाय् कर्वे छ्ये तयाः छःकुं कयाः (अजिमा  
 छः तया) निखे सिख्वाः दुपि जीबयात नाग बिलि कभः च्वाल्ल म्ये लुइकाः  
 चु (चवः) पिकयाः याकुं बुट्टा कया तइ । मूलुखाया चवय्पाखे निखे चु  
 पिकयाः निखेया मा (तस्वा) नाग नागिनी यानाः बुट्टा पिकयाः छेयेया मा  
 क्वय् अजिमा छः मेखेयागु मा क्वय् आजु छः बाय् निखेया माय् सं कलश तयाः  
 व छःपाः तया, तइ थथेहे मूलुखाय् नाग नागिनी हिनाया बुट्टापिकयाः मूलुखा  
 फुसय् स्वह्य व न्याह्य अजिमा छः तयाः नागं कुइका तइ । न्याह्य अजिमा छः  
 तयातइपिन्त पंच कुमारी धायेगुयाः । मूलुखा फुसय् कलश नं तः । मूलुखा  
 फुसय् आजुछः बाय् अजिमा छः तल धाःसा छेये लुखाया माक्कय् फुहः छः

व मेखेयागु माक्वय् कुमारी छः, २ मूलुखा कुसय् कुहः छः बाय् कुमारी छः  
तल धाःसा मूलुखा क्वय् निखेया माय् आजु अजिमा छः तयेगु याइ । मूल-  
खाया निखे माक्वय् सिंह व सिंहनीया बुट्टा पिकयाः तयातःगु व भिद्यःतनं  
तयातः गु खने दया चवंगुदु । थथेहे यानाः ध्वाखाया मूलुखा तनं छुना  
तःगुदु । ध्वाखाया मूलुखात खड्ग आकार वयेकाः छुना मिं थोगु गुलि ग्यानापू  
उलिहे खड्गया धारं कीगु तःसक ग्यानापू । खड्गया निखे धारय् सिख्वाः  
या जीव यानाः नागबिलि कयाः च्वाँल्ल म्ये लुइकाः ह्य कुचुसे वंका तइ ।

छःया मूलुखाय् खौपाः तयाः ध्वाखा यानाः छत्र कुइका तइ । खौपाः  
यात सोलं धया च्वन । छः या मूलुखाया निखे स्यांगिनी ब्यांगिनी तयाः बाय्  
त्वहं या सिंह व सिंहनीयात द्वारपाल याना तइ । स्यांगिनी, ब्यांगिनी,  
सिंह व सिंहनी यात आजु अजिमा छः माने याना तःगुदु । लायकू छँया  
मूलुखा सिंघ्वाखा, लुं ध्वाखा याना व छःतय् लुं व बहया ध्वाखा यानाः  
छुना तः गुदु । लायकू ध्वाखाया पिने निखे ज खः ततःधिकः यानाः त्वहं  
यापि सिंह व सिंहनी यात द्वारपाल यानाः तुतिइनं सिखः या बुट्टा पिकया  
चिना तः गु दया च्वनी । ये लायकुलिइ सिंघ्वाखाया पिने निखे जः खः  
या सिंह व सिंहनी यात मन्त्र याना नागपास तयाः तः गु थ्या सफूतिइ थथे  
उल्लेख दु-

“सं ७८३ मार्ग शिल बदि १ खोपस दल न्हयाडा ॥ तबदेव रस तया  
नाख पास तया सिंह खोपस कया ओ हया ॥” १

मूलुखाया च्वय् माय् व क्वय् लुखा खलुया निखे ग्वालि प्वाः म्हुयाः  
निपा ग्वालि खापा छुनाः मूलुखाया निखे या मा च्वय् क्वय् व दथुइ यानाः  
स्वंगः कलश तयाः नाः ग्वलय्नं तया तइ । मूलुखाय् थचुकुनं छुना तः गु  
दइ । खापा धिनाः पति दुछवयाः थचुकु क्वकया व थछवया चुकु तइ ।  
मूलुखाया खापाय् निप्वाः मिखा प्वाः न्ह्यप्वाः खनाः क्वय्प्वाः यात म्हुतु

प्ला: याना तइ । अथेहे निपाखापाय् ग्याना पुइका: तत: ग्वयेक: मिखा कंका:  
माता: ग्वयेगु निपा खंमा छुना: क्वेय् प्ला: दात म्हुतु प्ला: याना तइ । खंमा  
व्हालुका: छुना तइ । माता: मग्व:से खापा तिनातइ बलय् निपां खंमा निखे  
फहिला: निखे थस्वया: च्वनीगु निप्ला: न्हाय्प्ला: जुल । मूलुखा धयागु  
स्वपु खङ्ग छ:, उकि मूलुखा दुवालय् निखे निग्व: मा थना: दथुइ ना: ग्व:  
छुना: छेयेया माय् अजु छ: मेयेया माय् अजिमा छ: तया: दथुइ ना: ग्वलय्  
कलश तया: छ: याना तइ । मूलुखाय् कलशयात न्हागुलीसनं कया:  
छ्यली । अंग छेय् व छ: छेय् खङ्ग यात ना: ग्व: याना: निखे मिखा कंका:  
दथुइ खङ्ग या बालाचव: पिकया: ज्वाला ज्वाला थिका तइ । अगमय् ब  
नास:छ: थाय् धकिं तया: तइगुलिइ मूलुखा याना: निखे निग्व: मा या  
निपु खङ्ग दथुइ ना: ग्व: या छपु खङ्ग याना: स्वपु खङ्ग च्वया: खङ्ग  
पतिकं मिखा कंका:, छया: व कर्वं तया त:गु खने दया च्वंगु दु ।

मूलुखा, तिकिइया: व लुखाया बा: बा: तक्क अंग: दना: निकु  
स्वकुति पाका: अंग: सरह: याना: माक: चात (सित्वा:) तइ । अले अंग  
जुचिछइ जुचिछइ ब: धलिं तया: पिने खने दयेका: माकचिया ब धलिया सा:  
प्ला: प्वालय् लाका: किं ताना: ब: धलिं यात अंगलं पिहाँ वयेमफेयक कतिक्क  
ज्वंकी । अननं अंग: दना: थाहाँ वया: छेँ छत जायेका त:गु दु । सिं त्वा: या  
छ्वा: छ्वालय् माक:चिया छ्वा: याना तइगुलि माक: धा: गु ख: । अंग:  
अंग: लय् ब:चा ब:चा हाक: याना: धलिं तया तइगुलि ब: धा:गु ख: ।  
ब: धलिमय् नाग नागिनी याना: बुट्टा पिकया: न्हा:ने मूलुखा, लुखा व  
तिकिइया: निखे थस्वका: मनूछ: यात नागं कुइका तइ । अंग: पिने माचिकं  
अप्पा छेये पाखे ह्यामुचा न्हाइ त:गु लिइ थुना छब: छब: तया: तिका: बुने  
दुने चा तया: कचि अप्पां छेँ दनी । दाँ ह्याचायेकेत कचि अप्पा तया: छेँ दना  
त:गु मखु, लायकू छेँहे नं कचि अप्पा तया: दना त:गु दु । न्हापायापिके जा दु ।  
पुलां पुलांगु कचि अप्पा त त:पा: लखं मनं । माचिकं अप्पा या छ्वा: सिज:  
थे य:चुपिचु बाँला: । अंग: पिने छव: छव: माचिकं अप्पा तया: दनीगु जुया:

वा मकासे दनी । वा मकासे दनीगु अंगः बःमलाइ धकाः छेय् कचि अप्पा  
तयाः अंगः दनीगु खः ।

कचि अप्पा तयाः दना तःगु अंगः क्वनिसे चरथ्यक छधी, बज्रलेप जुयाः  
छे तःसकं बल्लाः । माचिकं अप्पा पिने छबः छबः दनीगुलि बः धलितया अंग  
दना चवय् अंगः या भार क्वय् गनं छथाय् मलाकूसे फुक्क भार बः धलिमय्  
लाकाः बः धलिमं अंगः जुच्छिइ जुकाः माचिकं अप्पाया अंगःयात कत्तिक  
ज्वंकातइगु खः । उकिं अंगः चवय् या भारं क्वय् गनं अंगः भ्वरिखाना वइगु  
भय मरु । बः धलिमं चवय् अंगलय् थचावइगु पं । छे पुलां जुयाः गनं अंगः  
भ्वरिखाना वःसां अंग भिके अःपु थाकुमजू, अंग दुना वइगु भय मरु । पुलां  
पुलांपि दकःमि नायः पिसं अंगः भिकेत मा अप्पा प्वले बलय् स्याः चायाः  
अप्पा छकः भाराक्क वयेयः धाइ । मूलुखा लुखा व तिकिइयाःत निखे  
चु पिकयाः छुनाः क्वपु बाय् त क्वपु तयाः त्वपुया तइगुलिनं अंगः यात तिबः  
बिया चवनी ।

अंगः या द्यःने प्यखेलं निखे पाखे धलिग्वः तइ । थथे धलि तयेगुयात  
नस तयेगु धाइ । अले दथु अंगलं न्ह्यःने व ल्यूने यागु अंगलय् धलित दिकाः  
कुछि कुछि पाकाः ब्वयाः पिने अंगलय् धलि ख्वाः त इवः इवः खने दयेकाः  
सिं ख्वा क्वे ख्वाः व बेताः या ख्वाःपाचात तया तइ ।

अंगः यात दुने पिने लाकाः धलि धलिमय् किप्वाः खनाः किग्वः कया  
चुकु ताना चुकुया चवः प्वः पिकयाः दथु अंगले न्ह्यःने व ल्यूने या अंगःयात  
ज्वंका तइ । चुकु पिने खने मदयेकाः ताना तःगुयात दूचुकू धाइ । चुकू धयागु  
ग्वय्छा सियागु ताना तइ । नस धलि तयाः त तः पुगु चुकू तानाः पिकयाः  
नस धलिमं अंगःयात ज्वंका तःगुयात तानं कसे यानातःगु धाइ । थथे तानं  
कसय् यानाः अंगः अंगःयात ज्वंकाः तः भ्वखाय् ब्वल धाःसानं छे पाताः  
जुइक मवुनीगु याना तःगु खः ।

अथेहे जग थाहां वयाः गाःम्हुया तःगु ईत्वहं लायाः माथां थांया साः  
साः लाकाः थनाः म्यथ तयाः निना बिकाः ज्यासः पिकयाः कुताः तयाः, ज्यासः  
तीगु बाय् फल्चा बाय् सतः पिकया तःगु दु । ई त्वहं त माथां थांम्य थचाः  
वड्गु पं । ई त्वहं तय् सिंहया बुट्टा पिकया तइ । माथां थां त नाग नागिनी  
या बुट्टा तयाः थनाः सिंहमुख व गोमुखयाना तःगु खने दु । माथां व निनाः  
सिसि यागु थना तई । मनू त फल्चाय् पयतुना चव्वेइ । प्यह्य मनूतयाः  
खल्लाकी बलय् फल्चाय् मुनी । छःया जात्राय् यमाद्यः त फल्चाय् व सतलय्  
व्वयेहइ । मनूत फल्चाय् व सतलय् चवनाः छःयात देवा व दलू च्याकाः च्वे  
वइ । फल्चाय् फल्चाय् छःत नं स्वना तःगुदु । थन येंय् थांमू दबुलिइ व  
चिकंमू दबुलिइ वास्याः छः स्वना तःगुदु । वास्या पिनि वास्याः छः थाय्  
वया पुई हाः वइ । वास्याः छःया थांमुलिइ प्याकि जक ताना तःगुदु ।  
थांमुलिइ वास्याः छःया थांमू तःग्वः, चिकं मुलिइ चिग्वः । वास्याः छःया  
थांमूया नामं त्वाःया नां थांय्मू व चिग्वगु थांमूया नामं चिकंमू जुया च्वंगु  
खः ।

मूलुखा धयागु अजिमा छःया अभिन्न अंङ्गः अजुछःयागु खः । उकिं  
मूलुखा मि व्हाना व्हाना छ्वयाः दना च्वंगु अजु छःया रूप गंधाना बाय्  
कवे छयें तयाः खड्गचात म्हुयाः निखे पाखे सि छ्वाःया जीबयात नाग  
बिलि कयाः च्वाल्ल म्येलुइका मूलुखाया खलुयात बेताः यानाः उकिइ छःने  
निखे पालि बुट्टा पिकयाः बाय् निखे छःपाः यात पालि यानाः निग्वः तुति  
मा थनाः तई । अजुछःया निपाल्लाः निखे व्वयेका च्वंगु या मूलुखा च्वय्  
निखे चुपिकयाः मि च्याःगु दुट्टा यानाः व अले नाःग्वः या दथुइ च्वंगु कलश  
यात पात्र छ्वला यानाः फ्याच्वंगु व मेगु ल्हातं प्वसः कायेगु मुद्रा ज्याना  
च्वंगु निपा ल्हाःया निखे म्हगलय् चुल्या पिकया तइ ।

अजु छःयात लुखाया निखे नाया व्वय् लुखाखलुइ सिंह सिहिनी बाय्  
कलश यात नाग नागिनी यानाः तुतिइ कलि बाय् घंगला न्ह्याकाः च्वय्



निखे पाखे चु पिकयाः मि च्याः बुट्टा यानाः, म्हगल्य् निखे चुल्या पिकया नाग  
 नागिनीया बुट्टा ल्हातिइ चुरि न्ह्याकाः, चव्य् पाखे निखे सि खवाःया जीबयात  
 नाग बिलिकयाः च्वाल्ल म्ये लुइकाः निखे न्हाय्पनय् नाग नागिनी या तिसां  
 सुइकाः, नाःग्वल्य् क्वय्या कलश यात नाग नागिनी यानाः सिखः मालं  
 क्वखायेकाः तःगु खः । मूलुखा च्वय् गं घाना बाय् कर्वे छ्ये तयाः आजु  
 छः या छ्ये या तिसा यानाः खड्गचा म्हया किंकिपा ज्वाय् ज्वाय् तिका तःगु  
 खः । किंकिपा धयागु खड्गया प्रतीक खः । छःया मूलुखाय् खौपा तया तइगु आजु  
 छःयात मत् पुइका तःगु खः । मूलुखा बुवाः तान्त्रिकतां भय् बिना च्वंगु  
 काष्ठकलां ज्ञायाः बाँलाः । काष्ठ कला यात देया तिसा धाइ ।<sup>४</sup>


नास छःया धकिल्य् गंचा घानाया बुट्टा तयाः मूलुखा च्वयातई ।  
 “नृत्येश्वर” धयागु पूजाथ्यासफुतिइ आजु छः यात धयातगुदु-

महानृत्येश्वर भैरवाय  
 शक्ति सहिताय नमः ।।<sup>५</sup>

गृह प्रतिष्ठा धयागु छगू पूजा थ्यासफुतिइ मूलुखाया निपा खापायात  
 शक्ति सहितया आजु अजिमा छः धयातःगुदु ।<sup>६</sup> थये जुया नेवाःतय् छेया  
 मूलुखाय् मिच्याःगु बुट्टा पिकया छपा खापाय् क्वेय् प्वाः खनाः दुने खम्रो प्वाः  
 तयाः मेगु खापाय् खग्वल्य् खम्रो छुनाः छपा छपाया निपा ग्वालि खापा छुना  
 तइ । क्वेय्ने खव तयेगु व चायेकेगु यानातइ । खग्व तयाः खम्रो छुना तगुः  
 छपा खापा आजु छः व खम्रो प्वाः छुनातःगु छपा खापा अजिमा छः खः ।

उकिं न्हूछेय् दनीबलय् मूलुखा छुनाः मूलुखाय् छः पूजा यानाः सिकः  
 मि दकैः मि ज्यामि सुयातं घाः पाः मजुइमा धकाः भ्यारा स्यानाः हिखुइ ।  
 मूलुखा छुनाः हि मखुल किं छःया दोष दया अप्रिय घटना जुइयः धयागु  
 बिश्वास दु । बुँग छः जनबाहा छ , व छवपय् आजु छःया जात्रा याइ बलय्  
 छःप्रात खतय् तयाः पुज्यानाः खतं मनू मनयेमाः धका छः मालय् आजु छः





यात भ्याय् चा स्यानाः हिखुयाः प्यचाः घचालय् हिम्हुकीगु मनूतस्यै स्वया  
च्वंगुदु ।

आजु अजिमा धयापि बुरा बुरि त खः । मनूत तःसकं बुरा बुरि  
जुल कि धुसिलुइ, मानसिक शरीरिक कमजोर जुयाः लुगु लुगु खाइ, पिहां  
जुइत ल्हाः ज्वंकाः जुइमाः । थुकिया रूप मूलुखायागु खः । उकिं मूलुखा  
यात च्वय् पाखे निखे चु पिकिया व ववय् पाखे निखे मूलुखाया खलु पिकियाः  
छुनाः दुने अंगलय् दुचु बाः तइ । दुचु बालं मूलुखाया चु पिकियातः गुया निखे  
सित्वालां ज्वंका तइ । थथे ज्वंकातइगुयात ताः कया तःगु धाइ । ताःया  
ख्वाः ख्वालय् भ्याय् या ख्वाःतया तइगु जुयाः भ्याःसिं धाःगु खः । मूलुखाय्  
ताः कया तइगु पिने अंगलय् च्वय् पाखे निखे खने दयेकाः ववय् पाखे निखे  
पालि बाय् छःपाः तयाः खने मदयेका तःगु वइ । धुसि लूह्य मेपिं स्वयाः  
चीधिकइ । उकिं मूलुखा चिजायेक छुनाः मनूत दुहां पिहां जुइ बलय्  
मूलुखाय् छयें ववछुइ माःगु याना तइगु ।

छःया प्याखेंनय् आजु अजिमा छः त धुसि लुया लुगु लुगु खाना  
च्वनी । मनूत छःया निखे च्वनाः ल्हाः ज्वना तइ । आजु अजिमा छः  
तय्त कवें छयें या तिसा तीका तःगु ख्वाः पाः पुइका ज्वाय् ज्वाय् किंकिपा  
छुकाः तुतिइ सिख्वाया कल्लि बाय् वंगला न्ह्याकाः ल्हाःतय् सिख्वाःयाहे  
चुरि बाय् कल्या न्ह्याकाः व बाजु न्ह्याकाः नाग मालं ववकायेकाः ज्वाय् ज्वाय्  
तिसा तीका तइ । आजु अजिमा छः त खानाः घगला छिरि छिरि सः वयाः  
छयेंनय् किंकिपा फ्रिरि फ्रिरि सनाच्वनीगु छः तय् रूप मिं छ्वया दना च्वगु  
खड्ग या रूप खः ।

छः प्याखें पित हड्बलय् मनूत लय् लय् दनाः छःया खड्ग भाग्यानाः  
स्वयाच्वनी । छय् छय् नं छये सगं तयाः छः तय्त पूजा ब्यू वइ । छःप्याखें  
हुइका च्वंथाय् मनूत स्वःस्व जुइक स्वया च्वनी । प्याखें हुइके सिधयेका छः

तयत् पुज्यानाः प्वःसः बिया प्याखें स्ववइ च्वपिन्त छ. खलःतय्सं दालाय्  
सम्हाय् बजि तयाः प्याखें स्वःवया च्वपि मनूतयत् उइ वइ । मनूत ख्येसगं  
तयाः गुलिस्यां फैं, दुगु, प्वःसः बियाः छःया पूजा याःवइ ।



## मातँ

धलि त नाग नागिनीया सिख्वाः कर्वेखाः व बेताःख्वाः यानाः  
इवः इवः व्वयाः सिंह त मि छ्वयाः सैं जिग्रिङ्ग च्वंगु अंगः जुच्छि मिच्याःगु  
बुट्टा पिकयाः छिना तःगु दैचि अप्पा, न्याकुं चाअप्पा व तुंचा अप्पा इवः  
इवः तयाः अंगल पिकयाः दनाः बास्तु कलां जायेकाः व अथेहे मिचयानाः दना  
च्वंगु अंगलय् अनेगु बुट्टा पिकयाः काण्ठकलां जायेकाः छेरि व मातँ सी  
दयेका तःगु लि छैया शोभा ब्यू । थथे बुट्टा पिकया तइगु यात पक्  
(कानेस) धाइ । नेवाः त नाग नागिनी यानाः धलि लाया तःगु लिइ  
क्वलापु तयाः चा लायाः ह्याउक सौचां (सियूचां) बँथिलाः तःगु छैय्  
बासयानाः व च्वय् धलिःतसय् कुइका च्वंगुदु । आजु अजिमा छः तयत्  
गनं नागं, गनं बेताः व गनं कर्वे छ्ये आसन याकाः नागं कुइका तःगुदु ।

मांतनय् तिकिइयाः तइ । तिकिइयाः धयागुलिइ छपातंचाकलाःगु,  
प्यकूलाःगु, स्वकू लाःगु, ईत बुट्टा यागु, स्वां पवः पवः यागु व थी थी  
कथं बुट्टा यागु इवः इवः ह्वः ह्वः यानाः क्वपयः बुट्टा पिकयाः नाःग्वः  
छुनाः इयाः दयेका तइ । नाःग्वःयात न्हाय्न् धाः । देशय् मरु इयाः  
सूर्यमुखि इयाः, कर्वे इयाः, म्हय्खा इयाः, सतकोणया यन्नया इयाः खवपय्

भलः इयाः थें जयागु अने अनेगु तिकिइयाः त छुना तःगु वु । इयाः हवः इवः  
इवः तयाः इयाः तिनाः दयेकाः छुनाः दुने छुं खनेमदयेक किनाः तःगु जुयाः  
तिकिइयाः धाःगु खः । तिकिइयाः धाइगु या अर्थ नं थथेहे खः । इयाः छुनाः  
किना तइगुलिं पिने तिकिइयाः न्हतं दुने छुं खने मरु, वुनें धाःसा पिने  
फुक्क छलंङ्ग खने वु । थ्व तिकिइयाः या विशेषता खः, मेगु उद्देश्य गोप्यता  
खः । छेंय् दुनेया गतिविधि गोप्य जुइ माः, पिनेया पित्त सीके बिइ मज्यू ।  
उकि नेवाः तय् छेंय् तिकिइयाः छुइगु खः । तिकिइयालं दुने जःदु फय् पं  
धयागु मरु ।

इयाः खेंवः या अर्थ मचा खः । लाखय् प्याखेंनय् इयालिचित  
लाखय्या मचा धया चवंगुदु । मचां मां बीयात दुःख बीगुथें लाखय् प्याखें-  
हइ बलय् इयालिचां लाखय् यात हायेकाः दुःख बिया चवनी । उकि  
तिकिइयाः धयागु मूलुखा व लुखाया खवाः वयेकाः व चीपाय्का चवय् व  
ववय् निखे ताः कयाः ज्वंकाः छुना तइ । तिकिइयालय् मूलुखा व लुखा-  
यागु मिं च्याःगु बुट्टा यानाः तिकिइयाः या खलुइ छःने निग्वः मा नाग  
नागिनी यानाः छःपाः यात पालि यानाः तइ । तिकिइयाः चवय् अजिमा छः  
तयाः इवःलाक्क गं घानाया बाय् कवेंछय् यानाः खड्गचा म्हुयाः निखे  
चवः पिकयाः सिखवाः या जीव यात नागबिलिकयाः च्वाल्ल म्ये लुइकाः  
ब याकुं वुट्टा कया तइ । तिकिइयालय् न्हाय्, म्हुतु, मिखा यानाः बुट्टा  
पिकयाः नाःग्वः तयाः उकिइ चवय्, ववय् व दथुइ यानाः स्वंग कलश तया  
तइ ।

मातें धयागु छेंया मागु (मूगु) तें खः । छेंया मागु तें जुया अन  
मां तिकिइयाः (मू तिकिइयाः) छुइ । मूलुखाया चवय् लाकाः तिकिइयाः  
छुनाः तइगु मातिकिइयाः खः । छें ग्वः पाः इयाःया यायेगु खः मातनय्  
वः पाः तिकिइयाः छुनाः चवतय् वहे खतं इयाःपाः तयाः बंगलय् इयाः या  
छेंकवः पिकाइ । छेरिइ मूलुखा व लुखायात नापं इयाःपाः या ल्याः



તયા: તિકિફ્યા: ત છૃઇ. છપા ફ્યા: યા છેય્ માર્તિકિફ્યા: છપાજકં  
છૃઇ. સ્વપા ફ્યા: યા છેય્ માર્તિકિ ફ્યા: છુના: વયા નિલે મેગુ નિપા તિકિ-  
ફ્યા: તયા: સ્વપાયાઇ. ન્યાપા ફ્યા: યા છેય્ માર્તિકિ ફ્યા: છુના: વયા નિલે  
નિપા નિપા યાના: વ્યપા તિકિફ્યા: તયા: ન્યાપા યાઇ.

ફ્યા: જ્વ: લાકા: છૃઇ મત્ય:, બિજ્વ: યાયેમા: । જ્વ: ફ્યા: સ્વયા:  
પિહાં વને મત્ય:, જ્યા સિદ્ધ જુઇ મલુ ધાઇ. શ્વ ધા:ગુયા અભિપ્રાય: છે દૈગુયા  
અંજ્ઞ મિલેમજૂ ધા:ગુ લ્: । ડકિ નેવા: તય્ છેય્ છપા:, સ્વપા: વ ન્યાપા:  
ફ્યા: યાના: છુના: તઇ ।<sup>૧</sup> લુલા વ ફ્યા: છુના તઇગુ મિલે મજૂગુ છેય્  
પિને અંગ: યા લ્વાલય્ ધ્વાલા: (લ્હગ) યા બુટ્ટા પિકયા: લુલા: વ ફ્યા:  
પા: લાકા તઇ. ગુલિ છેય્ લા પિને અંગલય્ શ્વાર્લે વ્યા: તયાતઇગુ લુલા વ  
ફ્યા: યા લ્યા: લ્: , શ્વાર્લે વ્યા: લ્હગ યા પ્રતીક લ્: । છેય્ લુલા વ ફ્યા:  
છૃઇગુ કથં આજુ અજિમા લ્: યા ગાલય્ ઇલ્, સ્વલ્ વ ન્યાલ્ લ્: યાના:  
સ્વના તઇ. લ્: સ્વંગૂ મલુથે જુલ ધાયેલ્ લ્: યા અંજ્ઞ પુરે જુઇ મલુ ।

લ્: ગાલય્ લ્: યા આપાલં મે મેપિ લ્: ત નં લ્ને દયા લ્વંગુ દુ ।  
થુજ્વ.ગુ થાસય્ ન્હાપા લ્: સ્વના ત:પિ મૂ લ્: દયા લ્વની । મૂ લ્: તય્ત માચાછિ  
લ્: નં ધાયેગુ યા: । અન મેમેપિ લ્: દુપિ ફુલ્લકસિત: મૂ લ્: યા પરિવાર ધાઇ ।  
આજુ અજિમાયા લ્: પુજ્યાના: ન્યાયેલીગુ યલ્વ સીગુ વ સના:ગુત દુ । લ્: થાય્  
લ્ના: ગુથિયા પૂજા યાના: લ્વની પિનિ મૂ લ્: યા લ્ગ:, વ સ્વંગ: થાપિ સ્વના:  
લ્: યાત પુજ્યાના લ્વની । ન્યત મરુ અજિમા લ્: યા પૂજા યાના: ન્યાયેલીગુ  
આપાલં ગુથિ ત દુ । ગુલિલા અજિમા લ્: યા માચાછિ લ્: પુજ્યાના: ન્યાયે-  
લીગુ સીગુથિ દુ । માચાછિ લ્: પુજ્યાયેગુ ધકા: મૂ લ્: યા મૂ પૂજા જુઇ, પૂજા  
સિધયેલા: અન દુપિ મેપિ ફુલ્લ લ્: તય્ત પુજ્યાઇ । ન્યાલ્ લ્: યા ન્યાગ: થાપિ  
સ્વના: પુજ્યાયેગુ તાન્નિક ગુપ્ત પૂજાલ દુ ।

માં તિલિફ્યા: વ તિલિફ્યા: યા લા: લાતલ્લ અંગ: દના: અલે નાગ

नागिनी बुट्टाया बः धलिं अंगल्य् छचाखिलं हिनाः न्हःने तिकिइयाः व  
मातिकिइयाः निखे थस्वकाः नाग नागिनी या म्हुतुं मनू छः त पिकयाः  
नागं कुइका तः गु दु । अन अगः दनाः थकयाः नित जायेकाः नस धलिं तयाः  
धलिं त ब्वयाः धलिं खवाः खवाः खने दयेकाः तान कसये यानाः मातिकि-  
इयालय् ववपु तयाः त्वपुयातः गु दु । निखेया तिकिइयाः त चिपायेकाः छुइगु  
जुयाः त ववपु लायाः दुने इयाः पाः यात तपायेका तः गु दइ ।

मां तिकिइयाः धयागु आजुछःया अभिन्न अङ्ग, अद्वय रूप अजिमा  
छः यागु खः । “गृह प्रनिष्ठा” धयागु पूजा थ्यासफुतिइ मां तिकिइयाः  
यात अजिमा छः धयातः गु दु ।<sup>१०</sup> गुंइ माजु छः (गुंइस्वरी), माजु जय  
बागिस्वरी छः, भिछः, नासः छः, सिथिछः, जनबाहाः छः, माकां छः,  
पालाः छः व बुंग छः थेंज्यापि नेपादेया थः मौलिकताया सम्हाय् तयाः  
पुज्याये माः पि छः त खः ।<sup>११</sup> आजु अजिमा छः त अद्वय एक रुप जुयाः लेंपु  
(न्हव) छाइ बलय् छः प्वाथय् दयेकाः मचा बुइकाः, सिसा पालु इनाः,  
व्यंकाः जानकाः वहे छह्य छः यातः तः धी जूगु ल्याः कय्ता बियाः (बुस्का)  
ई यानाः बाराः तयाः मिजें मिसाया नितौं कर्म खंकाः पूजा यानाः ख्ये सगं<sup>१२</sup>  
बियाचवंगु दु ।

मनूतस्ये आजु अजिमाया भिन्न रुप गुइमाजु छः यातः मि जुइगु  
लागि, बागिभ्वरी छः यातः आखः सयेकेत, मि छः यात व्यापार बृद्धि या  
लागि, नासः छः यात प्याखें बाछबादन संगीतय् नासलं लिक्के या लागि  
बुंग छः यात देशय् अन्नं दुःख मज्जुइकेतः जनबाहाः छः यात रोग हरे जुया  
आयु ताः हाकेत, मांका छः पालाः छः यात रक्षाया लागि व अथेहे आजु  
अजिमा छः यात माने यानाः चवंगु दु ।

मांतिकि इयाः या फुसय् छः कुं कयाः तः ह्य अजिमा छः यात निह्य  
मनू निखे स्वयाः छ्वं स्याना चवंपिनिगु ह्याया छः ने बाय् कवें छयेंत तयाः

पुतु पयतुकाः तइ । अजिमा छःया निपाः ल्हाः निखे ब्वयेकाः खड्ग, पॅपाः  
 (ढाल) व मेगु जवगु ल्हाती पात्र खवला फयेकाः देपाल्हाती प्वःसः कायेगु  
 मुद्रा ज्याकाः प्यपाः ल्हाः यानाः तःगु खनी । अजिमा छः या ल्हातय् नाग  
 नागिनी या चुरि तुतिइ कल्लि न्ह्याकाः नागमालं ब्खायेकाः छ्येनय् वव्वे  
 छ्ये या तिसा यानाः किंकिपा छुका तइ । अथेहे छः प्याखनय् अजिमा छव्वं  
 निपाः ल्हातिइ नाग नागिनी यानाः सिख्वाः या कल्या न्ह्यानाः सिखः  
 मालं ब्वखानाः तुतिइ घंगला चिनाः कव्वे छ्ये दूगु ख्वाःपाः पुयाः किंकिपा  
 ज्वांय् ज्वांय् तिया तइ । अजिमा छः लुगुलुगु खानाः किंकिपा फिरिफिरि  
 सना च्वनी । अजिमा छव्वं छपाः ल्हातें पॅपाः (ढाल) ज्वनाः व मेगु  
 ल्हातें खड्ग हीकाः प्याखं हुइ । अले अजिमा छव्वं प्वःसः काइ बलय् वहे  
 जवगु ल्हातें पात्र खवला ज्वनाः देपागु ल्हातें प्वःसः या मुद्रा यानाः प्याखं  
 हुइगु या मांतिकि इयाः फुसय् अजिमा छःया प्यपाः ल्हाः यानाः तइ ।

तिंकिइयाः इयालय् तंक्वपू तयाः व मांतिकिइयाःयात दुने अंगलय्  
 बुचु बाहाः तयाः च्वय् व क्वय् निखे पाखे माकःचात तयाः ताः कयाः ज्वंका  
 तइ । मांतिकिइयालय् च्वय् पाखे निखे या कुं बुट्टा व क्वय् पाखे निखे  
 पालि बुट्टा बाय् छः पाःचात तयाः ताः ख्वाःचात खनेमदयेका तइ ।

छः छेय् या मांतिकिइयाः लुंइयाः यानाः सत्तकोण या यन्त्र तयाः  
 उकिइ दथुइ खड्ग बाय् कलश बाय् अजिमा छः तयाः तःगु दइ । यलय्  
 नकि इयाः धकाः मांतिकि इयालय् नकि छः (अजिमा) तया तःगु दु ।  
 नकि छःया कपाः दगलं ह्याउंक सिद्धः पाका तइ । मांतिकि इयाःलय् नागं  
 कुइकाः बाय् खौपाः तयाः गजू लुइकाः छत्र कुइकाः तःगु दइ । थथेहे  
 दातातसंय् आजु अजिमा छः यात नागं कुइकाः व पिने मूलुखाय् खौपाः  
 तयाः छत्र कुइकाः छाया तःगु दु । छत्र यात नागराज माने याइ । अजिमा  
 छःया खौपातय् सि ख्वाः तयाः वया म्हुतुं नाग व नागिनी पिकयाः निखे  
 स्वकाः अले क्वय् पाखे अजुचाया पुपिं निह्य जन्तु तया तःगु दु । सिख्वाः

यात छेपे व अजुचाया पुपि जन्तु यात हिति मंगः धाइगु खः । हिति मंगः  
छगु प्रकार या सिंह व सिंहनी खः ।

थन सिंह धयाह्य जन्तु मरु । कलियुग वयाः सिंह त पृथ्वी त्वःताः  
स्वर्गतय् वंगु धाइ । सिंह लोप जुया वनीगु खनाः स्वर्गतय् चव्य् ब्वयाः  
वैह्य स्वयाः चवया तःगु धाइह्य सिंह या उन तुयूह्य ताःहाकः जुया सुलुक्क  
वनाः नाग ह्लिपं, मिखात तःग्वः मि ज्वाला या मिखाफुसि, धुंयात तःपूगु  
वा, धँवा व लुसि पिकयाः हिं हिं यानाः च्वैह्य सिंहया म्हुतु प्वालं मि  
ज्वाला पिहाँ वयाः ह्य छह्यं मि छ्वया च्वंगु स्वः स्वः हे तिप्पा नकः  
वइह्य थे नुगः छः ग्यासे वयाः ह्लकुसं तिति स्वाना वइ ।

सिंह धयाह्य मिमलः खः ।<sup>१</sup> मूलुखा व तिकिइयालय् चव्य् पाखे  
निखे चु पिकया तःगुलिइ सिहवाः यानाः नागबिलि कयाः च्वाल्लः म्ये  
लुइका तइगु मिमलः खः । मिमलः यातः सिंहराज धाइ । वावयेत फय्  
वइ, घननन छः न्याइ । प्वालाक्क मि पिहाँ वयाः स्वर्गतय् स्वांल्ल ताहाकया  
वनी । नागराज धयाः च्वंगु थ्वयात हे खः । आजु अजिमा छःया किपाय्  
छःतय् तिसा याना तइपि नागराजया वर्ण मि व आकाश यानातइ ।  
नागराज यात “बरुण” धयातःगु दु । बरुण धाःगु लः खः । वा फय् वइ  
बलय् मिमलः जुइगु भय् दु । मिमलः जूथाय् पलखं हे बस्तु व्वयाः नास  
जुइ, झौ जुइ । त तःसकं नं न्यांतकि दिन्न मिनाः छुं जुइन ला धकाः  
मनूत ग्यानाः “नसिंह” “नसिंह” धकाः सिंह छःयात पुकारे याइ ।

मिमलःया दृष्टिगत बिभिन्न दृष्टिकोणं व उद्देश्यं मि छ्वया  
च्वंगु यात तान्त्रिक मते छेय् छेय् बिभिन्न प्रकार यापि सिंह व सिंहनी  
यानाः काष्ठकलां जायेका, अंगः अंगलय् सित तयाः वास्तु कलां  
जायेका, छः छः थाय् सिंहत तयाः व मनूतय् सिहवाः या तिसा दयेकाः  
तिया तइ । अथेहे न ग्यानाः जलाधार जूगु दृष्टिगत सिंहायत नाग

नागिनी यानाः थोथी कथं नामाकरण यानाः बासस्थान बियाः त्वहं हिति  
मद्विषक न्ह्याबले नं लःहायेका तः गु व जलाधार जुयाः जलासय जूगु  
दृष्टिगत तु व पुखू म्हुया जलासय याना तः गु दु । यल्य् आलुक्वहि  
या ताम्रपत्र्य थथे उल्लेख दु "ॐ" नमः श्री बज्र वरुण नव नाग राजय ॥  
..... जगत् रक्षा उद्धार जुलो ॥ ॥ अथो वस्तु संवत् ५३५  
फाल्गुण शुक्लया अष्टमि श्रवण नक्षत्र इन्द्रयोग बृहस्पति बार दिन घरि  
३ वि २५ मध्याह्न ब्यला घरि २७ बि १७ श्वते लग्न ब्यलास श्वं जलधारा  
याडा लख हायक स्थापना याडा दिन जुरो ..... ॥

थुतिया निमित्तिन् चतुर्दिग सविधि गस ॥ गो मुख नाग ॥  
मेघ मुख नाग ॥ सिंह मुख नाग ॥ व्याघ्र मुख नाग ॥ मृग मुख नाग ॥  
भुजग नाग ॥ भुजग महावृक्षा नाग ॥ भुज खाल नाग ॥ विभागल पदम  
जलाशय सलिलित ॥ शुभम्भु यात ॥ १ ॥

बुँद्यः या वंशावलिइ कर्कोटक नागराजया उल्लेख जुया च्वंगु दु ।  
तः पुखुलिइ कर्कोटक नागराजया दरवार या उगु बखतं निसे मनूतसयं  
इतिहासिक कथं कना वया च्वंगु खं खः । तः पुखुलिइ न्ह्याखें स्वःसां छेयेया  
कुं खनीमखु कर्कोत नागराजा मनूय (वंद्य) यात ब्यूगु लं, भोतं कयनी  
कुन्हु सार्वजनिक यानाः वया च्वंगु दु । मूलुखा मातिकिइयाः व तिकिइयाः या  
बाबा तक्क अंग दनाः माकः चिया खाः खाः खने दयेकाः नाग नागिनीया  
व धलिमं छचा खिल हिनाः अंगः जायेकातः गु आजु अजिमा छः या ज्यं  
जनिचिका तः गु खः । जनि चीगु ज्यैत नी बुरा बुरित ज्यं जनि स्वताक्क  
चिना बःलाकाः जुइ । अथेहे मूलुखा व मातिकिइयाः या ज्यं ज्यं बाबा  
तक्क अंगः दनाः व धलिमं अंगः या छचाखिल हिनाः स्वताक्क ज्वंकाः  
अंगः बलाका तः गु दु ।

मातनय स्वखाः व न्याखाः या इयाः यात माइयाः यानाः वया

निखे छल्वाः छल्वाःया निपाः मचा इयाःत नं छुना तःगु दइ । छल्वाःया इयालय् छपाः इया हे जक यानाः स्वल्वाः व न्याल्वाःया इयालय् स्वपा व न्यापा इयाः इवः लाक्क तयाः व्हनाः छपाः इयाः यानाः कवपयः बुट्टा पिकया दयेकाः छुना तःगु दु । स्वल्वाः व न्याल्वाःया इयालय् दथुयागु छपाः इयाः प्यकूं लाःगु यानाः नाप निखेया इयाः त फुक्कं ध्वाखा इयाः यानाः ध्वाखा इयाः पतिकं चव्य पाखे निखे मि मलः यात नागबिलि कयाः च्वाल्ल म्ये लुइकाया बुट्टा पिकया तइ । छल्वाःया इयाः त ध्वाखा इयाः याना तःगु दु । इयाः इयालय् मिचयाः बुट्टा याना अजिमा छः तयाः चव्य पाखे गंचा घानाः खड्गगात म्हुयाः इयाः पाःया ल्याखं साचात तयाः कलश व स्वार्थे यानाः बुट्टा पिकया तइगु स्वये बल्य् इयाः पतिकं चव्य इव्य व दथुइ निखे जः खः कलश लाना च्वे वइ । इयाः पतिकं छगः कलशयात न्हाय् म्हुतु मिखा यानाः मेगु निगः कलश तयाः नाः ग्वः (न्हाय्) छुना तइ । इयाःया कव्य् इयाः खलुइ अजिमा छः पुतुं पयतुना च्वंगु निखे पुलि व पालिया बुट्टा यानाः चव्य निखे निपा ल्हाः ब्वयेका च्वंगु च्वः पिकयाः ब्वसल यात निखे स्वकाः ब्वयेका याकुं कया तइ । थये इयाः इयालय् काठकला जायेकाः अजिमा छः यात ज्वांय् ज्वांय् तिसां तिका तइगु बांलाः ।

छल्वाः स्वल्वाः व न्याल्वाःया इयाः पाःचात चिचीपाः । इयाः पतिकं तिक्किइयाः व्हःया निखे ग्वालि च्वः पिकया तःगु धीखापा चायेकेगु व तीगु यानाः जेचुकु तयेगु याना तइ । छल्वाःया इयालय् तिक्किइयाः व्हःयाः निपा ग्वालि खापा नं छुना तइ । इयाः इयालय् नाःग्वःचा छुना तइगुलि छ्ये पिकयाः स्वये मज्य् । इयाः दुने पिये फुक्कं खने दु, पिये दुने छुं खने मरु । छल्वाः स्वल्वाः व न्याल्वाः इयाः या उद्देश्य नं तिक्किइयाःया थे तुं गोप्य खः । उज्व गु इयाः यात गं इयाः धायेगु याः । न्याल्वाः या इयाः यात पसुकाः इयाः नं धायेगु याः । पसुकाः धयागु ह्याउंगु वचुगु, तुयूगु, म्हासुगु व गारा वाउंगु पंच रङ्गया न्यापु काः पुई चिना तइगु खः । थ्व न्याता रङ्ग यात पंच तत्व या प्रतीक पंच बुद्ध धया च्वन । बौद्ध मतं

गं इयाः यात पंच बुद्ध माने यानाः च्वंगु दु । गं इयाः त छेय् छेय् सिवय्  
बाहाः व बहि या सतः छेय् तथा तःगु खने दया च्वंगु दु ।

बाहाः व बहि धयागु प्रदर्शन स्थल खः, वय्दसं गुंपुन्हि प्यह्लु न्हयः  
निसें च्यान्हु यंकं बाहाः बही ब्वइ । बाहाः व बहि पतिकं पुलां पुलांगु सि,  
चा, अग्पा, लु, वह, सिजः ली या कलात्मक छः तय् मूर्ति, हिरामोति,  
ज्वाहारथ थुनातःगु बस्तु, तान्त्रिक मतं थाना तःगु पोवाहा, चित्र कला,  
शिल्पकला, न्हापा न्हापा छः तस्यै च्वया बंगू, त तः धेपि तान्त्रिक पिसं  
च्वयातःगु अमृत्य अमृत्यगु, अद्वितीय निलपत्र, तालपत्र, सुवर्णपत्र, ताम्रपत्र,  
पीतपत्र महात्मे, थु सफू, धर्मिक थ्या सफूत, बाध्य बादन या बस्तु त, कृषि  
सामग्री, कृषि उत्पादन या बस्तु, घरेलु थाना कापः, लं पर्सि वसः,  
वसजाः, थल बल मेमेगु आपालं स्वये योग्य जुगू बस्तु त ब्वयाः केना तइ ।  
मनूत वयाः बाहा बही ब्वःगु स्वयाः देया संस्कृति, साहित्य कला व बिकास  
या अबगत याइ । बाहाः बहि ब्वइ थाय् छुनछुं स्वयेमाः सी बलय् न्यनी  
धाइगुलिं मनूत लुं आखः, वह आखः, लुं हिति; वह हिति, ध्वला हिति, गुं  
नकि; तःग्वः चिग्वः जाकि व अथे सत्य युगया बस्तु स्वया जुइ । तःग्वः  
जाकि सत्य युग यागु व चिग्वः जाकि कलि युग यागु धाइगु । तःग्वः जाकि  
छगः या जां फुक्क सित नके गाःगु स्वः वः पिं मनू तस्यै कना च्वनी । उगु  
बखतय् कुच्छि हाकः गु सःगु वा छवपय् भेलः आजु छःया थाय् अद्यापि दु ।

थौं कन्हेय् प्रदर्शनी स्थलय् नं बिभिन्न सीके वहुगु बिकासया बस्तुत  
ब्वया बयनी । मनूत वयाः अनेगु खँ सीकी । इले बेलें थो थोगु बेत जानाः  
विश्वमेला, विश्वप्रदर्शनी या आयोजना यानाः अन थः थःगु देया कला,  
विकासया व उन्नतिया बस्तुत बयनेगु याना च्वंगु दु । धातथें धाये माल धाःसा  
अन्तर्राष्ट्रिय छलय् बिश्वमेला व प्रदर्शनी या व्यवस्था मजुनि बलय वया  
गुलि छे शताब्दि न्हयः नेपालय् जूइ धुंकूगु खँ थनया बाहाः व बहि ब्वया  
वइ च्वंगुलि प्रमाणित याना च्वंगु दु । भाषा निभाः स्व. प्रेम बहादुर कसाजु  
नाप खल्हा बल्हा जू बलय् वयकलं थव खं धयादिल । १०



## चवत

अंगः जुच्छिइ धलिं खाः खाः खने दयेकाः देची अप्पा न्याकुंचा  
अप्पा व तुंचा अप्पा पिकयाः मि छ्वया चवंगु यानाः बास्तु कला जायेकाः  
अंगः दनाः मातें व चवत सी दयेकाः तःगुलिं छेंया शोभा बिया चवंगुदु ।  
छेंय् चवय् यागु तें चवत खः । चवतय् सेंझ्याः छुइ । सेंझ्याः धयागु स्वपा व  
न्यापा झ्याः व्हनाः छपा यानाः दयेकाः छुना तःगु झ्याः खः । सेंझ्यालय्  
दथुइ छपाः झ्याः प्यकूलाकाः व नापा निखेया झ्याः त खड्ग आकार वःगु  
यानाः तइ । अथेहे सेंझ्याःया फुक्क झ्याः त खड्ग आकारहे वयेका तइ ।  
उज्वःगु सेंझ्याः यात धवाखा झ्याः धाइगु जुया चवन । सेंझ्याःया दथुइ प्यकू  
लाका तःगु छपाः झ्यालय् तोलं तयाः धवाखा झ्याःहे याना तःगु दइ गुलिं  
सेंझ्याः या फुक्क झ्यालय् तोलं तया तःगु दु ।


सेंझ्यालय् व्हना तइगु झ्याः त फुक्क न्हाय्कं झ्याः खः । उर्कि झ्याः  
त ज्वाला न्हाय्कं यानाः नं छुना तःगु दु । ज्वाला ल्हाय्कं सुर्छःया प्रतीक  
स्वरूप खः । सुर्छः धयाह्य मि व्हाना व्हाना छ्वया चव्ह्य छः खः । ज्वाला  
ल्हाय्कंनय् सुर्छः पातें मि दनाः ज्वाला पिहां वया चवंगु खड्ग या रूप झ्याः त  
फुक्कं मि छ्वया दना चवंगु बुट्टा यानाः छुना तइ ।



सेंझ्याः यात अंगलं पिकयाः बार्दलि थे यानाः, अंग सरह पाचुकाः  
व ववय् पाखे अंगलं पिकयाः चवय् पाखे भतीचा पिकयाः भेसैलुइकाः

म्बःसुला च्वंगु थें यानाः छुनाः निखे पाखे ८पाः छपाःया न्हाय्कं इयाः अंगः  
सरह याना तइ । सँइयालय् निखे बाकू (बापाः) इयाः चिकातःगु नं दइ ।

सँइयाःया म्बः म्बलय् छःकुं कयाः इयाः छपातं मि छ्वया च्वंगु बुट्टा  
पिकयाः इयाः क्वय् नं छः तथा तइ । सँइयाः या म्बलय् छेंया नायः यागु व  
क्वय् नकियागु आत्मबिम्ब दयेका तइगु जुया च्वन खनी । सँइयालय् इयाः  
पाः चा त व्हना तःगु ल्याखं इयाः इयाःया निखे स्वंगः बाय् न्यागः यानाः  
इयाःया मा चात थनाः कलश तथाः स्वांथे याना मि च्याः बुट्टा पिकयाः  
तइगु न्हागु इयालय् स्वःसानं निखे जः खः जः खः कलश लाना च्वनी ।  
सँइयाःया माय् मिमलः यात नागबिलि कया व माहा त तथाः दण्ड ज्वंका  
तःगु नं दइ ।

सँइयाःया क्वाथलय् तिकिइयाःया व्हः व्हः यानाः इयाः पतिकं या  
क्वाथलय् ज्वलाह्नाय्कं बाय् कलश बाय् बखुं थें ज्याह्य सुकु भत्तु तथाः  
एह्य, स्वह्य व न्याह्य नाग कुइकाः निखे जः खः मिमल यात नाग नागिनी  
यानाः च्वाल्ल म्ये लुइका व कुंपाः या सिंह दुगु चिचीग्वःगु माचात थना  
तइ । सँइयालं च्वय् व क्वय् पाखे जुछिइं मिच्याः बुट्टा पिकयाः इवः इवः  
चिचीग्वः चागु गंचात घानाः बाय् चिचीधिकःपि सुकु भत्तु चात बाय्  
कुंपाः या सिंहचात बाय् हितिमंगःचात तथा तइ । थथेहे बलं पौ (मिच्याः  
बुट्टा) तथाः बाय् नाग तथाः थीथी कथं बुट्टा पिकया तइ । सँइयाः या इयाः  
इयालय् निपु स्वपु नतुचात ताना तइ । मनूत दुने इयाःफल्य् पयतुनाः पिने  
स्वया च्वनी । इयाः फः दुने न्हागुं तयेज्यू । सँइयाः इयालय् तिकिइयाः  
व्हःया धीखापाया निखे ग्वालिच्वः पिकया च्वय् पाखे ग्वालि प्वा प्वालय्  
दु छ्वयाः घानाः छुना तइ । धी खापाय् नाःग्वः तथा तइ । धी खापाय्  
सिखः घाना तःगु ज्वनाः खापा ल्हवनाः चायेकाः च्वय् धलिमय् क्वलःकि  
ताना तःगु लिइ कयंकी । क्वलःकि नं सिखः लिक्कयाः ज्वनाः क्व कयाः खापा  
तिनाः जंचुकु सालाः तयेगु याना तइ । थथे यक्व यक्व ज्या सनाः कला





कौशल क्येनाः दयेकीगु इयाः जुयाः सँइयाः धाःगु खः । यथे बुट्टा किइमाः-  
गुलि सत्ताया बाय् चसिं यागु ज्या काइ । सत्ता व चसिं नायुगुलि बुट्टा कीगु  
स्येनीमखु ।

सँइयाः या निखे तथाः छुना तइगु इयाःत सँइयालय् वहना तःगु  
ह्नाय्कं इयाः याना तइ । इयाः या निखे चवः पिकयाः व क्वय् पाखे निखे  
इयाःया खलु पिकया तइ । धवाखा इयाः व ज्वालाह्नाय्कं इयाः यानाः  
छुना तइगु लिइ चवय् पाखे निखे मिमलःयागु बाय् मि छव्याः पिहाँ बइगु  
अनेकथं सिसाकचाये यानाः बुट्टा पिकया तइ । इयाःत धाःसां सँइयालय्  
वहना तःगु इयाः या पाः स्वयाः चिब्या यानाः ची नं पायेका तइ । छपाःया  
इयाःत छ्ये इयाः व चाकलाः इयाः यानानं छुना तःगु दु । थोथी कथेया  
इयाःत छुना तःगु फुकक ज्वाला पिहाँ वया चवंगु ह्नाय्कं इयाः खः ।

छपाः इयाःया ह्नाय्कं इयाःया क्वायलय् स्वकूलाकाः, गंचाया; स्वां  
पवः पवः व मेमेगु बुट्टा तथाः इयाः इयालय् नतुचात ताना तइ । इयालय्  
छह जक चवना क्वस्वये ज्याछीगुलि थ्व इयाः यात याकः इयाः घायेगु याः ।  
इयाः इयालय् तिकिइयाः वहःया निपा ग्वालि खापा छुनाः खवः ग्वयेगु व  
थचुकु तयेगु व चायेकेगु याना तइ । ग्वालि खापा लीगु व छुइगु अःपु ।  
मनूतय् अन्त्य अयस्थाय् घाटय् यंकेत ग्वालि खापा ली । तःघिह्य मनू जूसाः  
मूलखाया चिधिह्य जूसाः इयाःया खापा ली । छपा ग्वालि खापाय् खम्रोप्वाः  
व मेगु खापाय् खम्रो ग्वः छुना तइगु लि खापा लिखतं पुइकाः निपा खापा  
नाप प्यपुंका तयेबलय् बँय् खम्रो प्वाः व खम्रो ग्वः दिनाः निपा खापाः चवय्  
लह्वना चवनीगु खाता थ्रे जुइ । खिपतं प्यपुङ्क चिनाः लासा छपाः लानाः  
मफुह्य सित ग्वतुकाः प्यह्य मनू प्यखे चवना वलय् न्वः बिकाः क्वबिया  
यंकी । मनूत ह्यासं गनं छुन्य जुइम्वां थः थःगु छ्ये हे मामाः कथं ब्यवस्था  
याना तइ । घातय् घाते बँद्य त दु । घाते बँद्यं त्वगि स्वयाः गबय्ती त्वगि  
प्रान त्वःती धकाः ताख तइ ।

छपाः इयाःया छेय् स्वपाः बाय् न्यापाः इयाः वहनाः दयेका तःगु छपाः  
इयाः जक छुना तःगु दु । स्वपाः इयाः या छेय् युज्वःगु छपाः सँइयाः छुनाः  
वया निखे छपाः छपाःया निपाः ह्याय्कं इयाः तयाः स्वपाः व न्यापाः इयाःया  
छेय् न्यापाः इयाः वहनाः दयेका तःगु छपाः सँइयाः छुनाः वया निखे छपाः  
छपाःया निपा ह्याय्कं इयाः अले स्वपाः इयाः तयाः वहनाः दयेका तःगु निपाः  
सँइयाः तयाः न्यापाः याना तःगु दु । स्वपाः बाय् न्यापाः इयाः वहनाः दयेका  
तःगु सँइयाः यात इयाः पाः स्वपाः न्यापाः व छपाया जक याना नं छुना तःगु  
दु । स्वपाः न्यापाः न्याय्क इयाः पाः वहना तःगु सँइयाः यात छपाया बाय्  
स्वपाः इयाः वहना तःगु ख वःहे पाः इयाया त्याः यानाः स्वतः धाःसा नं  
इयाःत छुना तःगु बिज्वः हे लाइ ।

सकथय् चागुं नारांछःया, यलय् कुन्ति महाछःया, ग्वलय् पशुपति  
महाछःया, गुंइ माजुछः (गुइश्वरी माजु) या, थन लाय्कुलिइ देगुछः,  
जगनाछःया देगलय् स्वपाः इयाःया सँइयाः व नवदुर्गा (महाछः पार्वती)  
देगलय् न्यापा इयाःया सँइयाःया सँलुखा छुनाः निखे चिचीपाःगु छः इयाःत  
छुना तःगु दु । सँलुखाया गुलि लुखा लुंछ्वाखाया गुलि वह छ्वाखा या व गुलि  
सिध्वाखा यानाः खीपाः तयाः गजू लुइकाः छत्रं कुइका तःगु दु । यें नं यलय्  
दुहां वनेगु छ्वाखा स्वपा इयाःया व अथेहे मेमे थासय् दुहांवनेगु छ्वाखात  
सँलुखा त खः ।

मांतिकिइयाःया च्वय् सँइयाः छुना तइगु मासँइयाः खः । छपाः इयाःया  
छेय् मा सँइयाः छपाः जक छुइ । स्वपाः बाय् न्यापाः इयाःया छेय् दथुइलाकाः  
छुना तःगु सँइयाः मासँइयाः खः । मासँइयालय् फयां फक्कः काष्ठकला  
जायेकाः विशेष महत्त्व दयेकाः छुनाः छेया शोभा अप्व बांलाकाः तइ ।  
लाय्कूछेया मासँइयाः दथुइ छपाः लुंइयाः यानाः नागं कुइका तःगु दु । जुजुपि  
लुंइयालं क्वस्वइ धाइ । ह्यापा जुजु पित्त छःया अबतार नाने याइ । “बलि-  
पूजा” घयागु पूजा थ्या सफुतिइ जुजु यात आजुछः धया तःगु दु ।<sup>५</sup> छः

छेय् मासैइयाः या दथु इयाः यात छः इयाः धया चवंगु दु । छः इयाः यात लुंइयाः यानाः तोलं तयाः छत्रं कुइका व नागं कुइका तःगु दु । छः इयालं व स्वये मज्यू हिल्लये यः धाइगु लिं मनूत वस्वेगु मयाः । कुमारी छेय् मासैइयाः या दथु लुंइयाः यात कुमारीइयाः धाइ । कुमारीइयालं सुयातं वस्वयेकी मखु, मेगु मेमेगु इयालं धाःसा वस्वये ज्यू ।

अंगः अंगलय् सिखापाः ज्यानाः तुनाः त्वाः कचा तं पिकयाः अंगः दनाः छेँ न जायेकी । नस धलिं तयाः धलिं ब्वयाः चुकु तानाः तान कसयेयाना तःगु पिनें खने दु । तुनाः त्वाकलय्, छे छे तुना च्वः मेछे तुनाः म्वः कयाः तुनः सिं दिकाः वेथां वेथां थनाः उकिइ चलु (धलिं) दिकाः पाखा पिकया तःगु दु । चलुया धलिं त स्वाये थाय् खिचा गथः साः कयाः चिनाः बेना मतइगु यानाः किं वः कयाः कि ताना तइ । तुनाः सित सिंह ज्यानाः थना तइगु रुप यात च्वक मुलुचा (ह्याय्लकाय्चा) धाइ । अंगं छेय्, छः छेय् व देगल्य् च्वय् प्यकुनय् कुं पाः या सिंह यात तुनासि यानाः थना तःगु दु । गनं गनं तुनासि थना तःगु लिइ मिमलः जुकाः नागबिलि कायेकाः चाल्ल म्ये लुइका तःगु नं खने दया चवंगु दु ।

मासैइयाः धयागु आजु अजिमा छः या छगू या मेगु अङ्ग छः । ११ मासैइयाः यात आजु अजिमा छः माने यानाः तोलं द्ये चिना तइ । तोलं द्ये चिना तःगु लिइ निखे अजिमा छः त तयाः गजू लुइकाः छत्रं कुइका बाय् गरूड मुखयात छेपं यानाः निखे हिति मंगः तया तइ । गरूड मुख याह्य छेपं मेगु प्रकार या सिंह व सिंहिनी छः । छः छः थाय् गरूडमुख यापि सिंह व सिंहिनी यात द्वार पाल याना तःगु दु । छः थाय् प्यकुनये व छः या च्वय् पल्लिइ कुं पाः यानाः त्वानाः सिं थना तःगु लिइ दह्य सिंह गरूड मुख याह्य छः । जन बहालय् पिने लुचु अजिमा छः यागु व लाय्कुलिइ नारां छः या देगल्य् च्वय् पल्लिइ कुं पाः या सिंह यानाः प्ये त्वानाः सिं थना तःगु दु ।





छेपं धयापि अजु अजिमा छः त खः । १२ छेपं यानाः तः ह्य गर्जे जुया  
 च्वेह्यसिया म्हुतुइ धुंया ततः पुगु वा धेवा खने दयेकाः मि ज्वाला पिहाँ  
 वया च्वंगु मिमल यात नाग व नागिनी यानाः पिकयाः, धुंया त तः पुगु  
 लुसि पिहाँवया मि छवया च्वंगु ल्हातं ज्वंकाः निखे स्वकाः ग्यानापुइका तइ ।


नं न्यानाः मि पिहाँ वः गु नाग नागिनीया रुप सिंह व सिंहिनी यागु  
 खः । उकि गनं छः या मूलुखाया खौपातय् छेपं गर्जे जुयाः मि ज्वाला पिहाँ  
 वया च्वंगु यात सिंह व सिंहिनी याना छेपं यात निखे इमिगु ह्लिपं ज्वंका  
 तः गु दु । अथेहे छेपं गर्जे जुयाः मि पिहाँ वया च्वंगुया निखे हिति मंगः  
 खः । हिति मंगः धयाह्य जीब बाह्य बाह्य जक ह्य पिहाँ वयाः च्वेह्य सिंह  
 व सिंहिनी खः । छाय् धायेबलय् छेपं या म्हुतु प्वालं सिंह व सिंहिनी मुखया  
 नाग नागिनी या बाह्य बाह्य जक ह्य पिकया तः गु दु । छेपंया म्हुतु प्वालं  
 पिहाँ वया च्वेपि नाग नागिनी यात छेपंया निपा ल्हाति ज्वंकाः निखे स्वकाः  
 अजिमा छः या निगू रूपं नाग नागिनी व अथेहे छेपंया म्हुतु प्वालब् नाम व  
 नागिनी दु छवयाः छगु रूप छेपं याना कयना तः गु दु । अजिमा छः धयापि  
 बारा तथा तः पि छः त खः । बारा तयेगु धयागु गोप्य याना तयेगु खः । मिसा  
 मस्तयत्त बाराः तइबलय् मिजे तसेय् खनीधकाः बाराः क्वथा छकुतिइ मुनां  
 मखंका तइ । अथेहे छः गालय् अजिमा छः तय् मूर्ति मस्वंसे छः त ह्यमसिकाः  
 तः गु खः । अजिमा छः थाय् कुमारी छः, अजु छः यात पुज्याः वः पिसं छः  
 ह्यसीके मफयाः छः पालाः याके न्यनाः पुज्याना वनी । नासः छः धकाः अंगः  
 या बाला प्वा स्वप्नालय् छः त स्वना तः गु दु । मनूतसेय् छः ह्यसीके मफयाः  
 नासः छः यात “नृत्येश्वर” धया च्वंगु दु । नासः छः धयाह्य अजु अजिमा  
 छः व अले इमिहे छगू अङ्ग काय् बाय् म्हाय्मागु खः । “नृत्येश्वर” धयागु  
 पूजाय्यः सफूतिइ नासः छः यात धया तः गु थथे दु ।

“देवस्य बाम भागे श्री नृत्येश्वर शक्ति देवी पूजा ॥

मध्य भागे नवरसात्मक भैरव पूजां कुर्यात् ॥

दक्ष भागे गणपते, बिघ्न श्वराय नमः ॥”





नासःछाया अंगल्य सँलुखाया छः खलि धंकाः लुखां दुने छःवने  
दयेकाः निखे छपाः छपाः छःइयाः यानाः छःत स्वना तइ ।

यँयाः बल्य् होलचव्य् सवःछाया सवः भकुया प्याखन्य् ह्याउँ खवाः  
पि निह्य छःत याउँ खवाःह्य सवः छाया अंङ्ग कुह्यः (कुमार) व कुमारी  
खः । छाया ह्लापांगु अंङ्गयात मां मेगु अंङ्गात म्हाय् बाय् काय् धायेगु  
याना च्वंगु दु । दक्षिणकालिइ गुं च्वय् अजिमा छायात दक्षिण कालीया मां  
धाइ । गुं च्वय् अजिमा छाया थाय् थाहाँ वने थाकुगुलि दक्षिकाली छाः  
वव्य् सारे यानाः स्वना तःगु धाइ । मनूत दक्षिण काली छाया मां थाय्  
वनेगु धकाः वनी । खवप्य् सूर्यबिनायक गनेछाया नं मां धाइह्य छःदु ।  
गुंइ तापाक्क छाः थाय् वने भ्यानापुयाः सत्तिक छः सारे याना तःगु धाइ ।  
दक्षिणकाली छाया ह्लापांगु अंङ्ग गुं च्वय् अजिमा छाः व सूर्य बिनायक गने  
छाया ह्लापा यागु अंङ्ग तापाक्क गुंइ च्वैह्य छः खः । छाया मां धाइपि छःत  
यक्व दु ।

अथेहे अजिमा छाया गाल्य् मेपि छःत तना तःपि व लिपा तने ह्या  
तःपि छःत फुक्क अजिमा छायात लिथु धकाः तःपि व घाके ह्यातःपि छःत  
खः । छाया धाःसां सक्वय् ह्याउँखवाः माजु छाया जात्राय् ह्यामुखवाः छाया  
जात्रा याइ । ह्यामुखवाः माजु छाः लिपा स्थापना याःह्य जूगुलि ह्याउँ खवाः  
माजु छाया लिथु धया च्वंगु दु । थःगु जात्रा मजुगु लिथुया जात्रा जूगुलि  
ह्याउँ खवाः माजु छाया खवाः खिउँ धका मूजात्रा कुन्हु गुं बाहाल्य् ह्याउँ  
खवाः माजुया छायाके वःपिसं धया च्वनी । न्यतमरु अजिमा छायाय् अजिमा  
छाया जबय् अष्ट मातृका छायाह्य बाराही व खव्य् इन्द्रायणी छाः वह याह्य  
दयेकाः लिपा जक घाकूगु खः । अजिमा छाया प्याखन्य् बाराही छायात  
अजिमा छाया लिथु, बाराही व इन्द्रायणी तःकेहे धया च्वंगु दु । उकिं छाः  
प्याखन्य् अष्ट मातृका धकाः अप्वः घानातःपि फुक्क अजिमा छायात लिथु  
घाका तःपि छःत खः ।

हितिमंगः या तकि तकि लुया ल्यूने चाः तूगु भ्याराया ततः पुगु न्यकू  
 दु । न्ह्याः ने यागु निपा तुति खने दयेकाः मिखा ततः वदय्क कंकाः किसिया  
 स्वं थस्वकाः चाः तूथें यानाः म्हुतु प्वालं लः या धाः हाया च्वंगु याना तइ ।  
 हिति मंगः धयागु ल्वहं हिति खः । १९ ल्वहं हिति धकाः थुज्बः ह्य जन्तुया  
 म्हुतु ध्वारारा लः हायेका तः गु खः । गनं छः या खोपातय् छेंपंया निखे  
 ल्वहं हिति तयाः लः हाया च्वंगु याना तः गु दु ।

हिति मंगः धका थस्वकाः थना तः गु ल्वहं हिति त नं थाय् थांसय् खने  
 दया च्वंगु दु । थस्वः हिति सोदनीगु नाप स्वाना च्वंगु दु । अज्यागु ल्वहं  
 हितिइ लः हाया च्वंगु मरु । सुं मनू उसाय् मदयाः लासाय् ग्वारातुला  
 च्वेह्यसिया ह्यगसय् लः हाया च्वंगु ल्वहं हितिइ यंकाः लः त्वंकूगु ह्यनकि व  
 मनू जुइ मखु धकाः सकलें ग्याइ । लः महाः गु ल्वहं हिति लः त्वंकल धकाः  
 ह्यन धाः सा ल्वगियाः ल्वय् लाइ, छुं जुइ मखु धाइ । झिनिदय् मोहनीया  
 चालं कुन्हु पिदनीगु पचली आजु छः व लुमरि अजिमा छः या प्याखें धुंकेत  
 सीजा नकीबलय् छः म्वः त फुक्क सीहा थे जुयाः मचाया वनी । अले छः  
 खलः तसय् क्वबियाः सी बाजें थानाः पचलि आजु छः या प्याखें नय् जूसा  
 मरुइ ह्याः मरु सतः या थस्वः हितिइ, लुमरि अजिमा छः या प्याखें नय् जूसा  
 असनय् च्वंगु थस्वः हितिइ ह्याः लः त्वंकेंगु भाव यायेव छः म्वः सी दनी ।  
 तान्त्रिक मतं सीम्बाके फूगु नेवाः संस्कृतिया छः प्याखें नं कयना च्वंगु दु ।

ल्वहं हिति धयागु नेपाः या मौलिक निर्माण खः । द्वलं द्वः न्ह्याः निसें  
 स्वसः व खुइन्हु हे मदिकक छगूहे तालं ध्वारारारा यचुसे ल्वाउंगु, स्वच्छ  
 लः हाया च्वंगु अन्तर्राष्ट्रिय छ्यलय् स्वच्छ, शुद्ध शीतल जलपानया व्यवस्था-  
 या प्राविधिकज्ञाया विकास मज्जनि बलय् हे नेपालय् जुइ धुंकूगु धयागु खं  
 थन या ल्वहं हितिइ यचुगु, स्वच्छ व शुद्ध व शीतल लः हायेकाः मनू तसय्  
 त्वना वया च्वंगुलि सिद्ध याना च्वंगु दु । अथे जूगुलि थन ह्यापाया पिनिगु  
 उन्नति व बिकास थोया युगया बिकासया मून मार्गदर्शन खः धयागु खं-

यत्त माने याये माः । भाषान्निभाः स्व. प्रेम वाहाबुर कसाः जं नापा खँल्हा  
वल्हा जू बल्य् ध्वखं वयकलं धया बीगु खः ॥१२



## बैगः

बैगल्य् दथु अंगः दनी मखु । न्ह्याने व ल्यूने या अंगः छकुत्या  
छकुत्या ति थकयाः निखे किलाय्या अंग. भेसेल्डकाः दनाः च्वथ्यंक थाहाँ  
वइ अले व्वनिसें थाहाँ वया च्वंगु दथु अंगःया छाने लाकाँसि यानाः जुच्छि  
तः ग्वय्क धलि तइ । अंगःया नस धलि, व लाकाँसिया धलित बाः छ्यानाः  
स्वाइ । लाकाँसि यानाः लाना तःगु धलि या साः प्वाः प्वाल्य् साः साः  
दुछ्वयाः बैगः थाँत थनाः बैगल्य् इयाःया ल्याः छेकवःत पिकाइ । चुल्या  
व्वय् नं दथु पति या च्वका तक्क छकुहाकःगु (१८ इञ्च हाकःगु) ल्हाःबुह्य  
मनूया निपा ल्लाः निखे व्वयेकाः छेछे ल्लातं मेगु ल्लाः तक्क यात छकवः,  
छकवःया ल्लातं मेगु ल्लाः तक्क यात निकवः, निकवःया ल्लातं मेगु ल्लाः  
तक्कयात स्वकवः व थथेहे प्यकवः न्थाकवः धायेगु खः । छेया हाकः चिहाकः  
जुया छे कवः पिकाये ज्यामछि थाय् जुल धाःसा भतिचा चिची कवः जुइ ।

बैगः थाँया म्वः म्वल्य् साः कया तःगुलिइ म्येयया प्वाः दुछ्वयाः  
तइ । म्येय प्वालं पिहाँ वया च्वंगु बैगः थाँया साः साल्य् साः प्वाः प्वाः  
लाकाः थाँय्मा दिकाः निखे किलाय्या अंगल्य् जुकाः थः थःगु किलाय् सी  
दयेकाः थाँय्मा थनाः छे प्यत जायेकी । थाय्मायात दुकू नं धाः । थाय्मां  
धयागु ग्वय्छाःसि यागु थनी । ग्वछाःसि यात सिया जुजु धाइ । ग्वय्छाः

सि या खवला छकूचा गनं थाना चवंगुलिइ ह्यप् थिलः धाःसानं थ्यूथाय्  
चासुयाः पवाथः पवाथः वइ । गव्य्छासि तःसकं छाः, किलं नइ मखु ।  
बंगल्य् गव्य्छाः सि यागु चुक् छपु जक सानं ताना तयेमाः धाइ । सिंसि  
यात कुजातया सि धाइगु लि छेरिइ जक तयाः ज्याकाइ, मेयाय् गनं काइ  
मखु ।

बंगःया निगु टायसनं दथुइ दथुइ लाकाः लाकांसिया धलि लानाः  
उकिया साः प्वाः प्वाल्य् लाकाः प्यक् प्यक्कति पाकाः बंगः जुच्छिई जुच्छिई  
बाःथांत थनी । बाःथांया म्वः म्वलय् निखे पासाः कया तइ । निखे पासाः  
या दथुइ दथुइ लाकाः जे चुलु (धलि ग्वः) तयाः निखे किलाय्या अंग  
अंगलय् दिकाः जेकु थनी । आंय्पा पौ झ्यातु जेकु थनाः निखे पाखे पौया  
जैय् जैय् त्येत्रः बियाः पौ जू मवइगु याना तइ । अले क्व क्व थ्यंक न्ह्यागु  
मूसित सिखवाःपाः ज्यानाः न्ह्याःने पाखे छगः व ल्युने पाखे छगः यानाः  
जेकु थना तःगुलि अंगः अंगलय् लाका पिने पिकयाः पाखा थना तःगु या  
चलुलय् जुकाः चवय् पाखे थाय्माय् दिफी । छखे मूसिया साः मेखे मूसियागु  
साः प्वाल्य् दुछ्वयाः क्यंकाः कुछि कुछि पाकाः मूसि इवः इवः ब्वइ ।  
मूसित व्वयाः थाय्मां मूसि मूसिलय् पौ (वेत) नं हिनाः चिना तइ । अथेहे  
मूसिइ मूसिइ कि प्वाः खनाः न्ह्याःने छगः ल्युने छगः अतः अतः यानाः नापा  
तयाः ब्वयाः चवय् थाय्नाय् दिगाः क्रिग्वः कयाः चुक् तानाः कंचीसाः कयाः  
छखेया मूसिइ मेखे यागु मूसि यात ज्वंकी । थथे थाय्माय् मूसित दिकाः  
निखे भेसें लुइकाः ज्वंका तइगु यात थाय्मा बूइका तःगु धायेगु याः । अले  
जेकु थना तःगु यात व निखेया अंगः या दुने पिने यानाः मूसिइ मूसिइ कि  
प्वाः खनाः क्रिग्वः कयाः ततःपुइक चुक् तानाः पिकयाः मूसिइ ज्वंकी । थथे  
चक्कू तानाः मूसिइ अंगलय् व जेकु थना तःगुलिइ ज्वंका तइगु, छखेया मूसिइ  
मेखे यागु मूसि यात सालाः चवय् मूसिसाःप्वाः चहिलाः बाय् स्व ब्यानाः  
वये मफयेक व जेकु धेचुलाः ग्वःतु मवइगु याइ ।

थाय्मां धेचुली धका: थाय्मायात निखे पाखे भ्यासि या छखे पाखे  
या म्हुतु सालं जंचुलुया धलिमय् व मेखेया म्हुतु सालं चवय् पाखे थाय्मां  
यात वान्धाका: थाय् थासय् तान (न्वकी) तइ ! पौ इयातुइगुलि किले  
मनेगु याउं याउंगु सल्ला व गोबर सल्ला सिया मूसि याना तइ । सल्ला या  
सिइ थाकुरा पिहां वया चवनी । मुसिया म्व: म्वलय् म्हुत: सा: कया म्हुत  
पौया प्वा: प्वा: लाका: म्हुत पौ कतिक तानातइ । म्हुत पौलय् मिचया:  
बुट्टा (बलं पौया बुट्टा) पिकया: नाग बिलि कया: त:गु नं दइ । मनूतय्  
शरीर क्वेय् क्वेय्या पंज: धाइगुथे छेय् थो थोगु थांत थना: व धलि त  
व्वया: किप्वा: खना: कि म्व: कया त:गु चुकु ताना ज्वंका: छे दनी ।

पल्लि चीत थाय्मा या दथुइ गा:म्हुइ । थाय्माय् गा:म्हुइत पां  
पाला: घा: याये मा:गु थिति दुगु जुयाचन खनी । गालय् स्वांवा लाना: लुं,  
वहदां, पञ्चरत्न व अमूल्य अमूल्यगु बस्तु तया: म्वय् छा:सि ताना तइ । पां  
पाला: घा:या: थाय् क्व:चिकं नं पाइ । आगंछेय्, छ:छेय्, स्यगुं भगवान् छ:  
व खास्ति भगवान् छ:या थेंज्यागु देग: देगलय् नागमणि तया: दनातइगु  
स्यूपिसं धया चवंगु बु ।

आवा: दाजुपि मूसिइ द्य:ने चवना: चेलासि लाना:, खवातुक चा  
तया:, ज्वंका: आंय्पा:लाना: सुर्ख:या भौवा: पिकया: व चन्द्रमाया भौप्वा: तया:  
पल्लि चिना: पौया प्यकुंनय् र्वंग:चा क्वस्वयेका: कुंपा: थना पल्लि चवय्  
जुचिछ थाय्मा पा: (दुकुपा:) थनिइ । र्वंग:चा धाइगु गहड मुखया सिंहत  
ख: । ‘‘गृह प्रतिष्ठा’’ धयागु पूजा थ्यासफुतिइ थुमित परि धया त:गु दु ।  
पल्लिइ चवय् र्वंग:चा क्वस्वयेका तल धायेवं छेय् मल: जुइगु भय् महु  
धाइ । देगलय् लुं पौ चिना त: थाय् भौवा: या ज्वालाह्वाय्कं व भौ प्वा:या  
सिल्ल:मू तया: लुं गजू छाना: कुंकुंनय् कुंपा: (र्वंग:चा) थना: उकिइ झंग:-  
चा जुका: बाय् व्वयेका त:गु दइ । ज्वालाह्वाय्कं सिल्ल:मू सुर्ख: व चन्द्रमा  
लुया चवगुया प्रतीक ख: । दाता तस्य् छ:या देग: दना: लुं गजू छाना:



सुर्धः पवः व चं (चन्द्रमा) लुङ्काः सुदर्ण पताः द्वयेकाः व अथे हे पल्लि  
 चवय् सुर्धः व चन्द्रमा लुङ्काः लुं गजू दाना तःगू दइ । छे दं थाय् ग्वाहा-  
 लि याः वनेमाः धकाः थःथिति, जःला खःला पासापि वयाः सि, चा व अप्पा  
 ल्ह्यायाः बिउ वइ । मे मे बलय् ग्वाह् लि याः वने मफयाः चवपि मनूत  
 पल्लिची कुन्हु सां वनी । थुज्वः पित्त देगः दनाः गजू छु वइ पि धायेगु याइ ।  
 पल्लि चीगु छन्हुं सिधयेके माः धाइगुलि माक्व आवाः दाजुपि व ज्यामि  
 बाजु पि चवनाः ज्या याइ ।

छपाः इयाः या छेय् बैंगल्य् छपाः इयाः या ल्याखं छेकवः छकवः,  
 स्वपाः इयाःया छेय् स्वपा इयाः ल्याखं छेकवः स्वकवः व न्यापा इयाः या  
 छेय् न्यापा इयाः या ल्याखं छेकवः न्याकवः पिकाइ । कवः मिले मज्जू छेय्  
 किलाय् या अंगल्य् चिपाय्काः तिकिइयाः (किलाय् इयाः) बाय् ग्वाखं  
 प्वाः तयाः छेकवः दाना तःगू दइ ।

बैंगःया थां थाम्य् कलश स्वां या बुत्ता पिकयाः म्येथ दिकाः तः  
 गुया निखे नागबिली कयाः च्वाल्ल म्ये लुङ्काः मिमलः तयाः व म्येथ  
 बुत्ता तयाः बैंगः जुछिइ छेकवःत पिकयाः न्ह्याग्गु छेकवल्य् स्वत धाः  
 सानं ध्वाखा थें खड्ग आकार वयाः चवय् पाखे नि मिखे मलः व कवय् पाखे निखे  
 जःखः कलश लाकाः तइ । थथे हे ज्यासः, सतः व फल्चाय् मां थांत थनाः  
 म्येथ तयाः निनाः दिकाः स्वकवः न्याकवः यानाः म्येथ बुत्ताया सिह व  
 सिहिनीया म्हुतुं मिज्वालाया म्ये पिकयाः व अथेहे मृग मृगिणी तयाः निखे  
 स्वयाः ब्वाना च्वंगु याना तइगु खनी । मांथां त नाग नागिनी यानाः सि  
 ख्वाः तयाः थनाः म्येथ व निना या च्वःच्वः पिकयाः तइगुलिइ गरूड मुख-  
 याम्ह सिह व ब्यात्र मुख यानाः कवः पतिकं चवय् आजु अजिमा छः बाय्  
 छेया महाजुत तयातइ । मांथां यात गो मुख व बाघ वाघिनी मुख यानाः  
 तयातःगुनं खनेदया च्वंगु दु । छे कवःतय् रूप छगूया मेगु अङ्ग आजु  
 अजिमा छः यागु खः । बैंगः जुछिई ध्वाखाथें खड्ग आकार वयेकाः छेकवः

छःतः ब्वयात् गु जुयाः अनयात् देगः धाये थे बंगः धाङ्गु खः । छेकवः  
 छःयाः बेताः लाकांसि लाना तःगु यात् यानाः व सिखवाःपाः यानाः नाग  
 नागिनी या मूसित ब्वयाः पल्लि चिनाः बंगः त्वपुया तःगु छे कवःछः आजु  
 अजिमायात् नाग व नागिनी कुइका तःगु खः । आजु अजिमा छःया गलप  
 (गालप) खङ्ग आकार वःगु ल्हं पौ तयाः छःत ब्वयाः स्वनाः नाग  
 नागिनी कुइका तःगु दइ । नाग नागिनीत ग्याना पुह्य च्वाल् म्ये लुइका  
 तइगु च्वय् पाखा जुच्छिई चलुंल्य् मूर्ति दिक्काः इवःलाक्क सि खवः छने  
 दयेकाः सिंह गर्जे जुयाः मि पिहां वयाच्वंगुया मि छ्वयाः च्वंगु बुत्ता  
 यानाः म्हुतु पौ तानातइ ।

आगं छेय् छः छेय् व देगः देगःया पल्लिइ मूसिया सिंहत गर्जे जुयाः  
 मि पिहां वया च्वंगुया म्हुतः पौल्य् बलं पौ तानाः व सिंहतय् म्हुतु  
 प्वालं मि ज्वाला या म्ये पिहां वयाः च्वंगु या मूसि खवाः पतिकं फय्गं चात्त  
 घानाः म्ये पिकया तइ । फसं सनाः न्यानाः च्वनीगु गं जुयाः फय्गं  
 धाःगु खः । वाफय् वइबल्य् फसं फय्गंचात् तिनि तिनि न्याना च्वनीगु  
 तायेदयाः मलः जुइगु मय् मरु धाइ । थथे छःया खोपातय् सिंह त गर्जेजुयाः  
 मि पिहां वःगु हिति मंगःया म्हुतु प्वालं चिची खः चागु गंचात् घानाः मि  
 धाः पिकया तइ छः छःथाय् मनू तसेय् ततःखःगु गं घानाः छाया तइगु  
 लिइ निखे मि मलः जुका तइ । मनूत छः चाःहिताः गं थानाः वनी । गं  
 न्याइगु मि मलः थें ग्यानापुगु खः । स्वनिगःया लाय्कुलिइ तःखः गें थाये  
 माःगु थितियाना तःगु दु । येय् लाय्कुलिइ तःखः गेंल्य् नेपाली भाषं च्वया  
 तःगुया भावार्थ थथे खः-

“श्री इष्ट देवताः या प्रीति नं भूत प्रेत पिशाच  
 डाक डाकिनी यात् त्रास बिइत दिव्य ध्वनि  
 या अष्ट धातुया तःखः गं छाना” ३३

उकि न्हछें दनाः पल्लि चीखुन्ह पल्लि ची सिधयेकाः सिकःबि नायः


दँकःमि नायः व ज्यामि नायः च्वनाः वँगल्य् छेक्वः छः यात पूजा याइ ।  
भ्यारा स्यानाः हि खुयाः गःपःया ला छकू छकू धेनाः छे कयःछः पतिके  
तिकी । सिकःमि नायः नं सिह्लः तिनाः स्वां कयाः ह्याउं क्वखा क्वखायाः  
फुक्क सित सिह्लः तिकाः स्वां बी । बँगल्य् सुखू लानाः सिकःमि, दँकःमि  
व ज्यामि दाजुपि फुक्क इवः छुनाः भ्दय् नयाः सी काइ । सिकःमि नायः नं  
जवगु मिखा कयाः छेसि कथं सी काइ । ज्यामि नायः नं ह्लिपं भाग कायेगु  
याना च्वंगु दु ।

मूलुखां चूमलाकूसे छःया लं त्वःताः स्वाहाने छुनाः मूलुखा व  
लुखाया खापाय् क्वेय् प्वाः खनाः छः दुहाँ पिहाँ जुइगु लं यानाः व गनं कुने  
अंगल्य् छःया लं धकाः बाला प्वाः तइ । स्वाहाने न्ह्य् त्वाःथःया न्ह्य् पो  
तयाः लाकां सि लानाः उकिया द्यःने तस्वाः स्वाहाने छुइ । न्ह्य् पौया  
तस्वाः स्वाहाने क्व (दखिन्) स्वयाः थाहाँ वयेगु यानाः छुइ मत्यः, मभि  
ज्याय् जक क्व स्वइ ।

छेय् चखुं वखुं नं बास यायेमाः, तक्ष्मी बास याइ धाइ । छेय् चखुं  
वखुं प्वाः तयेमाः गतल धाःसा चखुं व वखुं या बास दइमखु धकाः चखुं  
प्वाः तयाः व वखुं प्वाः यानाः अंगः अंगल्य् छः प्वाः मत्यूसे चायेका तइ ।

ह्याथाय् स्वःसां फुक्कसिया वहे शैलीया छेय्त इवः इवः । मनूतय्  
छेय् पल्लिइ भौवाल्य् निभाः खयाः भौ प्वालं तुइक कुं त्याः पिहाँ वइ  
च्वनीगु सुर्छः व चन्द्रमा लुयाच्वंगुया आभास जुइ ।


भौयाः पिकयाः व भौप्वाः तयाः पल्लि चिनाः पौ पिकयाः तइगु  
निखे पाखे क्वय् फः त्वपू, बा वइ बल्य् अंगः अंगल्य् बा म्हु मवइगु याइ ।  
पौयालः फः क्वय् धल्य् जुया व चुकया लः धः प्वालं बनीगु यानाः जगय्  
लः दुहाँ मवनीगु याना तइ । मनूत फलं फलं वनाः बा मदायेक जुइ । पौ







# 1 dhah

- 2 bnyavsi
- 3 jcu
- 4 mus
- 5 dayma
- 6 baqabaha
- 7 la-as
- 8 metbu
- 9 daz
- 10 baqabkalah
- 11 baqabisi
- 12 musabaha
- 13 calu
- 14 tunah
- 15 unarvakah
- 16 picubaha
- 17 ducubaha
- 18 kvakhalu
- 19 mubaha
- 20 mutagah
- 21 agalilah







- 1 cilaapā - lower tile
- 2 āypā - roof tile
- 3 kvapuapā - ridge tile
- 4 gvāgahcā - ridge or hip starter
- gvāgāhapā
- kūpā
- 5 bhaupā - smoke outlet

- A haigahthā - king post
- B thāymā - ridge beam
- C lākāsi - base plate of the king post
- D dhali - joist
- E musī - rafter

पिने पिकया तइगु यात पाखा धाइ । मनूत सीबल्य् सिथं यंकेत मूलुखा  
 न्ह्याने पाखाकुंथनी । जःला खःला मुंसिनाः सिथं मयंकुतले पाखा स्वा-  
 पिनि छेय् मुनां नइमखु, लः तकं हइमखु ।

न्हछे दनाः च्वंवेनेत छेय् बी बियाः शुद्ध यानाः शान्ति याइ । छे-  
 वनेबल्य् देशं पिने न्ह्यानेलाः थासं चा पाला हइ । चाय् मशानया वधेय्  
 लानाः वया च्वनी । थथेहे पिने सि व अप्पा ल्ह्यायाः हइ बल्य् पिनेकबेपि  
 मूत, पिशाच, प्रेत नापा वयाः मर्मि पुनाः वइ । थुज्वः पिसं दुःख बिइ । उकि  
 छे दनाः फुक्कं ज्या सिधयेकाः छेय् बी बियाः भूत प्रेत पिसाचयात पित  
 छ्वयाः मर्मि चीकाः छ्वयेमाः । आचाजु बाय् गुथ्राजु करागु दिं स्वयाः  
 चान्ह्य् छेय् बी बी । जःथुयाः जाया मनू दयेकाः तयाः तन्त्र मन्त्र यानाः भूत  
 प्रेत व पिसाच दुपिकाः पुज्याइ । भ्याय् स्यानाः इमित हि त्वंकाः शान्ति  
 यानाः चखमुलिइ वो भ्यगः तयाः ववबियाः मत प्वाः च्याकाः तयाः छे नें  
 पित हयाः तापाक्क यंकाः गनगन तयेमाःगु खः तया थकी । भूत प्रेत पिशाच  
 त दुपिना वनीगु जुयाः बी ववबियाः वनेगु तःसकं झ्यातु धाइ । बी यात  
 पित छ्वयाः छे छ्वां ईकाः पःका या कुं थनी । अले छे छ्वां बे पुयाः  
 धूं मुनाः पिने वांछ्वयाः मर्मि चीकी ।

छेय् भूत पिशाच प्रेत दुहाँ वये मफेकेत ईकाः पःका आखे प्वः  
 चिनाः तन्त्रमन्त्र यानाः पसूकाः हिनाः मूलुखा व लुखाकुसय् तयाः ह्ययखा  
 पा, तुफि, ग्वःस्वां तयाः प्याकि ताना ज्वंकी । मूलुखा खलुइ स्वएवः दुगु  
 नकि ताइ । छेय् बी बीगु अप्वः यानाः गथां मुगः कुन्हु लाकी । छेय् बी  
 बीगु तःसकं ग्यानापु । मखु थे जुल धायेबे भूत प्रेत पिशाच तसय् आचाः  
 जु, गुभाजुयात ककूतिनाः झ्यालं, बाय् स्वाहानय् ववफानाः हयेयः धाइगुलि  
 लालाः पिसं छेय् बी व्यूवये मछाः । गथामुगः कुन्हु फुक्कसियां छेय् बी  
 पालय् छः, लाभा तयाः बी तयाः तन्त्रमन्त्र भूत पिशाचतं दुपिकाः छ्वइगु  
 लाकू, हिपाय् व सहाय् छायाः बलिपूजा यानाः तिमत च्याकाः बाय्



छ्वालि प्वा.च्याकाः वैगलं निसं ववथा पतिकं वयनाः भूत प्रेत पिशाच यात  
 पुकाः ख्यानाया भावें छेनं पित हयाः छ्वास्य् छेवास्य् गथां मुगल्य्  
 तयेहइ । निभाःद्यः बित कि मनूत मुनाः छ्वालि प्वाः च्याकाः गथामुगः  
 यात पुकाः ववःथलाः सालाः देसं पिने तापाक्क यंकाः वाना थकी बाय्  
 खुसिइ चुइका छवइ । छेछ्वां ईकाः पःकाया कुंथनाः बें पुयाः धूं मुनाः  
 वांछवयाः मभि चीकी ।

मूलुखा फुसय् ग्वःस्वां, तुफि ह्याय्खापा तयाः प्याकिं तानाः  
 मूलुखा छलुइ स्वखः दुगु नकिं ताइ । भूत प्रेत पिशाच धयापि मूलुखा  
 दथुं वुहां वइ । मूलुखाय् स्वखः दुगु नकिं या निखः न्हःने स्वकाः तानाः  
 तलकि भूत प्रेत पिशाच त वइ बलय् स्वखः दूगु नकिलय् तवयनाः छेय्  
 वुहां वयेफइ मखु धयागु मनूतय्के विश्वास दु । १४

मूलुखा ग्याना पुइकाः त तः ग्वय्क मिखा कंकाः ववथाः मूलुखा ववय्  
 ह्याउकं सौचां (सिय्चां) बें थिलाः चवय् सिन्हः तिकाः द्यः यात पुज्याना  
 तइगु मूलुखा संस्कृति व तान्त्रिकतां जायाः अति आकर्षक जू मूलुखा पिनेयात  
 पिखा लखु धाइ । लखु धयागु खुसि खः । मनूत मूलुखाय् खओ तयाः  
 चवनी । मुनानं पिने मूलुखाय् खापा चायेकल कि ग्वालि खापा जूगुलि  
 घुईक सः वई, पिने मुनां खापा चायेकल, मुनां खापा संकल थें धकाः  
 व्वाय् स्वःवइ । थव मूलुखाया लक्षण खः । छेय् फुक्कसिगु सुरक्षा जुइ ।  
 “धाइ नापां मनूत पिने ग्यानाः छेय् वइ, छेय् नं ग्यानाः गन वनी ।”

स्वाहाने छुना तइगु मूलुखा पिनें खने दु । मूलुखां वुहां बने बें  
 स्वाहानय् थाहां वनेगु यानातइ । चुकय् वनेगु लुखानं वयाचवनी । स्वाहाने  
 बालय् ज्वनाः थाहां कुहां जुइगु कुतुं वनीगु छति भय मरु । चुकय् स्वयेगु  
 तिफि इयाः व इयाः त दु । चिकं अप्पां सिया त.गु चुक यचुसे पिचुया बांला ।  
 लव थिउं मजू । स्वाहानय् ववचः दांकाः भतपंजः छुनाः स्वाहानय् तःखा

तोगू यानातइ । लवय् लवय् ह्याउँक बँ थिलाःसुचुका तइ । नखः चखलय् सिकय् बुकय् व न्हागु ज्याखँय् छँ छखां ह्याउँक बँ थिली । सुं थाहाँ वःगु व कुहाँ वँगू सः वइगु स्वाहानेया लक्षण खः । छँ हामात पिहाँ वनेत 'सुं वइ स्वाहाने सःवइ न्ये' धया वनी ।

मातनय् तये तिइ यानाः धुकू याना तइ । मनूत पिने चवतय् चवनी । वुनें ववथात तःकुइक पिकयाः अंगः अंगलय् लेवन (चा, सौ व म्व ल्वाक-छ्यानाः न्हाया तइगु) तयाः मसिनचा (मसिनचाय् सौ तया न्हायाः) इलाः पिचुकाः ताकुचां पानाः रङ्ग (सपेताय् महः दायेकाः तयाः रङ्ग तया तःगु) पानाः बाँलाका तइ । ववथाय् सुखुलिइ लारि लायाः लासा चकंकाः लायाः चकति लंपत लासात सायातइ । सिंखाःया सन्दू ववयाः तापेचाय् लः जायेकाः दिकाः कलां जायाच्वंगु त्वरिबा तयाः तइगु ववथाया शोभा दु । ग्वाखँ प्वालय् च्वाक्क ह्यागुं तयेज्यू । ग्वाखँ प्वाः धयागु खडगया प्रतीक खः । 'छँ वनेगु विधि' धयागु पूजा थ्यासफुतिइ ग्वाखँ प्वाः यात आजु अजिमा छः धयातः गु दु ।<sup>५</sup> छः छः थाय् ग्वाखँ प्वालय् कुमारी छः नासः छः स्वनातइ । बाद्य बादन, संगीत व प्याखँ स्यनीबलय् किसलं लय् नासः छः सालाः आखा छेय् ग्वाखँ प्वालय् स्वनी ।<sup>५</sup> पसल्यातय् ग्वाखँ प्वालय् किंकि पायात भिद्यः पुज्यानातइ ।<sup>१६</sup>

बाराः तइ बलय् ग्वाखँ प्वालय् कपियाम्ह बाराः ख्याः तयातइ । मिसातय् न्हापां थिइ मत्यः जूगु खनेवँ मिजं तसैय् खनी धकाः काचा काचा ववथाय् र्यकाः तयाः मि निन्हु तक्क बाराः तयातइ । बाराः चवम्हय् सिनं मिजंतय् ख्वाः खनी, पिनें मिजंतसैय् बाराः तह्य खनी धकाः लुखा इयाः तिनाः ववथा वुने खिउँका तइ । थुगु ताकय् मखुगु जुइफू । पशु पन्छितय् रजस्वला जुइगु ताकय् इमिगु दृश्य थुकिइया दृस्तान्त खः । मिजंत बाराः ववथाय् दुहाँ वयाः मखूगु बिघ्न जुइगु भयनं कपि याम्ह बाराः ख्याः यात बाराः ववथाय् छुं बिघ्न मजुइमा धकाः पुज्यानातइ ।

बारा: चर्वेभ्यस्त्वं सिनं ह्यागु नःसां बारा: ख्या: यात नि छायेमा: ।  
 बारा: ख्या: धयाह्य बारा: क्वथाया रक्षक ख: । मिजं त बारा: क्वथाय् बल  
 धा:सा बारा: ख्या: नं पना: खिउंका: मिखां मखंका: तइ धाइ । लंपं ख्या:  
 नं लं पना चर्वे वइगु, वे वे थाय् अंगलय् हाकातइगु, लेय् जुइ बलय् भकुं  
 ग्वारा ख्या: वया: तुतिइ अत: मत: कयंका: चर्वेवइगु मनूतसय् कना चर्वंगुडु ।  
 मस्तय् बारा: ख्या:या खे कना: ख्याना चवनी । मनूत बारा: क्वथाय् बारा:  
 ख्या दु धका: ग्या: ।

मिस्तय् थिइ मत्य: जुइ बलय् बिदन जुइफुगु कारण प्यन्हु तक्क  
 पिहां जुइ मज्यू, पित छवइ मखु । मिजं तयत् थिइ धका: लि चिला: जुइ,  
 मिजंतस्यै मिस्तयत् थिइ मखु । थुगु ताखय् मिस्तय् शारीरिक कमजोर  
 जुइ, इयातु क्यातु ज्या याये मज्यूगु जुघा: थिइ मत्य:ह्यय् सिनं थ्यूगु  
 नयेभज्यू ल: त्वने मज्यूगु याना त:गु दु । थिइ मत्य: जूह्यनं थिइ धका छे  
 लाक्क चवना चवनी ।

छेय् बस्तु लहिना: तयेमा: मनूयात मभिक: वइगु बस्तु पाखे फाला  
 बनी धका: सुकुभत्तु, मंनतुलचा, दंयचा, हाकु मंन, तीतु चाखुरा, बटाई  
 थे ज्यापि अंग: पंछी लहिना: इयाले पिने त्वाना:सिंइ पंज: खाया न्ह्यय्  
 पुइक हायेका तइ । मनूत अंग: पंछीया पंज: ज्वना: जात्राया मनूतय् हुल  
 मुलय् हायेके हया चवनी । गुलिस्थां भ्यारा व ग्वंग: लहिना: बाहालय्  
 बाहालय् हया: त्वाकी, गुलि स्थां बताई त्वाकी । अंग: लहीपि मनूतय्  
 पंचलय् तुइक कापतं भुना: चिना तइ । स्वखिन मनूतय् पंजलय् सिंवा:  
 याना वहया च तया: ज्वना: वनेगु याना तइ ।

दलूचाय् सिख: घाना: सैइयालं पिने चलुलय् खाना: ल्हातं ह्याये  
 दयेका तइ । दलू धयागु सुर्छं: याना: प्रकाश फैलय् जुयाचवंगु याना:  
 छचाखिले मिस्त्या: दुट्टा पिकया: निखे मिमल: जुका तइगु कलां जा: ।

निभा: बितकि दलूचाय् मत तथा: च्याका तइ । सॅझ्यासं पिने दलूचाय्  
मत च्याना च्वनीगु सुर्छ: लुया: प्रकाश फेले जुया: च्वेथे जुया लॅजुवा:  
तय्त मत ख: । छ:या जात्रा याना: हइ वन्य् सॅझ्यालॅ छ:यात कीग: व्हला:  
ल्हा: भाग्याना: मत बिया. दलूचाय् तइ ।

बॅगल्य् भौ वालं निभा:या ज: कया तइ । भौ वालं फय् दुहां वया:  
भौध्वाल्ले पिहां वनीगु याना तइ । बॅग: निद्या या छद्या याना: तइगु  
ज्याछिं । चाया नित्वा: भुतु पच्छिम स्व: । भिगु इलय् लाका: अप्पा तथा:  
स्वना: पुज्याना: भुतु दनी । भुतु ववस्वयेकी मखु । ल्हय्नुमा जा थुइत जक  
ल्हय्पा चाया भुतु वव स्वकी । चाया भुतु थ: स्वका नं दनी मखु । दूव्यंकेत  
आति दायेकेत मूलूखा ल्हय्:ने कच्चि अप्पा स्वपाया भुतु थ: स्वकी । आति  
दायेका: खुसिइ ज्वना वना आति कया: स्व:ल्हुया: व्यंकी । भुतु दने धुंकूगु  
थुनिइ मखु । छेंया हामा सित दायेवं जना दूव्यंकि कुन्हु फुक्क थुना: छवासय्  
वां छवयेके छ्वइ ।

भनूतय् छेंय् बॅगल्य् वाकू जा: । नयेत दु:ख मजू । नेपा:या मू  
बालि वा ख: । वा पिना: वा लया: दच्छि नयेत वा कू थनी । योमरी पुन्हि  
कुन्हु फुक्क सिया छेंय् योमरी स्वना. वाकू पुज्याना: योमरि नया: नख:  
हनी ।<sup>१०</sup> योमरि पुल्हि कुन्हु गुथि न्यायेके मा:गु आपालं दु । इलय् ब्यलय्  
नख: चख:त हनी । घलय् ल: जायेका तइ । जा नया: जासि केसि सिला:  
मपुइका जानयेगु भु सिला: धंका: भूतु इलातइ । मनूत फुक्क समान । फुक्क  
सिया छेंय् चाया भुतु लुंया मखु धाइ । भौबालं पिने स्वये बलय् आगं छें,  
छ:छें व देगा:त खने दु । देया छचाखेलं हाकुगु च्वापुगु खने दु, खुसित  
नाग बिलि कया: ल्ह्याना च्वंगु व स्व:स्व: थाय् बुई हरा भरा या प्राकृतिक  
दृश्य खना: मनय् आनन्द, शीतल हाया पानी स्वच्छ वातावरण्य् हुकें जुया  
च्वेपि नेवा:त नेपा:या मूल आदिवासी ख: । थ:गु जाति हे फुक्कलीसनं  
सुसंपन्न जुया: सभ्यता दुपि ख: । थ:गु धयागु मौलिकताया छगु हे संस्कृति,

छगूहे बाद्यवादन, छगूहे संगीत, छगूहे नृत्य, छगूहे लिपि, छगूहे नेधाः  
 भाय् ल्हाइपि, छगूहे लवाइ-खवाइ, छगूहे पहःदुपि नेधाः तय्के सामूहिक  
 बिचाः फुक्कसिगु भि याइपि मखुगु मत्यःगु गूब्लेहे मयाइपि समाज व गुथि  
 चिना तइपि नेवाःत छः हे खः । मनूतय् खल्ला बल्ला जुइ बलय् व मनूला  
 छः हे खः का धया च्वनी ।

## थाय्मापाः

ह्लय् पौ या तस्वागु स्वाहानय् स्वपुं थाहाँ कुहाँ जुइगु यानाः छें  
 प्यतें यानाः दनाः भौवाः पिकयाः व भौप्वाः तथाः पल्लि चिनाः थाय्  
 मा पाः थना तइगु, न्यात या भाव खः । उकि न्हू छेंय् पल्लि चिनाः अन  
 इयाःया ल्याखं छगः बाय् छगूया मेगु अङ्ग यानाः स्वंगः व न्यागः कलश  
 थनी । कलशय् दापवः स्वांमाया कच्चा तथाः चन्द्र सूर्य ध्वजा (धवाय्)  
 ब्वयेकाः किसलि यात स्वत तथाः दयेकातःगु ह्याउँ छत्र कुइका व पताः  
 ब्वयेका तइ । किसलिलय् जाकि दंकः थनाः ग्वः ग्वय् तथाः अाजु अजिमा  
 छःया रूप मि ह्वाना ह्वाना छ्वया च्वंगु दापवः स्वां माया कच्चा थनाः  
 छःया देगः यानाः स्वत दूगु छत्र किसलि यात कुइकाः निखेया ध्वजां चन्द्र  
 सूर्य लुइकाः व पताः ब्वयेका तःगुलि छःयात बाछा लाया तःगु खः । पताः  
 धयागु लःया छः नागराज खः ।

देगःत स्वत पौ चिनाः प्यत यानाः पल्लिइ च्वय् छगः स्वंगः व  
 न्यागः यानाः लुं गजू छाया तःगु दु । छःया गजु धयागु सिल्लःमू याना  
 तइ । सिल्लःमुलिइ मि च्याःगु बुट्टा यानाः ह्लय्त्तं तथाः ग्वःचा लुइका  
 तइ । सिल्लः मू धयागु कलश खः । लुं गजूलिइ मि ह्वाना ह्वाना छ्वयाः

बिभिन्न रूप पिहाँ वया चवंगु दापवः स्वां माया कच्चा थे बट्टा पिकयाः स्वत  
तयाः सुवर्ण छत्रं कुइकाः सुवर्ण पताः ब्वयेका तइ । छःया गुलि देगल्य  
गुलि बाहाः व बहि दुने सतः छेय् पल्लिइ चवय् देगः (सुवर्ण मन्दिर) यानाः  
गजू छाया तःगु दु ।

जुजु धयाह्य त्रिलोकया पति छः । “देश बलि बिधि”<sup>५</sup> धयागु  
पूजा ध्यासफुतिइ जुजुयात आजु छः धयाः बलि बीगु चवया तःगु दु । जुजु  
थःगु दे, थःगु देया भूभाग किट्टिइ क्वय् पाताः (पाताल) व चवय् स्वर्ग  
थ्व स्वंगू भागया पति छः । थ्व स्वंगू भाग यात त्रिलोक धया वया चवंगु  
दु । मोहनी सिल्लः फये बलय् “त्रिलोक मोहन”, घकाः साधना याइगु थ्वहे  
स्वंगू लोक छः । उकि ह्लापा जुजुपि लुं गजू तयाः त्रिलोकया स्वत दूगू  
सुवर्ण छत्रं कुइकाः राजकाज यानाः स्वंगू लोकय् भि यानाः चवनी । भि  
याइह्य भि<sup>६</sup> छःयात मनूतसयं “छत्रपति महाराजा” धया म्हुतुइ प्यारा  
त्यःसुका भाग्यानाः वनी । छःयात धाःसा जात्रा याइबलय् लुं गजू दूगू  
छतया छत्रं जक कुइकाः हइ ।

सिकःमित्य नं पल्लिइ चवय् कलशय् छः पुज्यानाः योमरि त्वहंचा  
मरि ह्वलाः चतां मरि ब्वयेकी । छेया नायः व नकिं पिने पाखा क्वय् चवनाः  
कलशया लः लुइगुलि स्वः ल्हुयाः लः फयाः हयाः छे छळां हाः हाः याई ।  
भौमचा, ह्ययाय्मचा, मिनामचा व थःथिति खलः पाखें पल्लिइ न्हून्हुगु  
पसि ब्वयेकी । पल्लिइ चवय् पसि ब्वयेकल धायेवं भूत पिशाच त पसिं  
गायेकाः छेय् दुहां वइ मखु धाइ । फुसिल्यः अजिमा छःया प्याखेंनय् आजु  
छः जुइह्य मनूहिले माल धायेवं अन गामय् सुनं मिज्याके आजु छः दुपिउँ  
वइ । अले वहे मनूयात हयाः आजुछः यायेगु थिति छ्यला वया चवंगु  
दु । आजुछः जुयाः नायः जूगु तसताय् दे भ्वय् न्यायेकाः नके माःगु जुयाः  
चवन खनी । आजु छः जुइ ह्यापिं मनूतय्के छः दुपिउँ वइ घकाः छेनं पिहाँ  
मवेसे इयाः इयालय् मिस्तय् पसि खायाः चवनी । थथे पसि खाया तलकि

पसिं गायिकाः छेये छः दुर्हा वइमखु । छः प्याखेत हइबल्य् छः तय्त पसिं  
गाइ धकाः सुयां छेय् पसिं पाना तःगु दु धकाः छः खलःया मनूत न्ह्यःन्ह्यः  
वयाः स्वः वइ । मनूत नं पसिं गायिकाः जुइ मखु ।

न्यतमरु अजिमा छःया झिनिदेया प्याखें पिदने त्यल कि मू छः  
जुयाः च्वेपि सुं छह्य् सिके अजिमा, छः दुपिनाः अजिमा छः थाय् बुने वयाः  
न्ह्यःने थसः पाना च्वनी । अले मनूतसय् अजिमा छःया प्याखें पिदनीन  
धकाः सीकी । छेय् पसिं ब्वयेकीगु आगं छः, छः छेय् व देगः देगल्य् त्वा  
नाः सिइ ममि चि तयाः इवः इवः थनातइ । थये छः छः थाय् ममि चि  
तयाः तल धायेवें छःत पिहावनी मखु धाइ । मनूत पल्लिइ च्वय् गजुलिइ  
स्वयाः छः वंशं याइ ।

छेया व्वनिसें मि ह्वाना ह्वाना छवया च्वंगु यानाः छिना तःगु अप्पा  
अंगल्य् इवः इवः तयाः मिया ज्वाला पिहां बया च्वंगु यानाः च्वय् पल्लिइ  
भाय्पा इवः इवः तयाः भौवाः पिकयाः फौ प्वाः तयाः थाय्मा च्वय् जुचिछइ  
मि छवयाः दनाः च्वंगु यानाः छिनातःगु थाय्मापाः थना तःगु पो निखे  
पाखे भेसैं लुयाः बास्तु कलां जाया च्वंगु छेया रूप मि ह्वानाः ह्वानाः छवयाः  
दना च्वंगु छः । मि छवयाः दन धायेवें खड्गया रूप धारण याइ । आगं छे,  
छः छे व देगःत थयेहे यानाः दनाः कुं कुनय् ह्लाकाः (ह्लायात ह्लाकाः मि  
छवयाः दना च्वंगु यानाः छिना तःगु अप्पा) पिकयाः, भौ वाः व भौ प्वाः  
तयाः पल्लि चिनाः थाय्मापाः थनाः मि ह्वाना ह्वाना छवया खड्गया  
रूप धारण याःगु पल्लिइ च्वय् थाय्मापाः थना तःगु लिइ लुं गजू छायः  
खड्गया रूपय् मि छवयाः च्वंगु यानाः तःगु दु ।

पल्लिइ भौवाःयात सुर्छः, भौ प्वाःयात चन्द्रमा यानाः लुइकाः अनं  
च्वय् जुचिछइ मि छवयाः दनाः च्वंगु थाय्मापाः व कुंपाः थनाः तःगु छे  
गपाय् जाः धयागुलि तान्निक्ता दुसुला च्वंगु दु । पल्लिइ च्वय् पाखे छे

(खड्ग) या चवः व क्वय् पाखे प्वः खः । खड्ग धनाः ज्वाला थिना च्वंगु छेत दक्षिण स्वकाः दना तइगु निभाः यत्ताली । खड्गयात आजु अजिमा छःया अभिन्न अङ्ग भाःपियाः पुज्याना च्वंगु दु । आजु अजिमा छःया पौ-बाहालय्, किपाय् व मूर्तिइ मि ह्वाना ह्वाना छ्वयाः दना च्वंगु आजु अजिमा छःया रूप ब्रह्माण्ड खः । थथे जुयाः आजु अजिमा छःया छय्नेन्य् चन्द्र सूर्य बाय् कर्वेचिया ख्वाःपाः लुङ्काः मि छ्वयाः दना च्वंगुया ज्वाय् ज्वाय् फिकिपा छुका तःगु यानाः तइगुलिइ वा फय् वइ बलय् न् न्यानाः च्वय् स्वर्गतय् मि प्वालाक्क पिहां वयाः स्वाललल वंगू नाग बिलि काःगु यानाः तइ ।

म्ह्याय् मचायात लक्ष्मी छेयात गृहलक्ष्मी धया च्वनी । म्ह्याय् मचा-यात तःपाः लं फिकाः पुतू चिकाः जाड दुगु सुरुवाः न्ह्याकाः तुतिइ ह्याउँक अलः तयेकाः समा याकाः ज्वाल ज्वालाथीक जरि हिनातःगु ह्याउँगु सच्चिका तयाः निपु सरबत हिनाः ह्याउँक सिह्लः तिकाः बाँ लाकाः तइ । लपातय् निखेलं च्वय् व सुरुवाःया निखे स्वःताय् तुइक सन्जाप तयाः लनय् पुतु घाना तइगु व निपु सरबत हिना तइगु यात नाग नागिनी धाड । थथे धाय् बलय् म्ह्याय् मचायात निखे लंच्वःया सन्जाप नाग नागिनी निपा ह्लातय् चुरि न्ह्याकाः सुरुवाःया निखे स्वःताया सन्जापया नाग नागिनी तुतिइ कल्लि न्ह्याकाः लंपा या गःतांलय् सन्जापया नाग नागिनी गपतय् वदखायेकाः पुतू गथः चिना तःगु नाग नागिनीया ख्वाः यानाः व अले समाः याकाः सरबत हिना तःगु नाग नागिनी कुइका छय्नेन्य् तिसा तीका तःगु खः ।

म्ह्याय् मचा पय्नेन बिइ बलय् पालि बापा बापा ह्याउँक अलः पावाः, समाः याकाः, ह्याउँ सच्चिका तयाः निपु सरबत हिनाः लुं सिह्लः तिकाः बाँलाकी । अले मि ज्वाला ज्वाला थीगु तासया लं फिकाः, तासया हे जाया पुंकाः प्याखें अंगू िना अंगू, नाग नागिनीया सि ख्वाःया कल्लि मि ख्वाःया लुं चुरि न्ह्याकाः, नाग नागिनीया लुं सिह्लः माः वदखायेकाः



मिच्याः बुत्ताया लीकमा व नाग नागिनीं कुडकातः गु तायः स्वखायेकी ।  
 छ्येनय् मिच्याः बुट्टा (वलं पौ बुट्टा) यानाः सुर्द्यः पवः तथाः चॅलुडकाः  
 शिरबन्दि तयेकाः व नाग नागिनीया निपाः न्यापु सिखः निखे छुकी बाय्  
 मि ज्वाला ज्वाला थिना च्वंगु यानाः लुंस्वाँ छुकाः सतफल  
 घाकाः बांलाकी ।

अले पयतुकाः आगं छः, आगं छःया अङ्ग देगु छः, सुर्द्यः, चन्द्रमा व  
 मानेयानातः पि इष्ट देवता यानाः स्वय् भाग तयेकी । म्हाय् मचायात  
 सिह्लः, धौ जाकि सिह्लः तिकाः जरि भरे यानातः गु सगुण्या गुणकेरा स्वां  
 ज्वाला ज्वाला थीक छुकी । फुक्कसित ताय् अबिर व स्वां बियाः म्हाय्  
 मचायात फुज्याकाः स्वय् कायेकी । बाःजुह्यय् सिनं नाग नागिनी यानाः  
 दयेकातः गु तुति बग्गी न्हाकी । सवज्जे नकाः कलंबव छव्वतयाः पुज्याकाः  
 इता छ प्वाय् च्याकाः तयेकाः छासय् कलं वाके छव्वइ । बौम्हसिनं  
 ज्वाला न्हाय्कं व मां म्हासिनं सिह्लः मू बियाः ल्लाग्वय् (पुत स्वय्) काइ ।  
 म्हाय् मचायात ज्वाला ल्लाय्कं व सिह्लः मू बीगु धयागु सुर्द्यः व चन्द्रमा  
 लुडकीगु खः । श्वहे रूपय् म्हाय् मचातय् बाराः पिकयाः छपा ल्लातय्  
 ज्वाला ल्लाय्कं मेगु ल्लातय् सिह्लः मु ज्वंकाः सुर्द्यः व चन्द्रमा लुडकाः  
 स्थानया छः थाय् यंकाः पुज्याकाः भाग्याके यंकी । पाजुं थः भिना मचायात  
 लुकुं छिनाः लुखा पिने हयाः दुलिइतइ । तुति स्वय् बाता छगलय् कलश  
 तयाः गृह लक्ष्मीया रूप धारण याकाः म्हाय् मचायात पयनं बीगु नेवाः  
 संस्कृति खः ।

बाःजुह्यय् लागायाह्य छःया न्हाःने मनूतय् दथुइ च्वनाः बाचा ल्लाानाः  
 बौम्हसित धाइ “बनि निसे निखा छेंया छछा जुल, छि छुं धन्दा कयादीम्वा,  
 छिह्य म्हाय् भौ मचा मखु, जिमि छेंया गृहलक्ष्मी खः सन्तान वृद्धि जुयाः  
 कुल थामेयाइ” धकाः ब्रिन्ति भाव याइ । त्वाजं पिसं स्वार्थलि पुडकाः  
 दू कवबिकाः निखे जःखः साम दान च्याकाः द्वारपाल यानाः तथाः चित्ताख

च्याकाः क्वसः ल्यू ल्यू यंकाः मनूत लं स्वयाः वनी । मूलुखा न्ह्याने बॅथिलाः  
 मुखूचा लानाः निखे जःखः यानाः त्वारिबाय घ्यो मत च्याकाः तयाः व  
 कलशयात द्वारपाल यानाः थनातइ । भौमचायात बुलि व्व कयाः थनी ।  
 थुक्किया रूप यानाः मूलुखा फुसय् आजु अजिमा व इप्पिह्ने दगुया भेगु अङ्ग  
 स्वह्य व न्याह्य छत च्वकाः, सूर्यः व चन्द्रमा लुया च्वंगुया निखे  
 त तःग्वय्ः निगः मिखा कंका मि ज्वालाया सिमा कच्चा यानाः क्वय् पाखे  
 निखे कलश थनाः द्वारपाल यानाः च्वकातइ ।

कर्जिनिम्ह कुतलय् पूजा तयाः सुकुन्दा च्याकाः ज्वनावइ । भौ  
 मच्चिया ह्लातय् लः हायेकाः बियाः सिल्लः, धौ जाकि सिल्लः वाला तिकी ।  
 पूजा यानाः निखे जःखः मतय् व कलशय् पूज्याइ । भौ मचित् स्वकः सफलं  
 लुयाः स्वकः ईकाः पःका सलिखय् मिइ कुंथना बलि पिइकाः निखे पाखे  
 ह्वलाः पालुकुचा बियाः नतुंकी । मां ताःचा ज्वंकाः नागया बासा लायाः  
 दुचायेकीगुया लं दुछिइ लः हाय्काः यंकी । नाग धयाह्य लःया छः खः ।  
 बंगलय् थतयंकाः तयाः काय्मचायात नापां पयतुइकी । मिजं पाखेया आगं  
 छः, देगु छः, सूर्यः, चन्द्रमा व मे मेपि माने यानाः तइपि इष्ट देवता स्वेष्ट  
 देवता तयत् ग्वय् भाग तयेकाः फुकि बाकि फुकसित ग्वय् बिइकाः स्वाकी ।  
 न्हुह्य भौमचायात ग्वय् मस्वाकूतले मिजं पाखेया दाजु किजा फुकि बाकि  
 पिसं छुकिसनं स्वाकी मखु । इष्टदेवता धाईपि लिपा माने यापि छत खः ।

ह्वंकाः कलाःभातः निह्यं छह्य जुइगुया सहभोजन याकेत थाय्भू  
 न्ह्य च्याकी । थाय्भुइ ज्योना लप्ते लायाः व्व धासा व्वयाः ग्वय् ज्वलं  
 सकतां तयाः मरिता, सिसाफुसा ग्वाः मोसिप्पः लाभो, लागवः श्री, ख्ये,  
 न्या, ला, अयलाः नापां थ्वे प्यताः तयाः धौ व दुरुया सलि'तइ । थाय् भुइ  
 चय्प्यता धासा तये माः धाइ । काय् मचायात थाय्भुइ च्वंगु ख्ये सगं ज्वलं  
 कायेकाः भौ मचायात नापां निह्यय्सित वान्याकाः नकिइ । ख्येसगं  
 कायेकीगु तान्त्रिक मतं जीबबलि भोग खः । पचली आजु छः व लुंमरी

अजिमा छःया प्याखें पिदनेत पूजा यानाः छःतय्त जीब बलि भोग बीगुया पात्रखबला त्वंकी ! तान्त्रिक मतं पात्र खबलाय् छ्यें सगं ज्वलं चवनी । न्यतमरु अजिमा छःया प्याखें पिदनी बलय् छः तय्त पात्र खबला त्वंकीगुया भ्याय्चा स्यानाः हि त्वंकी । जुजु रणवहादुर शाहजुं लाय्कूयाह्य हाथु छःया लुंया ख्वाःपाः छछाप्ता तःगु सम्बन्धय् सुन्दरानन्द बज्राचार्यया “त्रित्तन सौन्दर्यगाथा” सफुतिइ हाथु छःयात थथे धयात गु बु “श्री रणवहादुर शाहबाट राखनु भैं भन्नु भया इन्द्र जात्राको शोभा बढाउना निमित्त मत्स्य मांस मदिरा मुद्रा मैथुन मकार पंचका आलो रगत धान्या भयंकर पनि न हुन्थे सौम्य रूप पनि न हुन्थे एस्ता मध्यम रूपका सुवर्णका शरभमुख नामा भैरवका निर्माण गर्दा भया”<sup>३</sup>

जीबभोग बीगु जीबया त्रितत्व भोग बीगु खः । जीबया त्रितत्व धयागु “रक्त तत्व” “जीब तत्व” व मांस तत्व खः । छःयात जीब बलि भोग बिइबलय् जीबया गःकियाः हि पिकियाः म्वांहि त्वंकी । अले गःपः त्वाह्लानाः सास छ्वया बिइ, अनं गःपःया ला धेनाः छःयात छाइ । थुकिया अभिप्राय त्रितत्व भोग बीगु खः । छ्यें सगं कायेबलय् बलि रूप छ्यें सगंया ‘त्रितत्व’ कायेगुया स्वकः वान्याना नयेगु याना च्वंगु बु । ह्लापां वान्याना नयेगु जीबया प्रतीक छ्यें सगंया गःकियाः “रक्त तत्व” कायेगु खः । निकः खुसि वान्याना नयेगु “जीब तत्व” कायेगु खः । स्वकः खुसि वान्याना नयेगु “मांस तत्व” बली भोग कायेगु खः । छःयात जीब बलि भोग बिइबलय् नं जीवया “त्रितत्व” भोग बिया च्वंगु बु । छाय् धासा ह्लापा जीबया गःकियाः हि पिकिया छःयात म्वां हि म्हुकी, अले हाकनं गःकियाः त्वाह्लानाः सास छ्वयाबिइ, अनलि गःपःया ला धेनाः छःयात छाइ । थुकिया अर्थ “त्रितत्व” भोग ब्यूगु खः । ह्लापां गःकियाः म्वाः हि म्हुकूगु जीवया “रक्त तत्व” बलि भोग ब्यूगु खः, हानं गःकियाः गःपः त्वाह्लानाः सासः छ्वःगु जीवया “जीब तत्व” बलि भोग ब्यूगु खः, अनलि ला धेनाः छाःगु जीवया “मांस तत्व” बलि ब्यूगु खः ।

न्हू भौमचा दुचायेकीः ह्वंकी बलय् काय् मचां थाय्भुइ च्वंगु छ्ये  
 सगं ज्वलं वयाः नइगु छः प्याखेनय् छः तय्सं प्वःसः काइगुया रूप खः ।  
 ह्नापा काय् मचां छ्ये सगं वान्याः गुः छः प्याखेनय् आजु छःनं फं बाय्  
 दुगुया गः किइगु खः । अर्नलि भौ मचाया ह्नातय् तयाः बियाः वान्याकाः  
 नके ब्यूगु आजुछःनं अजिमा छःयात हि त्वंके ब्यूगु खः । अले हानं काय्  
 मचाया ह्नातय् लः ह्नाके बियाः छ्ये सगं वान्याकाः नके विइ बलय् अजिमा  
 छःनं हि त्वने धुंका आजुछःयात हि त्वंके ब्यूथें जुइ । मनूतय् वा स्याचुपिया  
 रूप खः । छ्ये सगं वान्यायेगु स्याचुपि कीगु खः । आजु अजिमा छःया  
 म्हुतुं ग्यानापुसे च्वंक धंवा पिहाँ वयाच्वंगु रूप स्याचुपि खः । आजु अजिमा  
 छःतसंय् छः प्याखेनय् प्वःसः काइ बलय् खा हेंय् जूसां वाँ हें न्याना  
 हि त्वनी । दुगु, फं, व म्येय् प्वःसः काइबलय् धंवा रूप स्याचुपि गः कियाः  
 हि त्वनी । उकि छ्येसगं कायेबलय् स्थकः वान्यानाः नयेमाः, मनयेगुया  
 अर्थ मरु । छ्येसगं काय्के धुंकाः निह्मयसितं थाय्भू नकी । थाय्भू  
 ततःजिगु ज्याखंय् नकी । अले आचाःजु जोशी व गुरु पुरेतपिसं छप्वाः  
 म्हुतुं आगं छः, देगुछःया ना कयाः शिलः व्वनाः सन्तान वृद्धि जुयाः कुल  
 थामय् जुइमाः धकाः सुवाः बियाः ताय् जाकि स्वां अबीर ह्वलाः फुकक  
 सिनं पुजयाकी ।

म्हाय्मचा पित बियाः प्यन्हु कुन्हु छ्वाः स्वः वनाः न्हूह जिलाजं  
 दुचायेकी । न्हूह जिलाजं ह्नापां दुहां वइह जुयाः मुकुन्दा च्याकाः लेंय् मतं  
 वयनाः व्वना हयाः पिखा लखू पिने तयाः बलि पिइकाः छेय् दुचायेकी ।  
 ससः खलः पाखेया आगंछः देगुछः सूर्यः चन्द्रमा व माने यानाः तःपि  
 इष्ट देवता तय्त ग्वय् भाग तयेकाः थःथिति फुककसित ग्वय् बिइकाः ससः  
 खलखय् स्वाकी । गूहलक्ष्मी छेय् बास यानाः छये क्वछुनाः शिर शोभा  
 बाँलाकाः जुइगु नेवाः तय् छे चिचीजा यानाः छये क्वछुइमाःगु यानाः तइ ।  
 मनूतय् धलिमय् छये हात धायेवें थस्वयाः जुइमाः, छये क्वछुनाः  
 जुः धाइ ।

थये जुया छे दनी बल्य् जगय् कलश तया:-गृहलक्ष्मीया रूप याइ,  
 मि ज्वाला ज्वाला थिना च्वंगु याना: छिनात:गु दे चि अप्पा अंगल्य् इव:  
 इव: याना: वास्तु कलां जायेकीगू छेयात तासया वसतं पुंका: सिंह व सिंहिनीं  
 बुट्टाया काष्ठकलां जायेकीगू ह्या ह्या तिसा तीका: बां लाका त:गु ख. ।  
 चवय् निखे पाखे पाखा पिकया: पाखा जुचिछइं मि च्या: बुट्टा (बल पौ)  
 या म्हुत: पौ ताना त:गु लि छयेनय् शिरबन्दिया बाला याना: अले मूसित  
 निखे भेसे लुइका: आंय्पा इव: इव: लाया: मूसिया सि ख्वा:पा:चात खने  
 दयेका: त:गुलि निखेया न्यापु सिख:या नाग नागिनी याना: व पल्लि चिइ  
 कुन्हु पल्लि चिना: कलश थना: पता: व्वयेकीगू शिरबन्दिया चंबालाया  
 अर्थ भाव ख:। आगं छेय्, छ: छेय् व देग: देगल्य् लुं पौ चिना: पौ जुचिछइ  
 लुं या बलें पौ ताना: पल्लिइ द्ये:ने मूसिया इव: इव: भू भू थकया नाग  
 नागिनी याना: सि ख्वा: पाचात तया: लुं गजू छाना: लुंया पता: व्वयेका  
 त:गु छ:या छयेनय् चंबाला लुइका: शिरबन्दि तय्का: न्यापु सिख:या  
 तिसा तीका त:गु ख: । मूलुखा व्वय् ह्याउंक बैथिला: तुतिइ अल: पाका:गु  
 व मूलुखा फुसय् ह्याउंक सिह्ल: तिका: पुज्याना: तइ ।

छ्या:, कर्वे, बेता:, व बय् लुइम्हसित छेया भुज्था धाइ । आजु  
 अजिमा छ:थाय् थुमित छ:या गण यानातइ । छ्या:नं म्मे लुया: न्ह्य:ने  
 इवातां दना चर्वेवइ, द्येना चर्वेपिन्त कुचु कुचु नक: वयेय:, बैंगल्य् त्याइप्रा  
 त्याइप्रा पुला सनाचवनी, स्वाहानय् स: वयेका: थाहाँ कुहाँ जुइ, निभा छ:  
 बितकि पल्लिइ चवय् च्वना: छये छग: जक खने दयेका: चाग:चा तुरू तुरू  
 कयेका: छ्या: याना: चर्वेवइ धाइ । कर्वे धयाह्य छे कर्वे जुइ, छे व्वय्  
 वया: हा: वइ, द्येना चर्वे पिनिगु तुति सा: वयेय: । बेता: धयाह्य सुं व:थे  
 लापाक्क लापाक्क ग्याक्क जुइ, गुब्ले गुब्ले जुइ बल्य् ध्वदुल धायेवें सुनां  
 दा: सुनां दा: जुइक न्यतालय् च्याराक्क धायेक दाया: थकी धाइ । छेय्  
 सिख: पयाँचा मखंपि सुं दइमखु । इलय् व्यलय् सिख: पयाँय्चा पिहाँ वया  
 च्वनी । मनूत सिख: पयाँचा खना: ग्या: । सिख: पयाँय्चा खना: ग्याये

म्वाः, छेया भुज्याः खः, छु याइखु, धुपाय् छपु कयाः च्याकाः बिलकि  
वया माः थाय् वनी धकाः सिउँपिसं धया चवनी । थाहाँ कुहाँ जुइ बलय्  
छेया भुज्या ध्वधुयाः स्वाहानय् छपु ध्वारारारा धायेक कुतुं वनेयः, बिनाबी  
धयाः जुइमाः, लं चिला बिइ धाइ । स्वाहानय् कुतुं वं सानं छूनं जुइ मखु ;  
स्याः थाय् व्व व्व स्यानाः बिल, गनं छयंगु चवतुसाः इनं पानाः व्व व्व  
स्यानाः बिल धायेवं याउँया वं । छः ध्वधुल कि छुं म्वायेकं ह्ववय् वयाः  
मफुथे जुइ । कयंथाय् 'छः ध्वधुल, छः नापलात जाकि कयाः पिइकाः  
पल्लिइ ह्वला ब्यू' धकाः जोशीं धयाहइ ।

छेय् मनूत म च्वेसे खालि, तइमखु । मनूत च्वं मन्त धायेवं छेय्  
पाकन भ्वाथः जयाः दुना वनी । मनूत छेय् चवनाः सुचुकुचु यानाः स्यं थाय्  
भिकाः चवनी । ह्लि ह्लि छेयात छः पुज्यानाः बःह्लि मतं बिइ मा । छःयात  
पुमज्यानाः मत मबिल धाःसा छेया लछिण वनी, छेया भुज्यातनं तना वनी।

## गृह लक्ष्मी

छेया स्वरूप मि ह्वाना ह्वाना छ्वयाः खड्ग धारण यानाः च्वंगु लिइ  
मूलुखा, लुखा श्याः छुना तःगु व देगल्य् संलुखा व छः श्याः त छुनाः तःगु,  
अजु अजिमा छःया मूर्तिइ मि ह्वाना ह्वाना छ्वयाः दना च्वंगु छःया रूप  
खः । छः गाल्य् त्वहं पौलय् व अंगलय् बाला प्वाःयात खड्ग यानाः छ त  
स्वना तःगु दु । अथे हे छःया देगः दनाः छःया मूलुखा व लुखाय् खोपाः  
तयाः लुं गजू छानाः सिंह ध्वजा, चन्द्र सूर्य ध्वजा, तयाः बाय् छःयात  
छून छुं छायाः त्वबं पौलय् दातातय् मूर्ति तयाः नां कयाः छः छः थाय्  
कीर्ति तया तःगु दु ।

छेय् मूलुखा छदुवाः छुनाः छपाः इयाः यानाः बैंगल्य् छे कः  
 पिकयाः प्यत जायेकाः पल्लि चिनाः तःगु छेया रूप छ्ये छगः छगः यानाः  
 प्यत चिनाः गजू लुइकाः तःह्य अजिमा छःया मूलुखा छदुवाः छुनाः वया  
 निखे छपाः छपाः यानाः निपाः तिक्किइयाः तयाः स्वदुवाः याना स्वपाः  
 इयाः छुनाः बैंगल्य् छे कवः स्वकवः पिकयाः प्यत जायेकाः पल्लि चिनाः  
 तःगु छेया रूप छ्ये स्वंगः स्वंगः यानाः प्यत चिनाः गजू लुइकाः तःह्य  
 अजिमा छःया व मूलुखा छदुवाः छुनाः निखे छपाः छपाः तिक्कि इयाः तयाः  
 व अले मेगु छदुवाः छदुवाः निदुवाः लुखा तयाः न्यादुवाः यानाः न्यापाः  
 न्यापाः इयाः बैंगल्य् छेकवः न्याकवः पिकयाः प्यत जायेकाः पल्लि चिनाः  
 तःगु छेया रूप छ्ये न्यागः न्यागः यानाः प्यत चिना गजू लुइका तःह्य  
 अजिमा छःया रूप खः । थुज्वःपि अजिमा छ यात आगं छः, मां लक्ष्मी  
 अजिमा छः व गृह लक्ष्मी धाइ ।

आगं छः धाइपि थःथः कुलया छः खः । उकिं नेवाःतय् कुल छेया  
 महत्व तयाः मिज्जे छःयात आजु व मिसा छःयात अजिमा धया चवनी ।  
 फुकक सिया थःथः आगं छे दु । आगं छे धयागु आगं खलःतय् लागि दना  
 तःगु कुलया सतः खः । आगं छेय् आगं छःया जीबित रूप मिसा मचा छःया  
 नां तइ । छःया नां तःह्य मिसा मचाइत छःमे धया च्वंगु दु । जुजुपिनि आगं  
 छःतः जुमाज् छः खः । जुजु पिनि अभिलेखय् तःजु माजु छःयात इष्टदेवता  
 स्वेष्ट देवता धयातःगु दु । लाय्कू याह्य छः मेयात छः मयजु गुलिस्यां  
 कुमारी धया चदन । संस्कृत भाषं मिसा मचाइत कुमारी धाइगुलि थन  
 छः मेयात कुमारी धा गु खः । छः मेयात छेया रूप यानाः ह्याउंगु जामा व  
 पुतूलं फिकाः तइ । सि खवाःया कल्लि न्ह्याकाः, पालि बापा बापा ह्याउंक  
 अलः पाकाः समाः याकाः थसपः चिनाः कपाः छगलं ह्याउंक सिह्लः पाकाः  
 मिखाय् अजः उइकाः खज्ग चवःया बाला मिखा थस्वकाः तिकाः बांलाका  
 तइ । छः मेयात थसपः हिना तइगु गजूया रूप खः । आगं खलःत आगं  
 छेय् वयाः आगं छःया पूजा यानाः छः मेया पूजा याइ ।

बुद्धिं व भिगु ह्यागु ज्याख्यं पूजा जुइबल्य सुया पूजा जुइगु छः  
वइत पयतुकाः सुकुन्दाय मत च्याकाः तइ । छे धना च्वंगु खड्गया प्रतीक्य  
पाःचा लप्ते छपाः च्वय् स्वकाः बॅय् लाई । भिगुज्याय् पूर्व बाय् पश्चिम  
स्वमेमाः । पूर्व बाय् पश्चिम स्वकाः पयतुइकाः वया न्ह्याःने पाःचा लप्ते  
लायेबल्य च्वय् स्वकेगु जुइ । पूर्व स्वकाः पयतुइकल धाःसा लपतेयात खव्य्,  
पश्चिम स्वकाः पयतुकल धाःसा जवय् स्वकेमाः । छाय्धाःसा उत्तर पाखे  
च्वय् व दक्षिण पाखे क्वय् छः । छने बल्य नं छ्ये च्वय् तुति क्वय् लाके  
मत्यः, छयाकं त्यः वड कर्वेचा वयाः तुति साःवइ धया च्वनी । छयाकं तुति  
ज्वनाः सासाः छ्ये क्वय् तुति च्वय् याना थकल, छयाकं त्यः वल धाइपि  
मनूत दु । अथेहे धलि लायाः (धलि फाङ्गा यानाः) छने मत्यःनं धायेगु  
याः । थथे धाइगु द्यंगू व द्यनेगु मिले मजू धागु छः ।

अनंलि कुतः थिइकाः भाग्याकी । कुतलय् चन्द्र सूर्यया धीपति बाय्  
धीग्वः तया लुइका भाग्याकी । अले पूजा मसीधयेकं कुतः बॅय्  
तइमखु । सुकुन्दाय व पाःचालप्तेय् नी लखं लुयाः सुकुन्दाय सिल्लः तिकाः  
पाःचा लप्तेय् छपताः स्वपताः बाय् न्यापताः सिल्ल तिकाः आगंछःया पूजा  
याइ । अले पूजा याःह्यसित सिल्लः धीजाकि सिल्लः तिकाः छ्यन्य स्वां  
छुकी । धुपाय् व इताः च्याकाः क्यनाः छ.थाय् तइ । धौ जाकि सिल्लः व  
स्वां बियाः सुकुन्दाय आगंछः व देगुछः पूज्याकाः गृहलक्ष्मी धयाः धलिमय्  
छेयात पूज्याकी । छःया पूजा जुइबल्य जीबबलि भोग बी, मनूया पूजा  
जुइ बल्य जीबबलि भोगया प्रतीक छ्ये सगं बी । छ्ये सगं बिइत छ्ये बाता  
व अन्ति ज्वनाः नापा तयाः ह्लातं थिइकाः भाग्याकाः ओ, न्या, ला, छ्ये  
छकु छकु कया अन्तिइ क्वफानाः अय्लाख्य आत्मबिम्ब रूपया खवाः  
स्वकी । छ्ये बाता मेह्यसित ज्वंकाः छ्ये, न्या, ला, व ओ छकु छकु कयाः  
अय्लाख्य थुनाः छःतय्त् छाइ । छ्ये सगं बियाः छ्ये बाता भाग्याका वय्  
तइ । सगं बिइ मसिधयेकं छ्येबाता बॅय् तइ मखु । मेमेपि फुक्कसित नं



धौजाकि सिद्धः तिकाः छये सगं बी । थुकिया रूप्य् छःथाय् जीवबलि भोग  
बिडित बाहाँयात मू हायेकी, अले ह्यय् तयाः घये सुइ लिउने निपाः तुति  
मेहयसित ज्वंकाः गःकिइ, हि म्हुकाः लाछकू धेनाः छःथाय् छाइ अले  
दक्वले लिपा सीकाः भू याइ ।

मनूतय् 'देखा कयाः गुरु' ब्युगु ध्यान व मुद्राया बिभिन्न रूप रुपि  
छःया मूर्ति दयेकाः आगंछः धकाः आगं छैय् स्थापना याताः तइ । मूर्ति  
धयागु ला छःया आवरण जक खः । छःतय् ह्लातय् पात्र खवला फयेकाः  
मुद्रा ज्याका तइ । आजु अजिमा छःया मूलुखाय् व इयाः इयालय् चव्य्  
खौपातय् देवी पुराणय् उल्लेख जुया च्वंहा महिष मर्विनी ( महिषासुर  
स्याना च्वंहा शिचयापा ह्लाः दुह्य भगवती ) यात त्यंगः गने छःया  
मूलुखा चव्य् खौपातय् शिवपुराणयाह्य महाछःयात, ग्वलय् जयबागीश्वरी  
छःयात व थयेहे छः छःतय् ह्लातय् पात्र खवला फयेकाः मुद्रा ज्याकातःगु  
खनी । जय बागीश्वरी धयाह्य आखः सयेकीह्य अजिमा छः खः । मस्तय्त  
आखः स्यनेत 'नमो बागीश्वराय' धकाः ग्वरलय् चवयाः बागीश्वरी छः  
धकाः अजिमा छःयात नमस्कार धायेकाः ब्वंकाः आखःग्वः ह्यसीकाः मेमेगु  
आखःग्वः ह्यसीके बी । नेवाःतय् तान्त्रिक मर्ते पात्र खवलाय् पंच मकार  
चवनी ।

जीव पंचतत्त्वया प्राणी खः । पृथ्वी, जल, वायु, आकाश व तेज थ्व  
न्यातायात पंचतत्त्व धाइगु खः । पंचतत्त्वया तःधंगु रूप पंचमहाभूत खः ।  
जीव जीवित जुइत थ्वहे पंचतत्त्व माः छःयात जीवित यायेतनं पंचतत्त्व माः ।  
छः प्याखेनय् छःस्वःतय्के आजु अजिमा छः रुपिकी । छःत रुपिउं वयाः  
जिगिजिगि खाइ । छःत प्याखे हुइ, पूजा फयाः प्वःसः काइ । बृंगछःया  
वंशाबलिइ यक्षराजया काय्या प्रतीकात्मक जीवित रूप भंबः यात कतशय्  
तया हयाः बृंगछः स्थापना याःगु चवयातःगु दु । तान्त्रिक बिधिया पूजा  
जुइबलय् पंचतत्त्वया प्रतीक सह्यय् ज्वलय् स्याबजि ( बजिनापं ), हाहुमुस्या,

पालु, संन्या (छ्वय्ला) व अय्ला: (अय्ला:या अङ्गु थ्वे) न्याता बाय् छ्ये  
सगं ज्वलंया माय्ओ, छ्ये, छ्वय्ला, कुंन्या (जवं चा:तुइका तहा), व  
अय्ला: बाय् (थ्वे) न्यातायात कया: थुकिया प्रतीकात्मक थापंयाना: छ:  
यात थुपिहे तया: पंचमकार पूजा याना वइछ्वंगु दु ।

मनूत सहाय् तया: छ: छ:थाय् पूजा याइ । गुथि न्यायेका: छ: छ:  
थाय् व देपूजा न्यायेका: छय: छयल्य् वया: पंचतत्त्वया पंचमकारया थापि,  
अन्ति, व कुलिचा बाय् धाला स्थना: छ:या पूजा याना चवनीगु खना च्वंगु  
खं ख: । मनूत गुईमाजु (गुइश्वरी माजु) छ:या गाल्य् छ्येसगं क्वफाना:  
छ: पूजा याइ ।

वंधल्य् आजुछ:या त्यप, पचली आजु छ:या क्वं व छ:तय् जात्रां,  
व्वया तइपि हाथु छ:या त्यप व क्वंचाय् पंच मकारया अय्ला: थ्वे थना:  
छ:यात पूज्याना तइ । वंधल्य् आजुछ:यात आकाश भैरब, हाथु छ: त्यप  
व क्वं चित स्वच्छन्द भैरब धाइपि मनूत दु । आजु छ:या त्यप हाथु छ:या  
त्यप व क्वंचात प्दने मज्यू : गुइ माजु छ:या गा:सुत धायेवें मछु थे जुइ ।  
छगू थ्यासफूतिइ च्वयात गु थथे दु-

“सं ८२८ जेष्ठ शुक्ल: ॥ बको देस, श्री ३ आकाश भैरबया  
म्हुतु नं दुहा वड व कष्टि हानं हाप्व: दयेका व चोड । निवन्हु तिलि व  
स्यमका व पिकया व कुन ध्योश्वरस निन्हु स्वन्हु च्वडा ।” (मेदिनाबल  
नेपाल भाग ४)

छ:या मूर्ति पूज्याये बले पात्र छ्वलाय् पंच मकार थना: पूजा याइ ।  
छ:यात नं मचा बु व्यंका: सिसा पालु नका: जंक्व, चुडाकर्म याना:इहि  
व बारा: तया: मनूतय् तथे कर्म खंकी । छ: छ:थाय् पात्र छ्वला तया: तइगु  
लिइ पंचमकार थना: पूज्याना तइ । मनूत छ:थाय् वया: पात्र छ्वला  
थना: पूजा याइ । छ:या पात्र छ्वला प्वंका: तये मज्यू धका: थना तइ ।

आगमय् थापि स्वनाः हाकु सिहः फयाः चःहे पूजा था पूजा याइ ।  
मनूतय् दि मभिना चवन धायेवं आगमय् था पूजा याकी, आजु अजिमा  
छःथाय् पाथ याकी । थापं यायेगुयात मोहनि स्वनेगु व हाकु सिहः फयेगु-  
यात मोहनि फयेगु धाइ । थापं यानाः हाकु सिहः फयाः आगं छःया पूजा  
यायेगु यात मोहनि पूजा धायेगु छः । मोहनि पूजा याये बलय् हि खुइमाः कित  
चबाहाँ छ्ये छगः सों स्याये माः । १५ द्ये छकः आगंछःया तःजिगु मोहनि  
पूजा याइ । थुगु मोहनिया तःजिगु पूजा याये लच्छि न्ह्यः चथाः कुन्हु  
मोहनि पूजाया सुचं बीगुया ल्याखं वःलि आगं छःयात सहाय् तयाः भव्य् व्व  
छायाः पूज्याइ, भव्य् नइ । मनूत चथाः वलकि मोहनि त्यल, थनि लच्छि  
भानिका धाइ । चथाःयात ची धंगु मोहनि धायेगु याः । चथाः कुन्हु वा वलकि  
मोहनिइ नं वा वइ, मोहनि स्यनी, चथाः बाँलाक माने याये माः धाइ ।

ततःजिगु पूजा यायेत छुं दि न्ह्यः छःथाय् पूजा वनाः सुचं बीगु  
यानाः वइचवंगु दु । ग्वलदेशय् पाहाँचःहेया जात्रा न्ह्यन्हु न्ह्यः बछला  
माजु छःयात “चिपालु छायेगु पूजा”, खवपय् जात्रा न्ह्यः भैलः छःया पूजा,  
थिमिइ बालकुमारी छःया न्ह्यन्हु न्ह्यः “नितं पूजा”, पन्ज्रा, व सम्यक  
न्यायेकेत स्यंगुइ भगवान छःयात ग्वय् दां तयाः पूजा यानाः वइ चवंगु दु ।  
थथे हे गुथि व दे पूजा न्यायेकेत प्यन्हुच्यान्हु न्ह्यः गुथि त्यल धकाः गुथिया  
मनूतय् दे पूजा त्यल धकाः दे पूजा खलः तय्त छेय् व्वनाः सःलहः यानाः  
पूजा छगू छवयाः भव्य् नकी बाय् चिपं थीकी ।

मोहनि पूजा जुइ छन्हु न्ह्यः बःलि छेय् फुक्क सिया छव्य्लाभू  
याइ । छव्य्लाभू द्याये धुन कि पूजा सिमधःतल्ले पिने छेय् नइ मखु ।  
उकि मोहनि बलय् भौमस्त थः छेय् चवनी मखु । थापं कुन्हु थापिलय् खड्ग  
चवयाः खड्गया बालाचवःयात न्हाय्, व प्वःयात म्हुतु यानाः निगः मिखा  
कंका मि ज्वालाया मिखा फुसि याइ । मिखाया दथुइ खड्गया बाला चवः

पिकयाः ज्वाला ज्वाला थिना च्वंगु याइ । छःलिधना च्वंगु अंगल्य् थथेहे  
यानाः खङ्ग च्वयातःगु दइ । थापिल्य् पंच तत्वया अय्लाः, ह्याउँक थ्वे  
व थ्वे थनाः छछा पातय् बाय् सलिख्य् सहाय् ज्वले नापा थ्ये सगं तइ ।  
भिगु इलय् मूलुखा छदुवाःया छगः थापि बाय् मूलुखा व निखेया निपाः  
तिकि झ्याः नापां मूलुखा स्वदुवाया स्वंगः थापि बाय् मूलुखा मूलुखाया  
निखे तिकि झ्याः व निदुवाः लुखा नापां मूलुखा न्यादुवाःया न्यागः थापि  
स्वनाः खङ्गया च्वः च्वय् पाखे व प्वः क्वय् पाखे स्वइगु यानाः खङ्गयात  
दक्षिण स्वकाः लिधंकी । थापि क्वसं धौपति बाय् सिद्धः थनाः चन्द्र ख्वला  
स्वनी । थापं यायेत नाग नागिनी यानाः केरा लपते लाइ बाय् नाग हिना  
च्वंगुया चख्वया पेचा हिनाः तय्माः । चख्वयात कुशया त्वाय् घायेगु याः ।  
मनुतय् थः थः लजगाया ज्याभः, जुजुया कुथिइ ज्या याइपिनि मसि थल,  
पंकलम, भ्वं व सफू स्वनी । जुजु जयस्थिति मल्लया पालय् लाय्कुलिइ  
भारदार पिनि खङ्ग स्वने हःगु गोपालराज बंशाबलिइ उल्लेख यानाः  
तःगु थथे दु-

“सं ५०२ अशुनिशुदि अष्टमीन श्री श्री  
जयस्थिति राज मल्ल देव प्रभु सन  
स्मस्त एकशर भोरो पिनि चोक दुवोड  
खण्ड स्वेएका ... .. ”१

खङ्ग स्वनाः चालं याःगु उल्लेख जुया च्वंगु थ्या सफूत ऐतिहासिक  
प्रमाण त खः । १०

थापिल्य् ह्याउँ तुयुकापतं भुनाः आगंछःयात वसः पुंकी ।  
थापिलिसे खङ्ग धंका तयेगु आगं छःयात ज्वाय् ज्वाय् किंकिपा छुकाः  
तिसा तिकेगु व थापि क्वसं धौपति बाय् चन्द्र ख्वला स्यनेगु चन्द्र सूर्य लुकेइगु  
खः । थुकथं आगं छःयात समाः ज्वलं तयाः बाँलाकाः तान्त्रिक बिधि थापि

पूजा याइ । अले खड्गसिद्धिया मन्त्र साधन यानाः खड्ग पूजा यानाः  
 धौपतिइ पूजा याइ । सलि छगः कयाः उकिइ नीलखं हाः यानाः सिल्लः जाकि  
 तिकाः स्वां छायाः जजंका ववखायेकाः आगं छःया शक्ति साधना यानाः  
 भाग्यानाः मोहनि सिल्लः फयाः पूजा याइ । मनूत मोहनि स्यनिइ, मखुथे जुइ  
 धकाः तःसकं ग्याः । सुयय् सहाय् नयाः बःह्लि कुलया दाजु किजा खलःत  
 फुक्क नापं मुनाः कुल छि (कूछि) भवय् नइ ।

कह्लय् कुन्हु स्याकु त्याकु (बलि बिये) धकाः आगंछःयात बलि पूजा  
 याइ । बाहांयात पूजा यानाः सहाय् नकाः अयलाः व श्वे त्वंकी । जाकि,  
 स्वां सिल्लः व नील कयाः बाहांया छ्यनय् हायेकाः पशु जन्मं मुक्त कयाः  
 छः जुयाः फुक्क सिगु भि याइ धकाः मन्त्र बबनाः ह्नाय्पनय् स्वां पुइ ।  
 पूजाया सफुतिइ चवयातःगु थथे दु-

“देवता बलि रूप स्त्वमेव त्वं प्राप्य हे पशो  
 बिपत्ति नाशय क्षिप्रं सिद्धि रष्टौ प्रयच्छ मे ।”<sup>५</sup>

थवया अर्थ खः बलि रूपय् वयाः छ छः जुह्वाहे पशु बिपत्ति नाश  
 यानाः अष्ट सिद्धि व्यू । बाहां मू हाल कि भयन फाला वनाः फुक्कसिया  
 भि जुइमा धकाः बाहांयात गःकियाः हि खुइ । मोहनि पूजा यायेगु थ्यासफु  
 तिइ मोहनि पूजां त्रिलोकया प्राणीतय् भि जुइगु धया तःगु दु ।  
 “कुमारी पूजा” धयागु छगु थ्या सफु तिइ पातालया प्राणीतय् जल चरि  
 धयातःगु दु । बाहांया छ्ये छःथाय् स्वकाः तयाः छःया पूजा याइ । प्वाय्  
 चिक्क इताः च्याकाः बाहांया छ्येनय् तयाः च्याकी । मतय् पूजा यानाः  
 सहाय् छायाः अयलाः व श्वे लुइ । सहाय् लय् चिला धकाः बाहांया गःपःया  
 ला धेनाः तयाः छाइ ।

स्याकु त्याकु कुन्हु आगं छःयात भोग बिया धकाः थ्यासफुतिइ थथे  
 उल्लेख याना तःगु दु-

“सम्बत ७६४ आश्विन शुक्ल ॥ प्रति पदा कुन्हु  
नवरात्र स्वडा दिन ॥ ध्वयानं खुन्हु यर राजाया  
छय् सिडाव देव कोहा बिज्यातके मदया औ  
श्री ३ तरेजुसकें तवदेव रसं दुगुह्यं १२६  
स्याडा, त्रिशूल संमेशह्यं ४४ स्याक ...”

मेगु छगू ध्यासफुतिइ थथे उत्तेख बु—

“सं. ७६७ आश्विन शुद्धि ॥ पादु कुन्हु  
नवरात्र स्वडा . . . . . अष्टमी कुन्हुया  
रात्रिसं खड्ग स्थापन याडा जुरो ॥  
अष्टमी अन्तर वनका नवमी सं  
भोग बिया . . . . .” (मेदिया भल नेपाल ३ भाग)

आगंछःया कुमारी माजुया पूजा याइ । सुषय् सहाय् ब्वय् चिला  
वालाः तयाः स्याकु त्याकुया सहाय्भू (सहाय् नयाः) यानाः बःल्लि ब्वय्  
नइ । ध्व तः जिगु मोहनिया पूजाय् आगंमय् हिखूह्य बाहाँया छय् छःथाय्  
चाइके माः । छाय् धाःसा पूजा सीमधःनिगुलिं उकुन्हु आगंमय् हिखूह्य  
बाहाँया छय् सीकाःभू याइमखु । सुषय् बाहाँया चिला तयाः सहाय्भू  
यायेगु धयागु सीकाःभूया अङ्ग खः । उकिं सहाय्भू याये बलय् बाहाँया  
चिला तयेमाःगु खः ।

स्वन्हु कुन्हु आगंमय् पूजा यानाः चालं (स्वांक्व काइ) याइ ।  
मोहनि फयातःगु सिह्ललय् बाँलागु लक्षण ब्यनीगु मोहनि सिह्लः ग्यनीगु  
पूजा बाँलागु खः । थकार्लि आगं छःया सिह्लः धोपतिया धोजाकि सिह्लः  
मोहनि फयातःगु हाकु सिह्लः तिनाः बाहाँया हि सिह्लः तिइ, स्वांक्वाः  
ह्याउंक्व क्वखा क्वखाइ । बाहाँया छय् यात छः पुज्याइगुलिं हि सिह्लः तीमाःगु  
खः । मोहनिया सिह्लः तिनाः मोहनि फयातःगु हाकुसिह्लः तिल धायेवं आगं  
छःया देवत्व प्राप्त जुया सिद्धि दइ । थकार्लि छसिकथं फुक्कसित मोहनिया

सिद्धः तिकाः स्वां बी । फुक्कसिनं थापं यानातः गु पंचमकारया ह्ये सगं काइ ।  
 अले थकार्लि आगंछःया खड्ग ज्वनाः “खड्गसिद्धि रस्तु” (मिजुइमा)  
 धकाः फुक्कसित खड्ग भाग्याकी । मिजंत फुक्कसिनं खड्ग ज्वनाः पायाः  
 वइ । लाय्कू छेया आगं छः तःजु माजु छःया पायाः पिहाँवइ । छः छेया  
 पायाः पिहाँ वइबल्य् मनूत आजु अजिमा छःतय् वसतं फिनाः छः जुयाः  
 जिगिजिगि खानाः वयाः थः थःगु लागाय् चाःहिला च्वंगु दु ।

छः प्याखंनय् नासः छः थाय् थापि स्वनाः पूजा यानाः मोहनि सिद्धः  
 फइ । “नृत्येश्वर” धयागु छगु पूजाध्या सफुतिइ “त्रिलोक मोहन” साधन  
 यायेगु च्वयातःगु थथे खः-


“यजमानस्य नृत्यसिद्धि फल लोकसं  
 मोहनी साधन त्रिपुरा सुन्दरी देवी  
 देव्यर्चन बिधौ तत्सर्वं विधि परिपूर्णमस्तु ॥”

पचली आजु छः, लुमरि अजिमा छः, न्यतरू अजिमा छः व मेमेपि  
 आजु अजिमा छःतय् प्याखं पिदनेत छःतय्त नासःछःया मोहनि सिद्धः  
 तिकाः पुज्याइ । छःतय्त खड्ग लःह्लानाः खड्गसिद्धि बीगु खड्ग ज्वनाः  
 छःत जिगिजिगि खानाः पिदनी । अथहे छःया जात्राय् छःखः क्वबियाः  
 जात्रा याना च्वंगु दु ।

पायाः पिहाँ वइगु धयागु सामुहिक रूपय् खड्ग सिद्धि ब्यूवइगु  
 खः । छेय् खड्ग सिद्धि कायेमखंपि मनूत पायाः स्वःवयाः पायाः छःया खड्ग  
 भाग्यानाः खड्ग सिद्धि काइ, थथे खड्ग सिद्धि कायेमाः । छेयंगु लाकां  
 न्ह्यानाः पायाः छःयात थिइ मज्यू पाले यः । मोहनिया चालं यानाः पायाः  
 पिहाँ वयाः धकाः थ्यासफुतिइ उल्लेख याना तःगु थथे दु ।







विजया दशमी टीकाका दिन काठमाडौंमा निस्केको खड्ग  
को एक दृश्य ।

तस्वीर: नारीकाजी पार्जन

“सम्भवत ८०० आश्विन शुक्ल ॥ दशमी .....

चारण याडा जुरो

बिगपूर्व याडा, पायात थहावया जुरो ॥ १

(मेडिया भल नेपाल ३ भाग)

मेगु छगू थ्यासफुतिइ थथे उल्लेख दु-

सं. ८२७ आश्विन शुक्लः ॥ प्रतिपदास

नखरात्र स्वडा धनुलग्नस, तृतिया

वधि थवगुलि दस ॥ सप्तमी घटि

२१ प्रअष्टि वय्काव कुंभलग्नस

खण्ड स्वाडा ।

देव कोहा बिज्याका ॥ नवमी

घटि २६ बेतकाओ दशमी

वय्तुनुं मीन लग्नस चारन

याडा देव थाहा बिज्यातका चन्हस ..... ५

मोहनि पूजा यायेगु थ्यासफुतिइ खड्गसिद्धि भय् नं फाला वनी,  
शत्रु नाश जुयाः भि जुइ धया त.गु दु । छःया जात्रा जुया चवनी बलय् स्वंगु  
लोकं छ त तवकं वयाः खड्गसिद्धि कयाः छःया जात्रा ब प्याखें स्वयाः  
मोह जुया चवनीगु सिउँपिसं धया च्वंगु व उकिया दसित दु । गुं पुर्ल्लिया  
ज्यापु प्याखेंनय् प्याखें म्वःयात नासः छःया मोहनि सिल्लः तिकलं कि नासः  
छःया सिद्धि प्राप्त जुयाः ( नासः छः दुपिउँ वयाः ) नासलं ली । मनूत  
आकर्षण जुयाः प्याखें हुइकिथाय् म्वः म्वः जुइक स्वयाः झुमि यंकूपि थें  
जुयाः चवनी । १०

बःल्लि भवय् नयाः ( सीका भू ) सी काइ । सीभाग नापं सीपु-  
सा घकाः बाहाँया न्ह्यपु टकू टकू यासा तया बी । अले बाहाँया शेष बाकी  
दनीगु छिप ववैय् मुनाः बाता छगलय् तयाः कलं छव्व तयाः कीगः कयाः

पूज्यानाः इता छ्वांय् च्याकाः तयाः कलं गालय् कलं वाइ । कलं गालय् आजु अजिमा छः दइ । खिचातय्के आजु अजिमा छः दुपिनाः कलं वाये हःगु नः वइ । छःथाय् हि खुह् बाहाँया छ्येया सीकाम् यायेगु व कलं वायेगु धायेगु नेवाःतय् थः पहःगु तान्त्रिक मतं मांसाहुति महायज्ञ यायेगु छगूया मेगू अङ्ग खः । लागा लागाया कलं छः व लागाय् लागाय् भि याना चवनी । २५

पचिमलः कुन्हु पचली आजु छःया गालय् पंच मकारया अयलाः व थ्वे थनाः आजु छः क्वे थनाः पूजा याइ । थन क्वःने स्वाःया थकू जुजु खलकं महायज्ञ याइ । महायज्ञय् दुगुचा स्यानाः हि खुयाः ला छ्ये छ्ये फुकक ला दुयाः लिपा छ्ये नापं दुयाः मांसाहुति माहायज्ञ याना च्वंगु दु । पाहांचःहे कुन्हु कंगय् कंग अजिमा छः, लुमरिइ लुमरि अजिमा छःथाय् बाला चःहे कुन्हु लुतिइ लुति अजिमा छःथाय् व मे मे थाय्या आजु अजिमा छःया पूजा यानाः म्ये छ्ये दुयाः मांसाहुति महायज्ञ याइ । थुमि त स्वह्म तःके धयाः जात्रा हे याना च्वंगु दु ।

थथे त तः धंपि तान्त्रिकतस्ये थःगु जुनि दनि बलय् हे ततः धंगु पूजा यानाः तन्त्र मन्त्रया सिद्धि थःगु पंचतत्त्वया भौतिक शरीर त्वःताः बाय् मदयेका छ्वयाः सिद्ध वनाः छः जुयाः त्रिलोकया भि याइ । वंघलय् आजु-छःयात ज्यापु तस्ये इमि आजु धयाः माने यानाः वया च्वंगु दु । इतिहास-कारतस्ये नं आजु छःयात जुजु यलम्बर धया च्वंगु दु । नरलय् महः बताः छःयात ज्यापु ज्यापुनी व इमि मचा छः जुयाः सिद्ध वंगु धाइ । पचली आजु छःयात मल्ल खलःतय् पूर्खाया आजु धका डा. कमल प्रकाश मल्लं च्वया दीगु दु । बन्धुदत्त आचार्य, जुजु नरेन्द्रदेव व ललित ज्यापुपि थः थःगु मन्त्रसिद्धि बुँछःयाके दुबिना वंगू बुँछःया बंशाबलिइ च्वया तःगु दु । बिज्यासः छःयात मखं छेय् छः बाज्या पिनि म्हाय् मचा धकाः हना च्वंगु दु । मनूत मभि जुइन धकाः छः छःथाय् पूज्या वइ छःया

हिउ बइ, छः भाग्या बइ ।

स्वन्तिइ लक्ष्मि छः पूजा यायेगु धयागु मोहनि पूजाया अङ्ग खः ।  
धुकुतिइ लक्ष्मिपाः तिकाः पूजा याइ । लक्ष्मि छः पाः छगू प्रकारया धकि  
खः । आगंमय् आगं छः या प्रतीक स्वरूपया धकि च्वयाः अंगलय् तयातइ ।  
लक्ष्मिपातय् कलशया काउलि तयाः लक्ष्मिछःयात ज्वला न्हाय्क व सिह्लः  
मू ज्वंकाः भोमचा छ्यै व्वछुनाः जुइगु शिरशोभा बाँलाःका च्वैथे यानाः  
च्वयाः छयाः, बेताः व कुबेरयात गण यानातइ । ज्वालाह्वायक व सिह्लःमू  
ज्वंसा याह्य लक्ष्मि छः गृहलक्ष्मि (आगं छः) खः ।

स्वन्तिबले फुककसित ह्यः पूजा यानाः छ्यै सगं बिइमाः । मूलुखा,  
लुखा व इयाः व्वय् मन्दः च्वयाः पूज्याइ । आगंमय् आगंछःयात ह्य पूजा  
याइ । आगं खलःत आगंछःया छःमयजु (कुमारी) या म्हपूजा याःवइ ।  
गृह लक्ष्मिया स्वरूप छै छ्खां पात्चाय् मत तया ज्वाला ज्वाला थीक च्याकाः  
मोहनिबलय् आगं छः पूज्यानाः मोहनि बलय् हिखूम्ह बाहुँया ला तयाः  
पंचमकार स्वनाः लक्ष्मि छः या पूजा यानाः ह्यपूजा दाइ, छ्यै सगं बिइ ।  
फयां अले फक्क वक्क भव्यज्वलंया घासाता, मरिता लाओ लावः, ओ, न्या,  
छ्यै, छ्वय्ला, अय्ला व थ्वै तयाः व्व छाइ ।

आगंछःयात ह्यपूजा मजायेकं सुयां ह्यपूजा याइ मखु । आगं छः या  
चापूजा जुइगु जुयाः बःह्लि ह्यपूजा यानाः जानये मज्जू धयाः फुककसिया  
भव्य नइ । मोहनिया स्वां बिइमानिपि सुं दनिसा लक्ष्मिछःया स्वां नापा  
बिइ । मोहनिया स्वां स्वन्तितक बिइ ज्यू, कायेज्यू । मनूतय् स्वन्तिया  
नखत्या व्वनाः म्हाय् मस्त, भिना मस्त व जिलाजै पित्त लक्ष्मि छः या  
स्वां मव्यू तल्ले मोहनि सीमधःनि धया च्वनी ।

मि ह्वाना ह्वाना छ्वयाः दना चङ्गु बुट्टाया मूलुखा खड्गया रूप्य  
अजिमा छः तयातःगु छःया तोलं खः । मूलुखाय् अजिमा छः तयाः निछे

मिं मलःयात नाग बिलि कया म्ये च्वाल्ल लुइकाः तइगु छःया मूलुखाय्  
लुखाय् व तिकि इयाः इयाःया च्वय् खीपा तयातइ । तोल्लेनय् स्वयाः छः  
ह्यसीकेगु खः । मिस्त सुथल्लापां दनाः छे छखां वसिबे पुनाः मूलुखा  
क्वय् पुइ । मूलुखा क्वय् ह्याउंके सौचां बे इलाः न्ह्यःने भ्यलु पाः  
छःथाय् इली । ख्वाः सिलाः सुनां मथीक लः कयाः वयाः मूलुखा फुसय्  
छ्वाकाः (छःयात ख्वाः सिकाः) दुहाँ वनी । पूजा तयाः ज्वनावयाः  
मूलुखाय् सिल्लः तिकाः पुजा यानाः न्ह्यःने भ्यलु पाः छःयात पुज्याइ । आगं  
छःयात पुमज्याक पिने गनं छःयाके वने मज्यु धाइ । आगं छः तःधंहा छःखः  
फुक्कस्यां माने याइ ।

जा बुकाः ह्यापालाक्क थकयाः आगंछःयात भौवालं पल्लिइ  
तइ । नखःचखल्य ज्वरे जुक्व घासा त थकयाः आगं ब्व तइ । आगं छःयात  
लाःलाःथे याये मज्यु, आगं छःनं ज्वनी । मनूतय् छुं नयेत आगं छःयात ब्ये  
छाइ, लः जकं त्वनेत नं ब्ये लः हायेकी । गुथि न्यायेकि बल्य नं छे ब्व  
व घः ब्व तइ । घलय् लः जायेकाः तयाः घःब्व न्ह्यः च्याकाः तइ । घः ब्व  
धकाः माय् केलीगु घःयात नं न्ह्य च्याके गु याः । माय्केलीगु घःयात  
छेया भुज्या नाग नागिनी भाः पियातःगु दु । बं छःया घःमालय् हिति मंगः  
यानाः आजु छः पाः तयातइ । घःमा धयागु नाग यानाः छःयात बासा  
लाया तःगु खः ।

निभाः बित कि भौवालं छःयात मत बिचाः दलूचाय् तइ । मनूत  
दयं वनेत, सुथय् लासां दनाः वयेत आगंछः देगुछः, गुईंमाजु छः, तःजु  
माजु छः, आजु अजिमा छःतय् नां कयाः ब्ये थियाः भाग्याइ ।

मूलुखाय् पुज्यायेगु छगु आगंछःया पुजा यायेगु खः । मनूतय्  
आगं छेया मूलुखाय् आगं छःयात पूज्यानाः वंगु दु । अथे हे मनूत पिने  
गनं छःयाके वनि बल्य छःया लुखा मचाःसा लुखाय्सं छःयात पुजा यानाः  
भाग्यानाः वनी । गुलि ला छःथाय् छे दुने दुहाँ मवेसे छःया

लुखाय् कीगः निगलं पूज्यानाः भाग्यानाः वनी । मनूत मूलुखा भाग्यानाः  
 दुहाँ पिहाँ जुइ । मूलुखा भाग्यानाः जुइगुया अभिप्राय पिने छुं अप्रिय  
 दुर्घटना मजुइमा धकाः खः । मूलुखा भाग्यानाः जुइगु भिँ ।



## देमिया छे

देधयागु देमि फुक्कसिया बास यायेगु छे खः । नेपाः देया न्हगु मूशहर  
 कान्तिपुर महानगर खः । बंशाबलिइ चवयातः कथं जुजु गुणकाम देवं आगं  
 छः मालक्ष्मी अजिमा छः माने यानाः नेपाः देशय् फुक्कसिया भिँ जुइगु या  
 लागि मां लक्ष्मी अजिमा छः या खड्ग आकार वयेकाः कान्तिपुर महानगर  
 नां छुनाः ये दे छ्यागु खः । ये दे यात खड्ग आकार वयेकेत थन पचली  
 आजु छः यात जगे याना खड्गया निखे धारय् (बिस्तार रेखाय) पाक्व  
 अजिमा, लुमरि अजिमा, फिक्व अजिमा, नै अजिमा, कंग अजिमा, लुति  
 अजिमा, साह्या अजिमा व चन्द्रलखु अजिमा छः त स्वंगु खः ।<sup>१८</sup>

कान्तिपुर महानगर (खड्ग) नेपाः देशय् दक्षिण स्वकाः छ्याना तः गु  
 दु । कान्तिपुर महानगर ये देया क्वय् (खड्गया प्वः दिना च्वंगु) पाखे क्वः  
 ने व च्वय् (खड्गया च्वः) पाखे थः ने धया च्वंगु दु । आगं छः मां लक्ष्मी  
 अजिमा छः या खड्ग ज्वाला ज्वाला थिना च्वंगुया बंशाबलिइ आगं छः या  
 लक्ष्मि अजिमा छः यात कान्तीश्वरी धकाः ये देया नां छुत । कान्तीश्वरी  
 धाः गुया अर्थ भिया ज्वाला पिहाँ वया च्वंह्य अजिमा छः खः ।

पचली आजुद्यःयात दथुइ लाकाः छे पाखे नं अजिमा व मेखे पाखे फिन्व अजिमा स्वना तःगु धायेगु पचली आजु द्यः मूलुखा व अले निखेया अजिमा द्यःत छपाः छपाःया निपाः तिकि इयाः जुया नेपाः दे स्वपाः इयाःया देमित बास याना च्वंगु छें जुइ । अथे हे पचली आजु द्यःया हे आधार कयाः अनं चवय् स्वयाः वने बलय् दथुइ पचली आजु द्यः मांतिकि इयाः व निखेया तिकि इयाःत कंग ( कंगमति ) अजिमा व लुमरि अजिमा द्यः जुल । थनं चवय् पचली आजु द्यःया हे आधार कयाः छे स्वय् बलय् लुति अजिमा मेखे स्वय् बलय् पाक्व ( पासिक्व ) अजिमा धायेगु पचली आजु द्यः स्वपाः बाय् न्यापाः इयाः ह्वानाःया छपाः सें इयाः व अले निखेया अजिमा द्यःत छपाः छपाःया निपाः न्हाय्कं इयाः (याक. इयाः) जुयाः स्वपाः इयाः जुल । थथे हे थनं चवय् पचली आजु द्यः यात कयाः निखे पाखे स्वये बलय् ल्यें दनि पि चन्द्र लखु अजिमा ( राजदरबार दुने दुह्य ) व साह्याः अजिमा ( थबहि अजिमा ) द्यःत बंगलय् छें कव स्वकवः जुयाः नेपाः दे तान्त्रिकतां जाया च्वंगु देमिया छें न्यात जाःया भाव खः । आजु अजिमा द्यःया किपा मि ह्वाना ह्वाना छ्वयाः दना च्वंगु फसें छे पुया च्वनी । थथे जुयाः कान्तिपुर महानगर नामं न्हूदे छ्यायेत च्याह्य अजिमा द्यःत स्वने माःगु खः । आजु अजिमा द्यःत खुसि स्थित्य् स्वनाः ख्याः, कर्वः, बेताः व बेंय्लुइह्य (नाग) गण याना तःगु दु । थुपि च्याह्य अजिमा द्यःत तःकेहे खः ।

नेपाः कुमारीया दे खः । थुज्वःगु धापू न्यना तयागु दु, ह्वापा देशय् छुं सङ्कट जुल धाःसा आगंमय् कुमारी माजुयाके जुजुपि सल्लाः याःवनी ह । नेपाः कुमारीया राज्य जुयाः जुजु व प्रजापिसं आगं द्यःयात राज्येश्वरी “राजदेवी” व “मानेश्वरी” धया मानेयाना वइ च्वंगु दु । “कुब्जिका देवी” धयागु पूजा थ्यासफुतिइ आगं द्यःयात मानेश्वरी धया तःगु व मखंत्वालय् थकूलवःतय् आगं द्यः ताना बाहाःलय् लिच्छिविकालया अभिलेखय् थथे उल्लेख जुया च्वंगु दुः-

१. .... आषाढ कृष्ण सप्तम्याम् ...
२. राज परमेश्वर श्रीमान् देव राज्ये । ...
३. ....
४. .... २४

लाय्कुलिइ मोहन चुकय् जुजु प्रताप मल्लजुया सुवर्ण पत्रया अग्नि-  
लेखय् तःजुमाज् छःयात धया तःगु थथे दुः-

॥ॐ स्वस्ति ॥ राजराजेश्वरी देवता  
श्री श्री श्री तलेजुस प्रसादन नेपाल  
भूपाल चूडामणि रविकुल तिलक  
महाराजधिराज श्री श्री जय प्रताप मल्ल  
प्रभू..... समस्त यसफल राकजुरो ॥  
श्रेयोऽस्तु सम्बत ७६६ फाल्गुण  
वदि ७ ॥ शुभ ॥ १

देशं आगं छःयात मानेयानाः दैयदसं थः थः आगं खलःया कुमारी  
माजुया जात्रा याना वइच्चंगु दु । थकूलवःतय् आगं तानाबाहाःछःछेया  
कुमारी माजुयात पाहांच-हेया कन्हय् मलःजा नकी कुन्हु खतय् तयाः कवबिया  
वतु त्वालं यंकाः दुगं बही, लाय्कूया लेंजुयाः चाःहिकीगु परंपरा दुगु  
तानाबाहाः छःया नित्य पूजा याना च्वनादीह्य बेखानारां श्रेष्ठ नापा खेल्हा बल्हा  
जुबलय् वय्कलं थ्व खे कना दिल । तानाबाहाः छःयात लाय्कूया तःजु माजु  
या तता धाइ । आगं खलःत थः थःगु आगं छेय् वनाः कुमारी माजुया  
ह्लातिं सिल्लः फइ । लाय्कूया कुमारी माजु यात राष्ट्रिय रूप्य माने यानाः  
येय् जात्रा यानाः जुजुं कुमारी माजु यात लुंदां तयाः सिल्लः फइ । कुमारी  
माजुया ह्लातं सिल्लः फयेमाः ।


प्रजातन्त्र वये न्ह्यः तक्कं नानिचायाः कुन्हु एन कुमारी छेकवय्  
गद्दी बैथक न्ह्यःने थिइ मज्युगु दबुलिइ जुजुया सिंहासन तइगु परंपरा वृगु



खः । कुमारी माजुं सिहः मतिकीगु भिमजुइगु मनूतसेय् घया वइच्चंगु व  
 स्यूगु खे खः । कुमारी माजुं जुजु जय प्रकाश मल्ल जुया भोग फूगु बचं बिसैलि  
 कुमारी माजुयात खतय् तयाः सालाः जात्रा याये धकाः क्षमायाचना या.गु  
 जुयाः मेगु झिनिदे राज याःगु देवमाला वंशाबलिइ चवया तःगु दु । जुजु जय  
 प्रकाश मल्ल जुं आगंछः कुमारी माजुयात माने यानाः ८७३ य् कुमारी  
 माजुया नामं “ध्री कुमारी” धकाः व “श्री ३ तलेजु माजु श्रीश्रीध्री कुमारी  
 माजु नेपालेस्वर धकाः वहया दां पिकाःगु “द कुमारी अफ काठमाण्डु”  
 या सफुतिइ उल्लेख याना तःगु व उकिया फोटोत मल्ल क्वाइन्सया सफुतिइ  
 छापय् जुया च्वंगु दु ।<sup>१५</sup> छुंदे न्ह्यः कुमारी माजुया हुलाक टिकट व ख्वना  
 स्वपुयाः हुलाक टिकट छापय् यानाः प्रचलनय् हल ।

छे दुने फुककसिगु सुरक्षा जुइ, धाइ नापां “मनूत पिने ग्यानाः छेय्  
 दुर्हाबइ छेनं ग्यानाः गनवनी ।” कान्तिपुर महानगरं (काठमाण्डु राजधानी)  
 नेपाः देशय् च्वेपि फुककसिगु सुरक्षा याना च्वनी । नेपाः देया सुरक्षाया  
 सांगि देया रूप मानेयाना वइच्चैह्य पचली आजुछः व देयारूप यानाः स्वना  
 तःपि, लुमरी अजिमाछः झिनिदेय् झिनिदेय् छकः छकः मोहनीया चालं कुन्हु  
 छःगालं भोछि छःत नापां दनाः छःप्याखें पिदनाः खड्गसिद्धि ब्यूबइ ।  
 लाय्कूलि कुह्यः<sup>१६</sup> प्याखें हुइकाः न्ह्यः न्ह्यः तयाः तःजु पायाः पिहाँ वयाः  
 जुजु मरुइ भुतिसलय् लाय्कू धवाखाया भैलःआजु छःथाय् पचली आजुछः,  
 मखेत्वालय् सिंदुवालय् लुमरि अजिमाछः धवदुयाः खड्ग हलिइ । पचली  
 आजु व लुमरी अजिमाछः नापा खड्ग हिलीगु प्यदे प्यदे पाइ । थथे जुजुं  
 पचली आजुछः व लुमरि अजिमाछःया खड्ग नापा खड्ग हिलाः खड्गसिद्धि  
 कयाः नेपाःदेया सुरक्षा यानाः फुककसिगु भि व कल्याण याना च्वनी ।

आजु अजिमा छःत देशय् चाःहिलाः प्याखें हुइ । आजु अजिमा  
 छः व खड्ग हीकाः प्याखें हुयाः दैत्य क्वः थलाः त्रिभुवनय् फुककसिगु रक्षा  
 यागु कथेनी ।




- १) पाकस्थ अखिया ६ लुमो अखिया
- २) पिपल " ६ लुमो " "
- ३) का " ६ लुमो " "
- ४) बासना " ६ लुमो " "
- ५) पटली आन्



१.६.६६ श्री ५ बाट श्रीभद्रकालीसँग धार्मिक विधिपूर्वक खड्ग साट्यसाट गरिबक्सदे।

तस्वीर: गोरखाफ



श्री ५ महाराजाधिराज सरकार पक्षी बेरवको खड्गसित भोसूफ सरकारको खड्ग साटिबक्सदे।

२०११.११.१६ गते (१६) २०११.१२.३१

तस्वीर - गोरखापत्र सं

धर्मशास्त्र कथं अतः स्वर्गत्य बास याइ । धर्मात्मात सितकि स्वर्ग-  
तय बास याइ, पापित सितकि नर्कय वनी धाइ । धर्मात्मात स्वर्गतय सुख  
भोगय याना चवंगु व पापितयत्त नर्कय यंकाः शासना याइगु पूजा पद्धतिइ  
चवया व चित्रण यानाः केनातःगु दु । धार्थे धायेमाल धाःसा नेवाःतय  
ह्लाइगु भाय नेपाल भाषाय "धर्म व पाप" धयागु खेग्वःहे मरु । थ्व खे-  
ग्वःला संस्कृत भाय यागु खः । नेवाःतय धयाचवनी "मनूजन्म कयाः छे दनाः  
चवनेमाः सी बलय बास मदइ ।" मनूतय छे एकूसां दनाः व कुल छे  
घकाः चवनी । अथेहे न्हयगू धरातलचवय ब्रह्मलोक दु धाइ, अतः पलखं  
ब्रह्मलोकं पृथ्वीलोक व पृथ्वीलोकं ब्रह्मलोक जुइ धाइ । थुनिया ल्याः मनूतय  
छेय न्हय त्वाथःया तस्वाः स्वाहनय छुनाः थाहां कुहां जुइ ।

मचाबुकें निसें कयाः सिकेगु तकं थःगु छेय याइ । माः माः बलय  
माः माःपि सः स्थूपि दिदि अजिपि निसे कया सिकय माःपि ग्वंत, त्वाःजं  
तकं फुक्क थःगु छगूहे नेवाः जातय दु । मां बौनं थः मचाखाचायात मखुगु  
मत्यःगु याके बिइमखु, भिगु लें कयेंना चवनी । जःला खःला फुक्क थःहे  
भापिइ । मनूत थःगु छेय सीगु मतिइ तइ । थःगु छेय सीखनिगु तःधंगु  
भाग्य तायेकी । अन्त्य अबस्थाय छेरिइ कवत यंकी, गुलिस्थां तलय थतयंकाः  
बैंगलय तयाः सिकी । तलय कुने न्ह्याथाय सिकूसां थःगु छेय सिकेगु भि,  
थ्वस्वयाः मेगु छुं मरु । घाटय सिके माःपिनि जक फलचाय चवनाः आजु  
अजिमा अथाय खुसि सिथय तयाः सिकी ।

सीह्यायसिया छ्येफुसय व तुतिक्वय सलिचाय मत च्याकाः तयाः  
सीह्याय सिया अङ्ग यानाः कयेंना तइ । गुथिया आजु अजिमाद्यः पुज्याना  
तइगु तासया अवं सीह्यायसित ज्वाला ज्वाला थीक फायेकी । ह्यापा लिपा  
सलिचाय मत च्याकी मखु । छ्येफुसय व तुति क्वय मत यानाः द्येने  
मत्यः । छ्येनं निसे तुति क्वय थ्यंकां गां त्वपुयाः द्येन धायेवें सीह्याथे छु  
याना द्यंगु धाइ । स्वाहनय न्हय पौया न्हय त्वाथःया कुताः दयेकाः सीह्याय

सित तयाः गुधियार प्यह्य प्यखे चवनाः कवबियाः सीबाजं थाकाः सिथं यंकी ।  
 खुसि छिनाः पारिइ यंकाः दिपय् तयाः पूजाया बिधि जुइ । सीह्याय् सिया अङ्ग  
 (तेज) यानाः च्याका तइगु मतं पाखाकं थनातः गु मियागु मिं तयेकाः सी उनाः  
 भौतिक शरीर मदयेका छवइ । सी उइगु धयागु मांसाहुति महायज्ञ खः ।  
 ग्वंतसय् महायज्ञ कुण्डं नौ मुनाः सिह्याय् सियु ह्य ज्यानाः वयात छः याना  
 इमि बिधि पुज्याकाः खुसिइ चुइके बी । ग्व धयापिं देवत्वया तान्त्रिकसिद्धि  
 दुपि संस्कारया महान् पुरोहित खः ।

गुपुल्लिया सायाः कुन्हु सा छवइपिनि सीपि मनूत साया ह्लिपं चवनाः  
 वंतरिणी खुसि तरेजुया स्वर्ग वनीगु बिश्वास याना चवनी । सा याना छवइ  
 पिन्त देशय् चाहीका हयाः सीपि वंतरिणी तरे जुयाः स्वर्गतय् वंगू भावं  
 सायात तुति यानाः चिकाः छवइगु जनीया चवः चवः पिछालखुइ बाता  
 छगलय् लः तयाः उकिइ थुनाः छेय् बुकया चवंगु दु । १०

मनूत सिनाः वेंसा नं इपि फुक्क नापा पारिवारिक जीवन हनातुं  
 चवनी । खवाः सिला सीपिनि नामं लः बी (खवाःसिकी) जा बुतकि आगं  
 थकायेगु धकाः ह्यापालाक्क जाभाग थकयाः सीपिन्त तइ । नखः खखः बलय्  
 ज्वरे जुक्क घासा त थकयाः आगं ब्व धकाः सीपिन्त भवय् भाग तइ । चच्छि  
 चाइकाः त्वाःजं यात बी । त्वाःजं धइह्य त्वाःया जः आजु अजि खः ।  
 तान्त्रिकसिद्धि दुपि त्वा जं संस्कारया महान् पुरोहित खः । सीपिन्त लाः  
 लाःथे याये मज्यू । छुं जुलघायेवं कयें वं थाय् सीकं ज्वन भाग छभाग तया  
 ब्यू धयाहइ ।

थः थः आगं खलःत ढगु हे ला हि खः । काल बिल यायेत छु आगं  
 खलःया मनूत धकाः न्यनी । थः आगं खलकय् सत्तिक स्वानाछवपि लिसे  
 काल बिल याये मज्यू, याइमखु । आगं छःया प्रतीक छयः छयलय् देगुछःया  
 गंछःत दु । देगुछः धकाः गुलिस्या किंकिपा गुलिस्या गंछः थकालिया छेय्  
 तयाः ह्लि ह्लि पुज्याना तइ । जुजुपिनि देगुछः देगुतरे माजुछः खः ।

सन्तान मन्त धायेवं कुल ह्मनाः कीर्ति तनाधनी धकाः मनूत तःसकं  
 ग्याः, उकिं पुर्खाया आजु अजिमापिसं थः थःगु आगं खलःतय् कीर्तिथा लांगि  
 आगंछः पुज्यानाः देपूजा न्यायेकाः नयेत गाक्क वा दुहां वइगु बुँ आगं छःया  
 नामय् गुप्ति तयाः देगु छःया छयः छयलय् सतः दयेकाः व नापं ल्वहंहिति, तुं  
 बाय् बुँगाः म्हुयाः लःया व्यवस्था याना तःगु बु । आगंछेँ, छःछेँ, सतः,  
 फल्चा, ल्वहंहिति, बुँगा व तुंया दैय्दैय् बुसाधं याइ । सन्तान मरुपिसं थः  
 निमतिपू यागू व थः मां, बौ आजु अजिमा पिनिगु नामं देपूजा यानाः नयेत  
 छेँ, बुँ, दुगु सम्पति आगंछःया नामं तयाः, गुलिस्यां थःपिनि मदये धुंकूपि  
 सुयां नामं देपूजा यानाः बिइत फु चाःगु द्वः बद्धः दां तयाः कीर्ति तयाः  
 ब्यूगु व तयाबिया चवनी ।

वैय्दसं आगं खलः (देपूजा खलः) तय् बुंगछः रथय् तइ कुन्हु निसें  
 सितिनखः छन्हु न्ह्यः तक्क लच्छिया दुने छकः देपूजा व मोहनि न्ह्यः छकः  
 नंछा देपूजा न्यायेकाः देगुछःयात छयलय् यंकाः थः थःगु देगुछःथाय् तयाः  
 पुरोहित आचाःजु जोशी बाय् गुभाःजु तयाः पुज्याकी, आचाःजु, जोशी व  
 गुभाःजु थापं यानाः धौपति स्वनाः मोहनि सिल्लः फयाः देपूजा खलःतय्  
 कुलय् सिनावेपि मनूत फुक्कसिगु नां किथाः देगु छःया पूजा यानाः दुगु  
 स्याइ । आगं खलःतय् कुलय् सिनावेपि मनूत यक्क दयाः इमिगु पूजा  
 ताहाकइगु जुयाः दैय् निकः देपूजा न्यायेकाः प्त्रन्हु न्यान्हु पूजा याये  
 माला चवनी ।

देपूजा खलःतय् सुयां मस्तय् बुस्का यात, कय्ता बिल, बरेछुत बाय्  
 काय्थात व्याहायात धाःसा मस्तय् व न्ह्यः भौमचायात देगुलि दुकाये माः ।  
 लसकुस थानाः दुकायाः काय्मस्तय् किसलि व भौमचायात ह्वंकू बलय् आगं  
 छःयात श्वय् भाग तयेकातःगु बियाः देगु छःयात छाकाः भाग्याकाः पूजाकाः  
 देगुली थ्याकी । देगुलि दुमकायेकं दाजुकिजापिसं सिकय् वुक्ये थ्याकी  
 मखु । फुक्कसित नापं तया देगुछःयात कीगः तंकी । यजमान फुक्कसित

छःया धौजाकि सिह्लः व मोहनि सिह्लः तिकाः सन्तान बृद्धि जुयाः कुसया  
 कीर्ति तयेफयेक, भयनं फाला वनाः भि जुइक धकाः सुवाः जियाः देगु  
 छःया स्वां बी । ‘‘देपूजा बिधि’’ छयागु पूजा थ्यासफुतिइ<sup>५</sup> देपूजा यायेगु  
 व देगुलि दुकायेगु बिधि च्वया तःगु दु । जयस्थिति मल्लया काय् युबराज  
 धर्मदेवया ब्याहा यानाः देगुलिइ दुकाःगु गोपालराज वंशावलिइ च्वया  
 तःगु थथे दु-<sup>६</sup>

‘‘संभवत ५०३ ... .. समछल नवु व  
 चतलाथो व तिरा खचा श्री श्री  
 धम्मल देवसं विवाह ॥  
 गुन्हुलि व दे धुरि पूजाविज्याड ।’’<sup>७</sup>

थथे हे जुजु जय प्रकाश मल्लं ब्याहा यानाः देगुलि दुकाःगु  
 थथे उल्लेख जुया च्वंगु थ्यासफु दु-

सं ८५३ फाल्गुन कृष्ण द्वितीया  
 कुन्हु जय प्रकाशया परत यिहियात  
 केयात पिथिपूजा ... .. थनलि मूल  
 चुकस अग्नि स्थापनायात ... ..  
 पेन्हु कुन्हु होम वेला सोयं अलिङ्ग्य  
 यिनाय लिते ॥ ॥ षुन्हु कुन्हु  
 देगु तलि पूजा ॥’’<sup>८</sup>

(पूर्णिमा ३ वर्ष, ४ अंक ३८-३९ पृ.)

सिकःमि नायः, दकमि नायः, अवाः नायः व ज्यामि नायःत आखः  
 ब्वनाः देश बिदेश वनाः ज्यासयेकाः सीकाः वया च्वंपि मखु, थः वौ बाज्यापि  
 नापा ज्याय् च्वनाः सयेकाः सीकाः ज्या याना च्वंपिहे जक खः । सिकःमि  
 दाजुपि सिमुगः छगः, सित्वाकः, कःति, बसिला, रण्डा, हं, चिकथि

चिक्काः ज्याभःया भरे सिया ज्या याइ, गनं छथाय् छुं त्यं धयागु मरु ।  
 दकःमि दाजुपि म्हासुचाय् मांचिकं अर्प्पा थुनाः अंगः दनी । चाभू सी मरु  
 अंगः दनाः काछपु छुनाः स्वयाः चुपिचां अर्पाय् त्वा त्वा दायाः गंचा घानाः  
 स्थयाः छे दनी, गन अंगः द्यवः गनं अर्प्पा छपाजक पिहाँ वः दुहाँ वं  
 धयागु मरु । अंगः दनातइगु यचुसे पिचूसे च्वनाः बाँलाः । अवाः  
 दाजुपिसं ज्याभःहे म्वायेक पल्लि ची । पल्लि चीगु आंय्पा भू इवः इवः  
 लानाः गनं आंय्पा छपाः दुहाँ पिहाँ वयाः पी जवः धयागु मरु । ज्यामि  
 दाजुपि कूछपु ज्वनाः चाय् पालाः संकाः न्हुतुन्हयाः ध्यो थें च्वंकाः न्हाइ ।  
 चा ग्वारा चिनाः अर्प्पा, चा, व सिं बीगु ज्या याइ । तिकःमि दाजु, दकःमि  
 दाजु व अवाः दाजुपिनि ल्हा. दीमाः धयागु मरु, ज्या च्वः, ज्यामजु धयागु  
 मरु ।

नया नामं नकि छपुजक हे गनं मताःसे सिं, चा व अर्प्पां अर्पाय् अर्पाय्  
 खागु छे दनी । छेत तन्नयुक्त जुयाः तःसकं बः लाः बाँलाः जुगजुगं छुं  
 मजु । चुक, बाहाः बहिलिइ लाछिइ लाछिइ चिकं अर्प्पां सिया तइ । मनूत  
 बाहाः, बहिलिइ व चुकय् चुकय् निभाः पाः वइ, वा पाः वइ । मनूतय् छेय्  
 निभाःपं फय्पं, वर्षा छे व्वाः, चिकुलां खार्जे धयागु मरु, लाकां न्ह्यानाः  
 बेय् पलातये म्वाः । मनूतय् छेय् तुं दु, लागाय् लागाय् त्वहं हिति व पुखुया  
 व्यवस्था दु । ती निभालय् व निभाः बीगु ह्यार्जे निभाःया इलय् सुं पिहाँ  
 वनी मखु । मनूत निभाः स्वयाः ई सीकी, पल्लिइ आंय्पा भू मन्त धाये  
 वं जाथू वनेत्यल धाइ । चाल्हाय् ग्वंगः हाःगु ई स्वयाः सुथय् जुल वनेत्यल  
 धकाः लासां दना वइ ।

अन्तर्राष्ट्रिय् थपल्य् हे नेवाःतय् छेया विशेषकथं महत्त्वपूर्णगु बस्तु  
 जुया च्वंगु दु । भाषानिभाः स्व. प्रेमबहादुर कसाःजुं “जिमिगु नेपाया  
 तान्त्रिक छः व तान्त्रिक पूजा” नांयागु सफुतिइ भूमिकाय् थथे च्वयादीगु  
 दु— “पामोडा शैलीयागु देगः व संझ्याः वुगु छेयात कयाः बास्तुकलाया



बिचार माना: स्वत धा:सा मगुने सम १९८३ या सितम्बर महिनाय् पश्चिम जर्मनीया म्यूनिक शहरया प्रदर्शनी जू बलय् नेपाया निम्ति श्वहे पंगोडा शैली यागु छे निर्माण जुल । मेमेपिनिनं थ: थ:गु देया कक्षाया निम्ति थ: थ:पिनिगु पहयागु छे दयेकूसां प्रदर्शनी ब्यचायेवं फुक्क थुना छवत । तर नेपा:यागु पंगोडा शैली यागु छे विशेष कला जा:गु सुयागु नापा जोमलागु जूगुलि बयात त्यकाहे तयेगु खं अनयागु नगर सभासदं कोछित, प्रदर्शनीया आयोजक याके धेवा पुला: न्याना: उकिया संरक्षण यानातल । अथेहे स्वीजर लैण्डया जूरिख् जूगु प्रदर्शनीइ नं “नेवारछोक” धका: नेवा:तय्गु चुक थें दयेका: ब्या त:गु हे दकलय् आकर्षकगु बस्तु जुल । जापानय् थोकेहे गु गु “एक्स पो-८५” प्रदर्शन जुया चवन अकि उकियागु नेपाल कक्ष दयेकेत व छायेपेत नेपालं निसे कालीगरत व कलाकारत वंगु दु । श्व गुम्बापह: वडगुलि मेमेगु देशय् यागु स्वया: अक्षय पाइ धयागु विश्वास दु । थुकथं नेपा:यागु बास्तुकला खनीबलय् विदेशीतय्सं विशेष याना: यूरोपी कलाविदतय्सं न्हूगु संसारय् ब्याचवना थें तायेकल धा:सा छुं अद्भुत मखु । अथेहे जुया: जुइसा: नेपाली पमा बयनेत श्री ५ या सरकारनं न्हू छे दयेके बलय् पंगोडा शैली बयेक पो तयेमा: धका: नियन दयेका ब्यूगु” ।

थथे हे गुगुं नं बिश्वमेला व बिश्वप्रदर्शनीइ नेपालं नेवा: शैलीया कला प्रदर्शन या:गु कक्षाय् लखे लख मनुखं अवलोकन या:गु पत्र पत्रिकाय् बवने ब्या चवंगु, नेपाल रेडियोनं खबर ब्यूगु न्यने दया चवंगु व नेपाल टि.भिइ फुक्कस्यां स्वथे दया चवंगु दु । लिपा लिपा जुइगु बिश्व मेला व प्रदर्शनिइ नं नेवा:तय्गु संस्कृति व कलाया बिशेष कथं स्थान दया चवनीगु नेपा: देया गौरबया खे ख ।

नेवा:छेत संस्कृति व कला जाया: तत:सकं बाबाला:, देयात शोभा ब्यू । छे निर्माण यायेगु शैलिइ नेवा:तय् मे मेगू लिइ थे थ:पह:गु हे

समोविज्ञान व सभ्यताया तःघंगु बिकास जुया च्वंगु दु । माचिकं अप्पाया  
 छेत अति आषर्षक, अति प्रशंसनीय, अद्वितीय, ऐतिहासिक पुरातात्विक  
 महत्त्वया वस्तु राष्ट्रिय व अन्तर्राष्ट्रिय सम्पदा खः । बिदेशीत नेवाः छेत  
 खनाः अजु चायाः म्ये वा न्याइ, संस्कृतिइ व कताय् दुसुला च्वंगु नेवाःतय्  
 तान्त्रिक भाव सीकेत, थुइकेत कुतः याइ, अनुसन्धान याइ । बिश्वय् नेपालं  
 न्हाय् तये दयाच्वंगु देया पर्यटन उद्योगया बिकास व देया सर्वाङ्गीण  
 बिकासया लागि बिदेशी मुद्रा आर्जन यायेगु तःघंगु आम्बानीया भोत हे  
 नेवाः संस्कृति खः ।





## तिबः सफू व चवसुत

- १) नेपाल भाषा साहित्यया जातः— कविवर चित्रधर “हृदय”
- २) कान्तिपुर च्वसुः— कान्तिपुर, सुरेन्द्र मान श्रेष्ठ, बलदेव जुजु  
मोहनिया कुत्तः प्याखँ— इनाप - दँ ७, ल्याः ३६  
सुरेन्द्र मान श्रेष्ठ  
नेपाःया संस्कृतिइ कुमारी द्यः— विश्वभूमि, दँ ५, ल्याः १२६—  
बलदेव जुजु
- ३) हनुमान ढोका राज दरवार— गौतम बज्र बज्राचार्य
- ४) छेय् मूलुखा छुइगुया सांस्कृतिक महत्व— विश्वभूमि, दँ ५,  
ल्याः १२६ तँसापी—सुरेन्द्र मान श्रेष्ठ
- ५) आसा सफूकुथि— कुंलाय् मरु त्वाः
- ६) तिकिइयाःया सांस्कृतिक परिचय— विश्वभूमि, दँ ६, ल्याः १४०  
तँसापी— सुरेन्द्र मान श्रेष्ठ
- ७) झीगु संस्कृतिइ सहाय्या महत्व— नेपाः या तान्त्रिक द्यः व  
तान्त्रिक पूजा—बलदेव जुजु व सुरेन्द्र मान श्रेष्ठ
- ८) झीगु संस्कृतिइ सहाय्या महत्व— नेपाः या तान्त्रिक द्यः व  
तान्त्रिक पूजा— बलदेव जुजु व सुरेन्द्र मान श्रेष्ठ
- ९) छेय् सगं— नेपाः या तान्त्रिक द्यः व तान्त्रिक पूजा— बलदेव जुजु व  
सुरेन्द्र मान श्रेष्ठ  
मिं मल— राजामति—दँ १०, ल्याः १३— सुरेन्द्र मान श्रेष्ठ  
भिन्तुना— दँ ६, सुरेन्द्र मान श्रेष्ठ
- १०) गुंपुल्ली— राजामति, दँ ६, सुरेन्द्र मान श्रेष्ठ

- ११) सैश्याः या कलात्मक जक मखु तान्त्रिक इयाः नं खः— विभ्रभूमि,  
दँ ६, ल्याः २३६ तँसापौ— सुरेन्द्र मान श्रेष्ठ
- १२) सिद्धुवा-पलिस्था—ने. सं. १११३— सुरेन्द्र मान श्रेष्ठ
- १३) हनुमान ढोका राज दरवार— गीतम वज्र वज्राचार्य
- १४) गथां मुग— कान्तिपुर— सुरेन्द्र मान श्रेष्ठ व बलदेव जुजु
- १५) नासः छः—हनाबना— ल्याः १ सुरेन्द्र मान श्रेष्ठ  
सकव देया देवी प्याख— बाल गोपाल श्रेष्ठ
- १६) भि छः— गुँच्च— छौराली बहुमुखी क्याम्पस— दँ १ ल्याः १  
सुरेन्द्र मान श्रेष्ठ
- १७) योमरि पुत्ति— इनाप— दँ ७, ल्याः ३३५— सुरेन्द्र मान श्रेष्ठ
- १८) खड्ग सुरक्षाया प्रतीक नेपाः या तान्त्रिक छः व तान्त्रिक पूजा—  
वलदेव जुजु, सुरेन्द्रमान श्रेष्ठ
- १९) चवाहाँ— आखे— दँ १११०
- २०) चालन— दशैको एक प्रमुख अंग— यति पत्तिका— धन वज्र वज्राचार्य
- २१) सीकाः भू— तान्त्रिक छः व तान्त्रिक पूजा— वलदेव जुजु व  
सुरेन्द्र मान श्रेष्ठ
- २२) पूर्वज लुमंका— डा. कमल प्रकाश मल्ल
- २३) मनू छः विज्यासः छः— नेवाः संस्कृति व नेवाः दर्शन— वलदेव जुजु
- २४) लिच्छविकालीन अभिलेख— स्व. धन वज्र वज्राचार्य
- २५) कुमारी अफ काठमाडौं— डा० जगदीस चन्द्र रेग्मी  
मल्ल वदाइन्स— डा० जगदीस चन्द्र रेग्मी

५





## नेवाः छँ

नां - सुरेन्द्रमान श्रेष्ठ

भाय् - सरु प्याफः, यँ

बुन्हि - ने.सं. १०५९ योमरि पुन्हि

सफू पिपना-पासा बलदेव जुजुमिसे जानाः निगू सफू

“नेपाःया तान्त्रिक छः व तान्त्रिक पूजा” व “कान्तिपुर

” पिबने धुंकूगु

### पिकाकया धापू

भाजु सुरेन्द्रमान श्रेष्ठ नेवाः सांस्कृतिक साहित्यया रचनाय् पलाःतयाः समाजया व्यवहारय् जुयाच्चंगु संस्कार परंपरा, दिगुपूजा, चथा, मोहनि, त्रिन्ति, पहांचहे, गुपुन्हि, बाराः तयेगु ब्याहा, जंको, सी.बू संस्कार इत्यादि विषय कःघाना न्ह्यज्जानादीम्ह छगूहे उद्देश्य घानाः वहेलैपुङ विकास या यां बस्तुकला व सांस्कृतिक अध्ययन कथं नेवाः छें दनाः न्ह्यने भाल ।

भाजु सुरेन्द्रमान श्रेष्ठ नेवाः संस्कृति यात स्वयेगु पहः गुगु समाजका संस्कारय् ल्यनाच्चंगु हे दनी, गनं थपथाप, गनं घटबढ ज्याच्चंगु दःसा स्वयेछिगु माःसा केनेयाये फैगु छगु न्हूगु लंपु बिइगु कुतलय थत अभ्यस्त यानादिइगु दु । वंगु दशक निसं थयागु लेख यानेयिने ब्वने खंबले न्ह्यलेला-ज्वलेला थें जुइगु यात धीधी सफू प्रकाशनं यच्चुक सीदया वयाचन संस्कृतिक सुरम्भन कुल परंपरा आजु अजिमाद्य, पात्र खला, जीबथनीगु नःखचःख म्नानाच्चंगु मौलिकता रा ।

छेंनंछुनं व्यवहार याइ व सामाजिक बिधिइ दुनेलाइ । छेंयाम्ह छम्हछम्ह मनूखं वनियम विनियम दुनेच्वना काःगु दैनिक जीवन न्ह्याका समाज बुलुहुं न्ह्याना च्वनीं । थुकिं सांस्कृतिक पदः म्वाकातइ । मनूयात छेंनं सुरक्षा बियाच्वनी । छेंगु कुलया बंशाबलीखः कुलछें आजु-अजिमा द्यःखः, माँ लक्ष्मी द्यः खः । छें फलचा, सतः, चपाःयानं रखवाला खः । छें दयेवं तिनि त्वाः त्वाः दइ, समाज स्थायित्व दइ, शहर दइ, इतिहास दइ । थयागु परिवेशं त्रिलिबिल जागु नेवाः समाजया नेवाः लवलय थुइकेगु कुतलय भाजु सुरेन्द्रमान श्रेष्ठया नेवाः छें, मूलखाय हिखुइगु तिकिभ्याः, सँभ्याः, दीचंअप्पा, कुपाः सिंखाः छेंकवः ग्वयछासिंया धुरि, भ्येथ, भौप्वा, भौवाः पल्लिचिगु बिधि, म्थ्याय् मचा बीगु, भौ मचा दुकायेगु आदि वास्तुकला व सांस्कृतिक अध्ययनं न्ह्यथना छेरि, मातं, च्वत, बैगः थायमापा, गृहलक्ष्मी, देमिया छें आजु-अजिमा द्यःयारुपं मनू वा संस्कार नापं स्वापु दुगु मनु बस्निसें सीबलय तकः संस्कार वया समाजयात धयसुइमाःगु उल्लेख दु । मनूखें छेंया मार्फत समाजया संरचनाय् थत थायमाःगु जीवन पाना वयाच्चंगु थम्हं चायकं वा मचायकं वहे मूलाधाराय वनाच्चंगु नेवाः समाज मूल केन्द्रीकृत छें खः । थयागु जीवन्त सांस्कृतिक धरोहर मौलिक वास्तुकला मौलिक चेतना रूप निम्ब संरचना क्यनेगु अध्ययनं जायाच्चंगु नेवाः छें वास्तुकला सांस्कृतिक लंपु क्यनिगु सफू अभिलेख लावनगु रुपरेखा खनेदु । बस

रामभक्त भोमि